

4731

235  
μ1 - 28

1 OCT 2009

206

12.



ՄԵՐ ԱՌԱՋԻՆ ՀՈՒՍԱԽՈՐԴՆԵՐԸ

Ա.  
Ա. ԹԱԴԵՈՍ ԱՌԱՔԵԱԼ  
ԵՒ Ա. ՍԱՆԴՈՒԽ ԿՈՅՑ



ԱՇԽԱՏԱՍԻՐԵՑ ՎԵՄ-ԽԱԶ

Կ. ՊՈԼԻՍ

1921

ՏՊԱԳՐՈՒԹԻՒՆ Կ. ԹԵՇԻՆԵԱՆ ՈՐԴԻ



ՄԵՐ ԱՌԱՋԻՆ ԼՈՒՍԱԽՈՐԴՆԵՐԸ

-28-

Ա.

## Ա. ԹԱԴԵՈՍ ԱՌԱՔԵԱԼ

ՊԿ

## Ա. ԱԱՆԴՈՒԽՏԻՑ ԿՈՅՑ

ԻՐԵՆՑ ԱԻԱՆԴԱԿԱՆ ՊԱՏՄՈՒԹԻՒՆԸ, ԻՐԵՆՑ ՎԱՆՔԵՐԸ՝  
ԽՐԻՍՏԵԱՆ ՀԱՅՐԻԿԻ ՈՂԲԵՐԳՈՎ, ԵՒ ՄԱՅՐԱՔԱԴԱՔԻՍ  
ՀԱՄԱՆՈՒՆ ԵՐԿՈՒ ԵԿԵՂԵՑԻՆԵՐՈՒ ՏԵՂԵԿԱԳՐՈՒԹԻՒՆԸ,  
ԵՒՆԻ ԳԱԲՈՒԻ ՀԱՆԳՈՒՑԵԱԼ Տ. ԽԱԶԱՏՈՒՐ Ա. ՔՈՀԱՆԱՅԻ  
ԿԵՆՍԱԳՐԱԿԱՆ ՈՎ.



Ա Հ Ա Տ Ա Ս Ա Ի Բ Ե Ց

**ՎԵՄ-ԽԱՅ**



Կ. ՊՈԼԻՍ

1920

08.05.2013



ԽՆԴՐԱԿԱՏՈՒՄ Ս. ԱՎՏՈՒԱՆԱԾԻՆ

Ս. ԱՌԱՔԵԼՈՅ ԽԵՂԵՑԻ ԵՎ ԶԱԲՈՒԻ


ՀԵՂԵՑԻ Ա. Բիբլիոթեկա

ԽՈՐ-ՀՈՒ-ՀԱՐ

Ա. ՄԱՏԻ

Ա. Ա. Ա. Ա. Ա.

638/6-67



Համար 2096

Կ. Պողիս, 24 հոկտեմբ. 1949

Ազնուանեամ

Տիար Վահրամ Մ. Խաչիկեան

Ենի Գարու

Ստացամի ամսոյս 16 թուականաւ Զեր ուղղած զիրը ու  
անր հետ մելքոն «Ս. Թաղիու Առաքեալ եւ Ս. Սանդուխս  
Կոյս ոի մասին Զեր պատրաստած նախածանօթութիւնը ու այժէ  
անցնեղով զայն յարմար գտամի անր հրատարակութիւնը, եւ  
հետեւաբար վերադարձնեղով նոյն նախածանօթութիւնը, Զեր կը  
բողոքի պատշաճ և ուղինութիւնը:

Մնամի աղօրաւար  
Պատրիարք Հայոց  
ԶԱԻԿՆ ԱՐՔԵՊ.

Կ. Պողիս 22 Հոկտ. 920

Սիրելի և Բարեշնորհ Դպիր

Տիր, Վահրամ Մ. Խաչիկեան

յենի Գարու

Մտագրութեամբ կարգացի քու պատրաստած «Ս. Թա-  
ղիու Առաքեալ և Ս. Սանդուխս Կոյս» գրքոյկը: Հոն ցոլա-  
ցած տեսայ եկեղեցավարական նախանձախնդրութիւնդ և բա-  
րեպաշտ գրէիդ սեռնութիւնը: Ո՞րքան անհրաժեշտ է որ  
մեր երիտասարդները

քեզի պէս գիտնան և  
գնահատեն եկեղեցիի  
նշանակութիւնը և ա-  
նոր գերը, և ըստ այսու  
վերաբերուին այն ամէն  
բաներուն հանգէպ՝ որք  
եկեղեցիի կը պատկա-  
նին: Դժբաղդաբար մեր  
սկեպտիկ երիտասարդ-  
ները կ'ուզեն հեռացնել  
ժողովուրդը ա'յն եկե-  
ղեցիէն, ուրկէ չկըր-  
ցան հեռացնել ամենէն  
պիղծ ոճրագործները և  
լեպիշտի եղեռնազործ-  
ները:

Մեր նախնիք մեծ  
սիրով փարած էին  
եկեղեցւոյն: անոնք  
զգացած եւ համոզուած էին թէ եկեղեցին ինչ նախախնա-  
մական մեծ դեր կը կատարէ մեր ազգային գոյութեան պահ-  
պանման տեսակէտով, և հոն գտած էին անխորտակելի ոյժ



ԳԵՐ. Տ. ՂԵՒՈՆԴ Ս. ԵՊՍ. ԴՈՒՐԵԱՆ

մը և անդիմագրելի զօրութիւն մը : Ինչո՞ւ այժմ կ'աւղեն ումանք քանդել ինչ որ Եկեղեցին կը պատկանի . Եկեղեցին քանդելով Ազգային գոյութիւնը չապահովուիր . առանց Եկեղեցւոյ Ազգը Կ'իյնայ, կը կործանի, կը ջախջախուի :

Եկեղեցին, օգնութեան փարոս մ'է նղած մեղ՝ մթասաւուեր ամպերու տակ խռավայոյդ ովկիանոսի մէջ . Եկեղեցին, հովանաւորող դրօշակ մը եղած է և իր ծալքերուն տակ բերած է խրախոյս և քաջալերութիւն, վերջապէս Եկեղեցին եղած է նախախնամական քաղցրութիւն մը մեր կեանքի դառնութեան ամէն շրջաններուն :

Դրօյմով ապացոյցը կուտաս թէ ունինք նաև երիւ տասարդութիւն մը որ Կ'սիրէ Եկեղեցին և փարած է անոր հողեռով և սրտով, և կը յարգէ անոր կարգն ու կանոնն, օրէնքն ու պայմանն : Կը մաղթեմ ի բոլոր սրտէ որ քեզ պէտ լուրջ խորհող երիտասարդները շատնան մեր բազմաչարչար ժողովուրդին մէջ, և գիտնան հոգեւոր կեանքին արժէքը ա'յն մաքուր և աստուածային կեանքին; որ Յիսուս Քրիստոս սով և իր ընտրեալներով յայտնուեցաւ աշխարհի :

Ողջունիւ սիրոյ,


Ներոնդ ԵՊՍ. ԴՈՒՐԵԱՆ.





Տ. Տ. ԳԵՐՈԳ Ե. ՄՐՐԱՋԱՆ  
ԿԵՆԱՔԱՆ ԿԱԹՈՒՆԻԿՈՆ  
ԱՄԵՆԱՅՆ ՀԱՅՈՑ

Տ. Տ. ԶԱՒԵՆ Ս. ԱՐՔԵՊԻԿՈՎՈՒ  
ԱՐԺԱՆԲԵՏԻՐ ՊԱՏՐԻԱՐք  
ՀԱՅՈՑ ԹՈՒՐՖԻՈՑ



## ՆԱԽԱԾԱՆՈԹ-ՌԻԹ-ԻԻՆ

••

Հայ Ս. Եկեղեցւոյ հիմնադիրներն են Ս. Թաղէսս և Բարթողիմէոս Առաքեալները, կոչուած յատկապէս Առաջին Լուսաւորիչներ Հայաստանի :

Աւետարանական քարոզութեան սկզբնաւորութիւնը ըստ Հայ Ս. Եկեղեցւոյ աւանդութեան, որու կը ճայնակցին Յոյն և Լատին Եկեղեցիները, կը վերագրուի Ս. Յուղա Թաղէսս Առաքեալն, մին տամներկու առաքեալներէն որ Դերէսս կոչուած է, նահատակուած ի Հայս իբր Յօ թուականին (Հայոց Եկեղեցին, Մաղաքիս Արքեպակ. Օրմանեան, Հայ Եկեղեցւոյ ծագումը, 1912):

Ըստ Յովհանն Ծործորեցիի պատմագրութեան (Մեկնութիւն Մատ. Փ. 3) Ս. Յուղա Թաղէսս Ղերէսս Առաքեալը սկսած է քարոզութեան, բժշկելով Արդար թագաւորը Միջազգետքի մէջ, և նահատակուած Ս. Սանդուխտ Կոյսէ վերջ Արտազի մէջ: Նոյնիմաստ կը պատմագրէ Ղերոնիմոս պատմաբանը, հետեւեալ կերպով.

«Եկեղեցական պատմութիւնը կ'աւանդէ մեղ թէ Ս. Յուղա Թաղէսս Առաքեալն է որ խրկուած է Եղեսիս Արդար թագաւորին Միջազգետքի մէջ, այն առաքեալը՝ զոր Ղուկաս Աւետարանիչը Յուղա Յակոբեան կը կոչէ, կոչուած նաև Ղերէսս (Սրտիկ), եռանուն:»

Թակորոս Առասուածաբան Պատրիարքը կ. Պոլսոյ (Տես մեկնութիւն Նարեկայ 1745, էջ 933 և 935). համաձայն վերոյիշեալնարուն՝ կը գրէ. «Ղերէսս, այսինքն Յուղա Թաղէսս Առաքեալ Առաջին Լուսաւորիչ Հայոց, մին է տասներկու առաքեալներէն, և գլուխ եօթանասուն աշակեր-

տաց, բժիշկ Արգար թաղաւորին և նահատակակից Սրբուհի Սանդուխտի:

Այսպէս կը հաստատէ նաև մեր վերջին Յայսմաւորքը (Գր. Փէշտիմաձեան, կ. Պոլիս 1834):

Ուրիշ աւանդութեան մը համաձայն, եօթանասուն երկու աշակերտներէն Ս. Թաղէսո Դիզիմոս կոչուածը՝ Ս. Թովմաս Առաքեալի երկուորեակ եղբայրն է որ գացած է Եղեսիա բժշկելու Արգար թաղաւորը, և անկէ անցած է Արտազ, ուր նահատակուած է Ս. Սանդուխտի նահատակութենէն վերջ: Յոյները և Լատինները չունին այս աւանդութիւնը. Ասորիներունը ևս որ գուրկ չէ ժամանակադրական սխաներէ, չի համաձայնիր բոլորվին: Մեր մէկ Յայսմաւուրքը (Յարութիւն Մեղրիցւոյ, կ. Պոլիս 1706), այս աւանդութեան կը համաձայնի, պատմագրելով Ս. Թաղէսո երկուորեակը եօթանասուն երկու աշակերտաց իրը գլխաւոր, բժիշկ Արգար թաղաւորին, և նահատակակից Սրբուհի Սանդուխտի՝ Սանատուկի կողմանէ:

Հ. Մկրտիչ Վրդ. Աւգերեան (Լիակատար Վարք Սրբոց, Վենետիկ 1813), այս աւանդութիւնը հիմ բոնելով՝ մեր հոգեւոր ծնողը կը կոչէ Ս. Թաղէսո երկուորեակը, և զարմանալի չի գտներ անոր նկատմամբ ուրիշ աղջերու սեղի չափ տեղեկութիւն չունենալը, ինչպէս որ կ'ըսէ, զաւակ մը իր ծնողքին վարքն ու հանդամանքը ուրիշներէ աւելի լաւ կը ճանչնայ: Հ. Մկրտիչ վարդապետ նկատի ունենալով Եւսերիսո պատմիչին և Ս. Մովսէս Խորենացիին պատմութիւնները, որոնք երկու Ս. Թաղէսո առաքեալներու մասին որոշ կերպով խօսած են, անոնցմէ կը հետեւցնէ իր պատմութիւնը համաձայն Յարութիւն Մեղրիցւոյ Յայսմաւուրքին, բայց ո՛չ իրը գլխաւոր նկատելով Ս. Թաղէսո երկուորեակը՝ եօթանասուն երկու աշակերտաց:

Աւանդական այս տարբերութիւններուն մէկին կամ միւսին հետեւող ուրիշ պատմագրութիւններ չեն պակախ:

Մենք բաւարար մանրամասութեամբ և զգուշաւոր վերապահութիւնով այս ամենը նշանակելէ վերջ կ'ընդունինք ինչ որ նախածանօթ աւանդութիւնն է Հայ Ս. Եկեղեցւոյ, և ամեն անոնց որոնք անպատճառ Ս. Թաղէսո Երկուորեակի կ'ուղեն սեպհականացնել վերոգրեալ անցքերը, կը պատասխանենք թէ Ս. Յուղա Թաղէսո տասներկու առաքեալներէն՝ ընդհանուրէն ճանչցուած ըլլալով Հայաստանի Առաքեալ, հաստատ է գաւանանքը Հայ Առաքելական Ս. Եկեղեցւոյ, որ ինչպէս ըսինք ծանօթութեան սկիզբը, Ս. Թաղէսո և Բարթողիմէսո Առաքեալները կը ճանչնայ Առաջին Կուսաւորիչ Հայաստանի:

Ճատ վսեմ է մեր Ս. Եկեղեցւոյ այս ըմբռնումը: Իրապէս Ս. Թաղէսո Երկուորեակը, որցափ ալ ստոյգ ըլլան իրեն վերագրուած տասնդութիւնները, չի նուապտանար երբէք՝ եթէ ինքն իսկ Հայ Ս. Եկեղեցւոյ առաքելական հիմնադրի առաջնութիւնը տայ տասներկու առաքեալներէն Ս. Յուղա Թաղէսուին, որ ինչպէս ըսինք՝ արդեամբ ճանչցուած է Հայոց Առաքեալ: Մենք՝ համաձայն մեր Շարականին որ անջատաբար կը յիշէ Ս. Թաղէսո և Բարթողիմէսո, և Ս. Յուղա Թաղէսո Յակոբեան Առաքեալները, կը հետեւինք բոլոր յայսմաւուրքներու օրինակին, և անջատ գլուխներու մէջ կ'ամփոփենք երկու համանուն Ս. Առաքեալներու պատմութիւնները, նախընարելով հետեւիլ Հ. Մկրտիչ Վ. Աւգերեանի պատմագրական ոճին, գտնելով զայն յստակ և արտայայտութեամբ աւելի ջերմեռանդ:

Ս. Թաղէսո Առաքեալէն վերջ Աւետարանի քարոզութիւնը կը շարունակէ ի Հայս Ս. Բարթողիմէսո Առաքեալը, մին տասներկու առաքեալներէն, և կը նահատակուի Աղքակ (Պաշգալէ) իրը 68 թուականին: Բոլոր Քրիստոնեայ Եկեղեցիները կը ճանչնան Ս. Բարթողիմէսուը՝ իրը Հայաստանի Առաքեալ:

Առաքելական այս վկայաբանութեանց հետ ունեցած ենք տիրաւանդ երկու պատկերներ, որոնց առաջինը՝ Քրիստոսի

պատկերը՝ անարուեստորէն ապաւորուած դաստառակի վրայ, ընծայուած է Աբգար թագաւորին, և հանգուցուած Ս. Թաղէսս Առաքեալի կողմանէ հիմնուած Եղեսիոյ առաջին Ս. Աստուածածին Եկեղեցիին մէջ :

Երկրորդը պատկերն է Տիրամօր, նկարուած կիպարիս փայտի վրայ, ձեռամբ Յովհաննու Աւետարանչին, օծուած նոյն ինքն Տիրամօր տրցունքով, և իբր յիշատակ յանձնուած Ս. Առաքելոց՝ իր վերափոխումէն առաջ : Ս. Բարթողիմէսս Առաքեալ որ բացակայ էր Հնդկաց աշխարհ գացած ըլլալով, վերադարձին Ս. Կոյսին վերջին տեսութենէն զրկուած ըլլալուն անմիտիթար մնացած, ի միիթարութիւն առաքեալներէն ստացաւ նոյն պատկերը, կ'ըսէ Մովսէս Խորենացին, զոր Ս. Առաքեալը պատհեց իր մօտ, և ի վերջոյ դրաւ Արծրունեաց Երկրին մէջ իր իսկ հիմնած Հոգեցաց վանքի Ս. Աստուածածին Եկեղեցիին մէջ :

Երեկայ երկասիրութեան Ա. մասին մէջ պատմագրուած է այս սրբազնն պատկերներու առաջինին՝ Ս. Դաստառակի աւանդութիւնը, Անդրանիկ հաւատացեալ մեր Աբգար թագաւորին դարձը, Ս. Սանդուխտ Կոյսի կեանքը և մարտիրուսարանութիւնը՝ Ս. Թաղէսս Առաքեալին հետ, իրենց նշխարներու գիւտը, ինչպէս նաև Ս. Յուղա Թաղէսս Առաքեալի կենսագրութիւնը, համաձայն Հայ Ս. Եկեղեցւոյ աւանդութեանց : Իսկ Բ. մասին մէջ տրուած է նկարագրութիւնը Հայաստանի Ս. Թաղէի և Ս. Գեղարդայ վանքերու անցեալ և ներկայ վիճակին, Մայրաքաղաքիս մէջ յանուն Ս. Առաքելոց և Ս. Սանդուխտ Կոյսի հիմնուած Եկեղեցիներու տեղագրութիւնը, ինչպէս նաև ասոնց առաջնոյն բարեյիշատակ աշխատաւոր հանգուցեալ Տ. Խաչատուր Քահանայի կենսագրութիւնը, և հոգելոյս Խրիմեան Հայրիկի Ողբերգը՝ ձօնուած Ս. Թաղէի վանուց նույնութեան յիշատակին :

Կը մնայ մեզ պատմագրութիւնը Ս. Բարթողիմէսս Առաքեալի կեանքին և գործքին, զոր եթէ Տէրը յաջողէ, կը յուս սանք ամփոփել և ի լոյս ընծայել Երկրորդ հատորի մը մէջ :



Ս. ԹԱՐԵԼՈՒ ԱՌԱՔԵԱԼ

ԱՍՈՒԱԾԱՄՈՒԽ Ս. ԳԵՂԱՐԴՈՎ

ԳՈՐԾ ՅՈՎՆԱԹԱՆ ՆԿԱՐՁԻ, ԷԶՄԻԱՄԻԽ



## Ա. ՄԱՍ

ԱԽԱՆԴԱԿԱՆ ՊԱՏՄԱԳՐՈՒԹԻՒՆ

Ա.

### ՔՐԻՍՏՈՍԻ ԴԱՍԱՌԱԿԲ

ՆՈՒԻՐՈՒԱԾ ՀԱՅՈՅ Ա.ԲԳԱՐ ԹԱԴԱԼՈՐԻՆ



Քրիստոսի ժամանակակից անդրամիկ հաւատացեալ Արգար թագաւորն Հայոց և Ասորոց, կոչուած նաև Ապկար կամ Աւգար (Աւագ Այր), Պարթեւ Արշակունի ցեղէն, թոռն էր Մեծն Տիգրանայ և որդին Արշամայ, արքունիքը Միջագետքի Եղեսիայ կամ Ուռհայ անուն քաղաքին մէջ հաստատած: Իր իշխանութեան երկրորդ տարին ծնաւ Քրիստոս Հրէաստանի մէջ. Արգար արժանի եղաւ իմանալու անոր համբաւը և հաւատաց: Այս վերջին պարագային է որ կ'անցնինք առանց անդրադառնալու իր պետական բազմարդիւն գործերուն, որոնց համար յարգուած էր ան Հոռվմայեցի, Պարսիկ եւ ուրիշ բոլոր ազգերէն:

Անդամ մը Արգար արքունի պաշտօնով իր աւագանիէն երկու դեսպան խրկած էր Պաղեստինի սահմանները՝ Հոռվմայեցւոց Մասինս գործակալին: Ասոնք վերագարձին երուսաղէմի մէջ Քրիստոսի հրաշքներուն ականատես ըլլալով եկան պատմեցին իրենց ինչ որ տեսած էին: Արգար որ կուպաչտ էր, զարմացաւ. եօթը տարիի ի վեր անբուժելի տեսակ մը բարոտութեան ենթակալ էր, և երբ լսեց այդ հրաշագործութիւններու համբաւը, հաւատաց թէ աստուածային կարողութիւն մը պէտք էր այդ բաները ընելու համար, և բժըշ-

կուելու տենջանքով՝ իր հաւատարիմ սուրհանդակին Անանէի պաշտօն տուաւ տանելու Յիսուսի իր հրաւէր խնդրագիրը՝ գրուած յետագայ ոճով.

«Աբգար Որդի Արշամայ և Իշխան Աշխարհին Հայոց և Ասորեց Միջադետաց, առ Յիսուս Փրկիչ և Բարերար Հրէաստանի՝ Ողջո՛յն :

«Լսեցի՛ համբաւդ. պատմեցին թէ դուն առանց գարմանի և բուսական գեղերու հիւանդները կը բժշկես, կոյրերու աչքերը կը բանաս, կաղերը կը քալեցնես, բորոտները կը սրբես, դիւահարները կ'ազատես, հինցած ախտերով առապողները կ'առողջացնես, և մեռեալներուն անդամ կեանք կուտասու: Եւ իմանալով այս ամենը՝ երկու կէտի վրայ հաւատք գոյացուցի. — Կամ դուն Աստուած ես երկինքն իջած, և կամ Աստուծոյ Որդի՝ որ կրնաս ընել այդ բաները: Արդ՝ աղաչանքով կը գրեմ քեզի, բարեհածէ՛ գալու բժշկելու նաև զիս: Ես իմացած ըլլալով նաև որ Հրեաները կը արտնջանքու վրադ և կ'ուղին չարչարել քեզ՝ կը հրաւիրեմ որ դուն իմ հիւրս ըլլաս: Ես ունիմ գեղեցիկ փոքրիկ քաղաք մը որ կը բաւէ սեր երկուքին պէտքերուն:»

Աբգար իր սուրհանդակին կ'ընկերացնէր նաև Յովհաննէս անուն նկարիչը՝ որու կը յանձնարեր նկարել Յիսուսի պատկերը՝ եթէ չյօժարեր ան ընդունելու իր հրաւէրը ( asterisk ) :

Պատգամաւորները Շաղկազարդի կիրակի օրը երուսալէմ հասուն, ծիչտ ա՛յն պահուն երբ ժողովուրդը Քրիստոսի մուտքը կը փառաւորէր նոյն քաղաքին մէջ: Անոնք սպասեցին անոր՝ մինչեւ տաճարէն ելնելը. ի վերջոյ մտան Գամազիէլի տունը ուր հիւրընկալուեցաւ Յիսուս, և յայտնեցին իրենց խնդիրքը՝ Քրիստոսի աշակերտներէն Փիլիպպոսի: Ա.

[\*] Համարովներ կան թէ Անանէ սուրհանդակը նոյնինքն Յովհաննէս նկարիչն է, որ Ասորի բարբառով Հաննէ կը կոչուէր: Բայց մեր յայտմաւուրքները անջատաբար Անաննէն կը նկատեն հաւատաքիմ սուրհանդակը Աբգարու, և Յովհաննէսը՝ մասնաւոր նկարիչ, ինչպէս որ պատմագրեցինքն է:

Խորենացին առ այս Աւետարանի վկայութիւնը բերելով կ'ըուէ «Երուսաղէմ եկող հեթանուներէն ոմանք որ չէին համարձակէր անձամբ մօտենալու Յիսուսի և խօսելու իրենց պատգամը՝ մօտեցան Փիլիպպոսի և ըսին. — Տէ՛ր, կ'ուզենք Յիսուսը տեսնել: Փիլիպպոս ըսաւ Անդրէամին, Անդրէաս և Փիլիպպոս ըսին Յիսուսի, և Յիսուս ըսաւ. — Հասա՛ւ մարդոյ Որդւոյն փառաւորուելու ժամը: Այսինքն յայտնել ուզեց Յիսուս թէ հասաւ իր խաչելութեան ժամանակը, ինչ որ փառք էր իրեն համար, որմէ վերջ պիտի աւետարանուէր փառքով հեթանուներու մէջ:

Եւ այս իսկ պատճառին համար Յիսուս չէր կրնար հետեւանք տալ անձնապէս Աբգարի հրաւէրին: Այսուհանդերձ իր պատասխանին արժանացուց զայն, ինչ որ աննշան պատիւ չէր, և իր կողմէ Թովմաս Առաքելալին ձեռքով գրել տուաւ Աբգարի հետեւեալ նամակը.

«Երա՛նի անոնց որ առանց տեսնելու կը հաւատան ինձ, որովհետեւ զրուած է ինձ համար թէ՝ անոնք որ կը տեսնեն՝ չի պիտի հաւատան, և անոնք որ չեն տեսներ՝ հաւատալով պիտի ապրին:

«Հրաւէրիդ պատասխանելով կը յայտնեմ թէ ես հոս պէտք է որ կատարեմ ա՛յն ամեն բաները՝ որոնց համար իրեւեցայ, և երբ կատարեմ՝ պիտի երթամ Անոր քով՝ որ զրկեց զիս: Եւ այն ատեն իմ աշակերտներէս մէկը պիտի զրկեմ քու քովդ. նա պիտի բժշկէ քեզ և կեանք պիտի տայ քեզի, ինչպէս նաև քու հետդ եղողներուն:»

Յովհաննէս նկարիչը տեսնելով որ Յիսուս յանձն չառաւերթալ իրենց հետ, իրեն տրուած պատուէրին համաձայն իսկոյն մեկուսացաւ նկարելու Փրկին պատկերը իր երիտասարդական տեսքովը: Բայց հազիւ թէ նախագիծը առած էր պաստառին վրայ, և ահա փոխուած կը տեսնէր Յիսուսը, և կերպարանուած ծերունիի ալեփառ երեւոյթով: Ան կը չնչէր իսկոյն առաջին սկսածը, և զարմանքով կը սկսէր նկարելու ծերունականը, զոր հազիւ ծրագրած, ահա՛ կրկին փոխակեր-

պուած կը տեսնէր Յիսուսը՝ մանկատի հրաշագեղ պատանիի մը կերպարանքով։ Նկարիչը զարհուրած կանդ կ'առնէր, լուրունելով թէ անկարելի էր Յիսուսը նկարել իր բուն օրինակին վրայ։ Բայց ամէն բանի ծածկագէտը Յիսուս, որ հառ կցած էր պատգամաւորներու միտքը, շուտով գթաց անոնց վրայ, և գովելով անոնց հոււատքը, առաւ լուացման սպիտակ անձեւոցը, դրաւ իր ասսուածատիպ երեսին վրայ, և ներկայացուց զայն անոնց՝ յարեւնման տպաւորուած իր տէրունական պատկերովը անթերի և անարուեստ։ Ոսկեթել եզերուած վուշեղէն կտաւ մ'էր դաստառակը, մէկ գրկաչափ մնջութեամբ, զոր անսահման ուրախութեամբ ստացան պատգամաւորները Քրիստոսի պատասխանին հետ, և իսկոյն ճամբայ ելան, Եղեսիայ վերագաւնալու համար։

Հազիւ թէ քաղաքին մօտեցած էին, յանկարծ պատասհցան անոնց թչնամի ասպատակներ, որոնցմէ իրենց թանկագին աւանդը պահպանելու համար անմիջապէս երկու թրծուն աղիւսներու մէջ ծրարելով ձգեցին մերձակայ ջրհորի մը մէջ։ Շատ չանցած անոնք անվտանգ մտան քաղաքը, և պատմեցին Արգարի՝ բոլոր անցքերը։ Արգար մէծ ուրախութեամբ ստացաւ Յիսուսի պատասխանը, մեծարեց իր պատգամաւորները, և հրաման ըրաւ քաղաքի բոլոր բնակչութեանը՝ հանդիսաւոր մեծ թափօրով երթալու յաջորդ օրը հանելու ջրհորէն նուրիսական կտաւը։ Հրամանը կատարուեցաւ մեծ հանդէսով, և դաստառակը հանուեցաւ անսաղարտ, բայց մին երկու աղիւսներէն որոնց մէջ պահպանուած էր այն՝ մնացած էր ջրհորին մէջ։

Թափօրը ուրախութեան երգերով դարձաւ քաղաք։ Արգար Յիսուսի ահսութեան կարօտովը լեցուած բացաւ դաստառակը, գիտեց զայն, ու դրաւ իր երեսին վրայ։ Ազգեցութիւնը հրաշալի եղաւ. ան նոյնժամայն բժշկուեցաւ կիսով չափ, աչքերուն և յօնքերուն մազերը բոււան, և ձայնը որ խանգարուած էր՝ զօրացաւ։ Նոյն պահուն արքունականներէ շատ հիւանդներ բժշկութիւն ստացան։ Արգար անցուշտ ա-

նոնց պէս պիտի կրնար կատարելապէս բժշկուիլ, բայց Քրիստոսի խոստումին համաձայն՝ անոր կողմէ գալիք Ս. Առաքեալին էր որ պիտի վիճակէր այս հրաշքին լրացումը, քրիստոնէական հաւատքի լուսաւորութիւնովը։

Նոյն օրը տամնըրութը Օգոստոսո, որ կը զուգադիպէր Տիրամօր Վերափոխման տօնին, յիշատակութեան տօն սահմանուեցաւ Քրիստոսի մնձեռագործ Դաստառակին։



## Ա.ԲԳԱՐ Ա.ՌԱԶԻՒ ՔՐԻՍՏՈՆԵԱՅ ԹԱԳԱԽՈՐ

ԵՒ

### ԱԴԴԷ ՀԱՅՐԱՊԵՏ



Քրիստոսի համբարձումէն վերջ առաքեալները և եօթանասուն երկու աշակերտները Հոգւոյն Սրբոյ գալստեան շընորհքովը արխացած, երբ հեթանոս երկիրներու առաքելութիւնը վիճակաւ կը բաժնէին իրեն մէջ, ըստ կարեւոր պատմագիրներու աւանդութեանց՝ տաներկու առաքեալներէն Ս. Թաղէսո Ղերէսոսի՝ այն է Յուղա Յակոբեանի վիճակեցաւ հիւսիսային կողմերու քարոզութիւնը։ Կան ուրիշ պատմագիրներ որոնք կ'աւանդեն թէ եօթանասուն երկու աշակերտներէն Ս. Թաղէսո Ղերկուորեակին էր որ վիճակած էր այդ պաշտօնը, և թէ Ա. Թովմաս՝ տաներկու առաքեալներէն, յիշելով Յիսուսի խոստումը Արգար թագաւորին, միւս առաքեալներու հետ համաձայն իրկած է իր երկուոր-

եակ եղբայր Ս. Թաղէսոս Դիղիմոսը բժշկելու Աբգարը , և լուսաւորելու զայն և իր աշխարհը : Մեր Ս. Թաղէսոս Առաքեալի ինքնութեանը մասին եղած աւանդութիւնները մանրամասնած ենք Նախածանօթութեան գլխոյն մէջ :

Արգ , Հայաստանի հոգեւոր հայր Ա. Թաղէսոս Առաքեալ իր սեպհական վիճակի քարոզութեանը սկսելու համար հասած էր Միջագետքի Հայոց և Ասորոց մայրաքաղաքը Եղեսիա , ուր էր Արգար՝ տիրողը երկրին : Ս. Թաղէսոս , ըստ մեր մատենագիրներու պատմագրութեան , իր հետը կը բերէր այն աստուածամուխ հրաշալի գեղարդը որով Քրիստոս խոցուած էր Խաչին վրայ <sup>[\*]</sup> :

Եղեսիոյ մէջ Ս. Առաքեալը իջեւանեցաւ հրէական ցեղէ Տուբիայ Բագրատունի անունն Հայոց նախարարին տունը , առողջացուց զայն ինչպէս նաև ուրիշներ , և լուսաւորեց Աւետարանի քարոզութեամբ : Արգար լսելով անոր համբաւը , հասկցաւ խկոյն թէ այս այն առաքեալն է որու համար գրած էր Յիսուս , և ջերմ փափաքով արքունիք հրաւիրեց զայն :

Երբ Ս. Թաղէսոս ներկայացաւ իրեն , Արգար հրաշալի ազդեցութեամբ մը տեսաւ անոր դէմքը լուսափայլ , գլուխը արքայական ոոկի թագով , և ահարեկ ինկաւ երկրպագեց անոր առջև , մինչդեռ իր աւագանին՝ տեսիլքին անետղեակ ըլլալով՝ կը մնար զարմացած : Արգար ոքանչացած՝

« — Դո՞ւն ես , հարցուց , աշակերտը օրհեալ Յիսուսի՝ զոր խստացաւ զրկելու ինձ , և կրնա՞ս բժշկել զիս :

« — Եթէ հաւատաս կարոզութեանը Աստուածորդւոյն Յիսուսի՝ պատասխանեց Ս. Առաքեալը , կ'ստանաս խնդիրքդ :

« — Ես հաւատացի իրեն և իր Հօր Աստոյն , յարեց Արգար , և ուզեցի իր զօրքերովս գալ կոտորելու այն Հրեաները որ զինքը խաչեցին , բայց չկրցայ՝ որովհետև անոնք Հռովմայնցւոց հպատակ էին :

[\*] Ճես Յիշատակարան , Ս. Գեղարդայ վանք :

Ս. Թաղէսոս ձեռքը դնելով Արգարի վրայ կատարելապէս բժշկեց զայն իր հիւանդութենէն : Ան բժշկեց նաև Արդիու անդամալոյն որ երեւելի արքունական մ'էր : Եւ այնուհետև օրբատորէ հրապարակային քարոզութեամբ լուսաւորեց ժողովուրդը , զոր մկրտեց թագաւորին հետ : Կուռքերու մենեանները փակուեցան , արձանները վերցուեցան , և առանց լրանութեան կամ հալածանքի՝ քրիստոնէութիւնը սկսաւ ծաւալիլ շուտով : Այն ատեն Ս. Թաղէսոս , բոլոր առաքեալներէն առաջ հիմնեց առաջին քրիստոնէական եկեղեցին Եղեսիոյ մէջ , նուիրուած Ս. Աստուածածնայ անունին , ուր փայտագրուեցաւ Քրիստոսի անձեռագործ Դաստաւակը :

6 38/6 - 67

Իսկոյն Քրիստոնէական պաշտամունքի համար քահանաներ կարգաւեցան : Իսկ Արգէ արքունի խոյրարարը՝ ցեղով Բագրատունի , որ Ս. Առաքեալին աշակերտն էր , եպիսկոպոս ձեռնադրուեցաւ : Ս. Թաղէսոս աւանդելով անոր իր գրաւոր զգուշական կանոնները , յանձնեց նաև իր հօտը , գործակից տալով իր աշակերտներէն մէկ քանին , ապա օրհեց թագաւորն ու ժողովուրդը , և իր քանի մը աշակերտներուն հետ անցաւ դէպի Բարձր Հայաստան , հետը տանելով մասնաւոր հրովարտակ Արգար թագաւորէն առ իր քեռորդին Սանտրուկ , որ Արգարի կողմէ իշխան կարգուած էր այն տեղերուն , ու կը նստէր Արտազ գաւառի Շաւարշան քաղաքին մէջ :

Սակայն Արգար թագաւոր որ տակտու կը վառէր Քրիստոնէական սիրով , բաւական չի համարեց միայն իր երկրին դարձը . ան կը փափաքէր ճշմարտութեան քարոզիչը ըլլալ նաև իր բարեկամ աղջերու՝ Հռովմայիցիներուն , Պարսիկներուն և Ասորիներուն : Եւ այս նպատակաւ Հռովմայեցւոց Օգոստոս կայսեր և անոր յաջորդին Տիբերիոսի հետ մեծ ընտանութիւն ունենալուն , զրեց այս վերջինին ինքնագիր նամակ մը , որու մէջ կը յիշեցնէր թէ ի՞նչպէս Պաղեստինի հրեաները խաչած էին Քրիստոը իրենց բարերարը , կը նկարագրէր անոր հրաշալի մահուան պարագաները , երեքօրեայ

յարութիւնը, և ա'յն հրաշքները՝ որ կը գործուէին իր աշակերտներուն կողմէ։ Արգար նոյն նամակաւ կը խնդրէր արժանապէս պատժուիլը այդ չարագործներուն, և կը պահանջէր որ հրովարտակաւ ծանուցուի ամեն կողմ՝ Քրիստոսի Աստուածութիւնը։

Տիրերիս կայսրը որ վերոյիշեալ տիեզերահռչակ անցքերուն տեղեակ էր, չհակառակեցաւ Արգարի այս պանծալի նամակին, բայց չկրցաւ գոհացնել Արգարը՝ իր տուած պատասխանովը, որու մէջ ան կ'ըսէր թէս պատրաստ էր ձանչնալու Յիսուսու իրք մին իրենց աստուածներէն՝ եթէ Հռովմայեցւոց ծերակոյտը տար առ այդ իր հաւանութիւնը։ Տիրերիս կայսեր պատասխանը առ Արգար թագաւոր՝ հետեւեալն էր։

«Ենորհակալութեամբ կարդացի նամակու կանուխին լսած էի, ինչպէս որ Պիղատոս ևս հաստատած էր, Քրիստոսի հրաշքներու համբաւը, և իր յարութիւն տռնելէ վերջ՝ շատերու կողմէ Աստուած ճանչցուելու պարագան։ Ես կը փափաքէի ընդունիլ քու հաւատքդ, բայց ծերակոյտը՝ որու քննութիւնով և հաւանութիւնովը միայն նոր աստուածներ կրնանք ճանչնուլ և ընդունիլ, այս խնդրին մէջ նախաձեռնարկողը ինք ըլլալուն համար արհամարհուս վերսբերում ունեցաւ։ Բայց ես հրամայեցի հաւատացեալներուն ազտօրէն պաշտելու Յիսուսը։ Իսկ հրեաները որ միա՛յն մեծարանքի արժանի բարերար մը իրք մահապարտ խաչեցին, ես արժանապէս պիտի պատժեմ երբ դառնամ Սպանիացւոց հետ իմ վերահաս պատերազմէս։»

Արգար թագաւոր այս պատասխանին մէջ հեգնական գտաւ ծերակոյտին վարմունքը, եւ նախանձայոյզ հաւատքով խոկոյն Տիրերիս կայսեր խրկից երկրորդ նամակ մը, որու մէջ՝ «Եթէ չես բարկանար, կը գրէր, շատ այպահնելի կը գտնեմ ձեր ծերակոյտի ընթացքը, որ կը կարծէ թէս սուտ աստուած մը աստուածացնելու պարագային մէջ կը գտնուի։» Իսկ առանց կայսեր հրամանին հրեաներու կամքը կատարող

չարեացապարտ Պիղատոսին համար կը պահանջէր անարգալից պաշտօնանկութիւն։

Բացի այս նամակէն, Արգար գրեց նաև նոյնիմաստ յորդորական մը իր ազգական Պարթև Արշակունի ցեղէն Պարսից Արտաշէս թագաւորին որդւոյն, Ասորեստանի մանկատի Ներսոն արքային, որ Բարելոն կը նոտէր, և որու կը յանձնարարէր ընդունիլ իրը բժիշկ և Լուսաւորիչ՝ Ալման Կանանցին, Քրիստոսի Առաքեալը, որ քարոզչութեամբ նոյն կողմերը կը գտնուէր Միւնոյն յանձնարարութիւնը կրկնեց նաև անոր հօրը՝ Պարսից Արտաշէս թագաւորին։ Եւ սակայն Արգար, որ իր այս նամակներու օրինակը պահել տուած էր իր դիւանին մէջ, անսոնց պատասխանը գեւ չստացած՝ վախճանեցաւ Քրիստոսի 37 թուականին։ Ինքը եղաւ բարերարը և արմատը բարեաց իր աշխարհին։ ըլլալով բոլոր հեթանոս ազգերու մէջ առաջին հաւատացեալ թագաւորը։ Աղդէ Հայրապետ քաղաքի բոլոր ժողովուրդին հետ կատարեց անոր յուղարկաւորութիւնը և թաղումը մեծ սգահանդէսով։


Որչափ ատեն որ ողջ էր Արգար, Աղդէ Հայրապետի առաքելաւանդ պաշտօնը յաջողութիւն գտաւ ո՛չ միայն Եղեսիոյ և Միջագետքի՝ այլ նաև Ասորեստանի, Մարաց և Պարսից երկիրներուն մէջ։ Ա. Թագէսոէ վերջ Աղդէ Հայրապետ առաջին եպիսկոպոս ճանչցուած էր տեղւոյն Հայոց և Ասորեւոց կողմէ, բայց Արգարի մահուամբ Քրիստոնէութիւնը հաւածանքի ենթարկուեցաւ անոր յաջորդներուն կողմէ։ Իր թագաւորութիւնը երկուքի բաւմնուեցաւ։ որդին՝ Անանուն՝ իշխեց Եղեսիոյ և Միջագետքի վրայ, և քեռորդին Սանատորուկ՝ թագաւորեց այն երկիրներուն վրայ՝ որոնց իշխան կարգուած էր Արգարի կողմէ։ Անանուն և Սանատորուկ մնալով կռապաշտ, սկսմն հալածել քրիստոնեաները, և խափանել անսոնց պաշտամունքը։ Այս միջոցին էր որ Աղդէ հայրապետ քաղաքին պարիսպին մէջ ծածկել տալով պատեց Քրիստոսի Դաստաւակը Անանունի ձեռքէն։

Այս դաժան թագաւորը սակայն , որ միջոց կը վնասէր վտանգելու Հայրապետին կեանքը , շուտով առիթը գտաւ : Յիշեց թէ Աղդէ Հայրապետ իր հօրը Արդարի խոյրարարն էր , և հրամայեց որ իրեն համար ևս խոյր պատրաստէ : Հայրապետը աներկիւղ մերժեց անոր հրամանը , պատասխանելով որ իր հօրը հաւատքը ուրացող մարդուն խոյր չէր կրնար շինել : Թագաւորը բարկացած հրաման տուաւ իր զինակրին՝ երթալ սուրով կտրելու անոր սրունքները : Դահիճը գործողից հրամանը , երբ Հայրապետը եկեղեցւոյ մէջ աթուին վրայ նստած կը քարոզէր ժողովուրդին : Հայրապետը վախճանեցաւ իսկոյն :

«Բայց , կը գրէ Ս . Խորենացին , Աստուածային վրէժինդրութիւնը շուտով պատժեց Սուրբ Հայրապետին սպաննիշը : Քիչ ատեն վերջ Անանուն երբ զբաղած էր իր պալատին վերնայարկի սիւներէն մին կանգնել տալու , յանկարծ սիւնը աշխատողներու ձեռքէն սպրդելով ինկաւ անոր վրայ , և ջախջախեց երկու սրունքները . մահը անմիջական եղաւ :»

Այս մահուան վրայ Եղեսիոյ բնակիչներէն պատգամաւորութիւն մը ներկայացաւ վերին Հայաստան՝ Սանտարուկ թագաւորին , և հրաւիրեց զայն տիրելու երկրին , ինչպէս նաև արքանի գանձին , փոխարէնը իննորեւով միայն ազատութիւն Քրիստոնէական հաւաքին զոր բնդունած էր Եղեսիայ , Սանտարուկ նախ առ երեսս հաւանեցաւ , բայց վերջը ո՛չ միայն հալածեց քրիստոնեաները , այլ նաև բնաջնջեց Արդարի բոլոր մանչ տղաքները , և տարագրեց աղջիկները : Իսկ Արդարի թագուհին՝ Տիկնանց Տիկին բարեպաշտուհին Հեղինէ՝ որ իրեն շատ բարիքներու պատճառ եղած էր , իրկեց իյառան քաղաքք . առանց զրկելու զայն իր ինչքերէն և հարըստութիւնէն : Բայց Հեղինէ թագուհին որ բարեպաշտ էր Արդարի նման , չուզելով բնակիլ կռապաշտներու մէջ , գնաց երուսաղէմ , և նոն ափրով սովոր միջոցին իր բոլոր հարըստութիւնը վատնելով , Եղիպատուէն ցորեն բերել տուաւ և բաշխեց աղքատներուն , ինչպէս որ կը վկայէ Յովսեփոս պատմիչ : Հոն վախճանեցաւ Հեղինէ թագուհին , և իր գերեզ-

մանը ցոյց կը տրուի մինչև այսօր Երուսաղէմի դրան առջև : Բոլոր այս անցքերու միջոցին Քրիստոնէութիւնը չը պակսեցաւ Եղեսիայ մէջ , և Ս . Թաղէոսի աթոռակալ Ս . Աղդէ Հայրապետի հօտը չմնաց անհովիւ : Իր առաքելաւանդ կանոններու նախատիպը ցարդ կը մնայ գրոշմուած Հայ Եկեղեցւոյ կանոնագրութեանց մէջ :



Գ.

## ԸՆԹԱՅՔ ՔԱՐՈՉՈՒԹԵԱՆ


Ս. ԹԱԴԵԱՍ ԱԽԱՔԵԱԼԻՆ



Ս. Թագէոս Առաքեալ Եղեսիայէ մեկնելէ վերջ իր մէկ քանի աշակերտներուն հետ զնաց Հայոց Աշխարհի ներսերը, մինչև Շաւարչան, մայրաքաղաքը Արտազ գաւառին, ուր կը նստէր Սանատրուկ, արքունի իշխանը և փոխանօրդը Արգար թագաւորին, որու կողմէ մտանաւոր հրովարտակով կը ներկայանար Ս. Առաքեալը:

Հնն շարսւնակեց իր սքանչելի քարոզութիւնը, և շատերը հաւատացեալ ըրաւ: Խոյն ինքն Սանատրուկ թերեւս անհաւատ չպիտի մնար՝ եթէ կանխաւ այդպէս մտալրած չըլլար, որովհետեւ գիտէր որ իր կռապաշտ նախարարները հաւատացեալ թագաւորի մը հպատակիլ չպիտի ուղէին, և այս պատճառաւ իսկ նախընտրեց մնալ կռապաշտ, և թոյլ չի տուաւ Ս. Առաքեալն՝ քարոզել երկար ատեն իր քաղաքին մէջ:

Ս. Թագէոս հնն ձգելով իր աշակերտներէն Զաքարիան, գնաց շրջելու Հայոց Աշխարհի այլ և այլ կողմերը, մինչեւ Աղուանաց սահմանները: Ամեն կողմէ հեթանոսութեան խաւարը կը տիրէր, և քիչեր միայն յօժարեցան ընդունելու Քրիստոնէութեան լոյսը: Այդ նորադարձներէն ընտրանօք քահանաներ ձեռնադրեց, գէթ ծածկաբար ամրացնելու համար նորահաստատ հաւատքը: Կապադովկիական կեսարիոյ մէջ իր հաստատած ուրոյն եկեղեցիին վրայ իր Թէոփիլոս աշակերտը եպիսկոպոս ձեռնադրեց, որու յաջորդած են ուրիշ եպիսկոպոսներ առաքելական շաւիլով: Այս միջոցին պատահեցաւ Արգար թագաւորին մահը, և Սանատրուկ թագադրութեան հանդէս ընելով, թագաւորեց Մեծ Հայաստանի վրայ, ուր



Ս. ԹԱԴԵԱՍ ԱԽԱՔԵԱԼԻՆ ԱՄԱՆՈՒԹԵԱՆ ԱՐԱՐԱԿԱՆ ՊԱՇՏՈՒՄ ԵԿԵՆԵՑԻ ԵՎ ԳԱՎԱՐԻ

հաստատեց հեթանոսական պաշտամունքը : Քիչ ատեն վերջ Անանուն՝ Արգար թագաւորին որդին և յաջորդը ևս արկածով մեռնելով , Սանատրուկ տիրեց նաև անոր Երկիրներուն , ու եղաւ ահարկու իշխաղ մը :

Այդ ատենները Ս. Թագէսս Առաքեալ որ Միջագետի մէջ իր աշակերտներուն այցելու գացած էր , այնտեղ պատահեցաւ . Հռովմայեցի արքայազուն հինգ գեսպաններու , ուրո՞նք Հայոց նոր արքայ Սանատրուկը տեսնելու կ'երթային մասնաւոր պաշտօնով : Ասոնք լսելով Ս. Առաքեալին քարոզութիւնը , և տեսնելով դործած հրաշքները՝ հաւատացին և մկրտուեցան : Իրենց գլխաւորը Խոփւսի , որ կը նշանակէ Ոսկի , քահանայ ձեռնադրուեցաւ : Ասոնք այնուհետեւ լքելով իրենց գեսպանութեան պաշտօնը՝ հետեւեցան Առաքեալին : Ի վերջոյ հինգն ևս , ճանչցուած ՈՍկելինք անունով , առանձնացան Եփրատ գետին ափունքին մօռ՝ Ծաղկեայ կոչուած լերան վրայ :

Ոսկիանք Ս. Թագէսս Առաքեալին վկայաբանութենէն քառասուն երեք տարի վերջը Սանատրուկի որդի Արտաշէս թագաւորին օրովը ելան իրենց մենաստանէն , գնացին արքունիք Քրիստոնէութիւն քարոզելու : Հոն երեւելի արքուն նաև աներէ ոմանք իրենց գլխաւորին՝ Սուքիասի հետ հաւատացեալ եղան և հետեւեցան Ոսկեանց . ասոնք ճանչցուած ՍՈՒՔԻԱՍԵԱՆՔ անունով . բոլորը ազգական էին Արտաշէս թագաւորին Տիկնոջ , Ալանաց Սաթենիկ թագուհին :

Արտաշէս թագաւոր այս անցքերու միջոցին պատերազմի գացած ըլլալով բացակայ էր : Իր որդիքը արքունիքի կարեւոր տւագանիէն՝ Սուքիասեաններէն չզրկուելու համար , խնդրեցին անոնցմէ արքունիք վերադառնալ : Սուքիասեանք մերժեցին անոնց հրաւէրը : Այն ատեն Արտաշէսի որդիքը այս զրկանքին իր պատճառ՝ որով սպաննել տուին Ոսկեանքը , բայց ինայնցին Սուքիասեաններուն , իրենց մօրը ազգական ըլլալուն համար :

Սուքիասեանք , տասնըեօթը անձ , չուզելով մնալ այլու

հոն , գացին դէպի ի Վաղարշապատ , առանձնացան Սուկաւէտ լերան վրայ (Քէօսէ Տաղ) , ուր նահատակուեցան ի վերջոյ Ալտնաց Դատիանոս թագաւորին կողմէ , քառասուն և ութը տարուան խատամբեր ճգնութենէ մը վերջ :

Սանատրուկ բոլոր Հայոց թագաւոր ճանչցուելէ վերջ Ս. Թագէսս Առաքեալ երկրորդ անգամ գնաց Արտազ գաւառ իր աշակերտները սրտապնդելու համար : Ան , ինչպէս որ իշուած է նախորդ գլխուն մէջ , իր հետը կը բերէր Քրիստոսի Աստուածամուխ հրաշալի Գեղարգը : Սանատրուկ Ս. Առաքեալին բոլոր հրաշքներուն ականատես ըլլալով համուերձ լուռ կը մնար , բայց պալատականներէն շատեր կ'երթային լսելու անոր Աւետարանի անոյց քարոզութիւնը , կ'սքանչանային գերբնական ա'յն մեծ զօրութեանը վրայ , որով կ'արդիւնաւորուէին անոր խօսքերը : Անոնք կը տեսնէին բորոտներու սրբուիլը , կաղերու քալելը , գիւեհարներու սանձահարիլը , և առհասարակ ամեն հիւանդներու առողջանալը՝ Քրիստոսի միակ անունին արտաքերումովը , որու կը հարկադրուէին նուիրել իրենց սրտերը , դառնալով ջիրմեռանդ հաւատացեալներ :

Աւելի մեծ սքանչելիքներու շարք մը եղան Ս. Առաքեալին քարոզովը Ս. Անդուխտ Կոյսի դարձը , վերջին քարոզը , և երկու մեծ վկայաբանութիւններու պարագաները , մանրամասնուած յաջորդող երկու գլուխներուն մէջ , որոնց մէջ բացայատ կերպով կը տեսնուի Քրիստոսի փրկարար կամքը Հայոց Աշխարհի լուսաւորութեան գործին մէջ , և այս իր սիրելի Առաքեալին , Ս. Թագէսսի աղաչանքին , ջանքերուն և մեծ մարտիրոսութեանը չնուհիւ (\*) :

[\*] Մեր բոլոր կարեւոր մատենագիրներու համաձայն , նաեւ չ. Մկրտիչ Վ. Աւգերեան իր լիակատար վարք Սրբոցին մէջ շա'տ զեղեցիկ ոճով կ'ամփիոփէ այս վերջին անցքերու նկարագրութիւնը , Ս. Առաքեալին և Ս. Սանդուխտ Կոյսի աղօթքներովը՝ Քրիստոս ճեռաւու կ'ըլլայ Ս. Առաքեալին վանելու Հայոց Աշխարհին սատանայի կռապաշտութեան խաւարը Մենք շատ ողեշահ գտանք հետեւիլ վերոյիշեալ նկարագրականին , ներկայացուած ազատ հետեւողութեամբ յաջորդ երկու գլուխներուն մէջ :



ՇԱՐԱԿԱՆ  
ՍՐԲՈՒՀԻ



ՍԱՆԴՈՒԽԾ ԿՈՅՑԻ



Քեւ պարծի այսօր Սուրբ Եկեղեցի, ո՞վ վկայումի Ս. Սանդուխս. որ զնայրականըն fn բողեր զպաշօն, վասրճ Քրիստոի հեղեր զարին fn սուրբ:

Աշակերտեցար Առաքելոյն Թաղենոփ, եւ ի հաւաս ձշմարիսն հաստատեցար. ո՞չ խառնակեղով ընդ հերանուական պաշօննն, արժանի եղեր վերանազ առ Հայր:

Որ զՏիկնութեանն fn բողեր զիառու, եւ աստուածային իմաստ զարդարեցար, այսօր դասակցեալ ընդ զուարունս երկնից. վասն մեր առ Տէր բարեխուեա՛:



Պ.  
ՍԱՆԴՈՒԽԾ ԿՈՅՑ



Քրիստոսի առաջին վկայաւճի մանկատի Կոյսը Սանդուխտ՝ այսպէս կոչուած Աննատրուկի դուստր իմաստով, տասներկու տարեկան էր, կամ քիչ մ'աւելի (\*), տեսքով շատ գեղեցիկ, հասակաւ վայելուչ և շատ մոտացի:

Սանդուխտ երբ լսեց Ս. Թաղենո Առաքեալին հրաշալի քարոզութիւնը, հմայուեցաւ: Ան գիշերանց արքունիքէն եւնելով կ'երթար մեծ եռանդով ունկնդրելու Աւետարանի խօսքերը: Քանի կը ոսվրէր Քրիստոսի վրկական խորհուրդը, հոգին կը համակուէր մասոյց ազգեցութիւնով, ու լալով կ'իշնար կը համբուրէր Ս. Առաքեալին ոտքերը, իր հոգեւոր հայրը կը կոչէր զայն, և չէր բաժնուէր անկէ օրերսվ: Ան կասարելապէս տոգորուած էր Քրիստոսի սիրովը: Ս. Առաքեալը տեսնելով անոր ջերմեռանդ նուիրումը, մկրտեց զայն Ամենասուրբ Երրորդութեան անունով: Եւ ահա նոյն միջոցին երկնային լոյս շողաց Սանդուխտ Կոյսին վրայ, և լըստեցաւ խրախուական ձայն որ ըսաւ.

«Ուրա՛ի եղիր, գովելի Կոյս և բարի՛ Հարս Երկնաւոր Փեսային:»

Այս հրաշալի հանդէսին ականատես եղողներէն շատեր խալոյն հաւատացեալ եղան: Բայց արքունական քուրմերէն ումանք վազելով՝ Սաննատրուկի պատմեցին եղելութիւնը: Զարասիրտ թաղաւորը հրամայեց անմիջապէս ձերբակալել Ս. Առաքեալը, ծեծելով բանտարկել զայն՝ գլխաւոր հաւատացեաներու և Սանդուխտի հետ, իսկ մնացեալ նորագարձները որէ անցնել:

Հազիւ թէ հրամանը գործադրուած էր, յանկարծ երկնաւոր ահագին նշան յայտնուեցաւ, ու շացուցիչ ճառա-

[\*] Հաւանականաբար տասնընքնդ տարեկան, կամ քիչ մը պակաս, բայց ո՛չ աւելի:

դայթ մը լուսաւորեց նահատակներու մարմինները : Զայս  
տեսնելով շատեր հաւատքի եկան, իսկ անհաւատները ահա-  
քեկ շլացած, չկրցան ձերբակալել Ս. Առաքեալը : Ան այդ  
միջոցին յայտնապէս կը խրախուսուեր իր Տիրոջմէն՝ Յիսուսէ,  
որ բարձրերէն երեւալով՝ այսպէս կը ձայնէր .

« — Սրիացի՛ր, Թաղէ՛սս, ես քեզի հետ եմ, և պիտի  
փրկեմ գքեզ : »

Ս. Թաղէ՛սս, ի տես իր անձկալի Վարդապետին, ան-  
նկարագրելի խիստով լիցուած, քետին ինկաւ, և արտաս-  
ուագին . « — Տէ՛ր իմ, և Աստուա՛ծ իմ, աղերսեց, մի՛  
թողուր զիս առանձին: Քու հրամանաւդ եկայ այս բարբա-  
րոս աշխարհը, քու պատուէրիդ համաձայն քարոզեցի Ս.  
Աւետարանդ, բայց ահա ինծի մտիկ ընել չեն ուզեր, քու  
հաւատացեալներդ սպաննեցին, ոմանք տանջելով բանտար-  
կեցին, և զիս կ'ուզեն ձերբակալել, բայց ահա անզօր մնա-  
ցին քու ահաւոր փառքէդ սասանած :

« — Փութացի՛ր, խրախուսեց Փրկի՛ը, մօտեցի՛ր անոնց,  
և համբերէ. շատ նեղութիւն ունիս կրելիք, և շատ քիչեր  
միայն պիտի ընդունին հոս իմ հաւատքս, բայց ես պիտի ըն-  
դունիմ և պահպանեմ զանոնք, և իմ անունիս համար մեռ-  
նողներուն՝ հանգիստի տեղ պիտի չնորհեմ Հայրենի տանս մէջ :

« — Եւ ես, աղերսեց Ս. Թաղէ՛սս, կը տենչամ տեսնալ  
Աստուածութեանդ լոյսը, լուսեղէն փառքիդ երկնաւոր սի-  
րովը լեցուելու համար :

« — Հրճուէ՛ ինդութեամբ, պատասխանեց Տէրը, պիտի  
կատարեմ ինդիբրքդ : »

Եւ օրհնելով զայն՝ վերացաւ :

Գիշերը Ս. Առաքեալը կամովին, և մեծ ցնծութեամբ  
գնաց արքունի բանար ուր պահուած էին Սանդուխտ Կոյս  
և ազնուական հաւատացեալները : Բանտին դուռները բաց-  
ուեցան ինքնին . Ս. Թաղէ՛սս ներս մտաւ, ողջունեց զանոնք  
ըսելով . « Խաղաղո թիւն ձեզ, ո՛վ սիրելիները Քրիստոսի : »

Կալանաւորները հիացած՝ ոյժ առին : Սանդուխտ Կոյս այն-  
տեղ իր սոկեզէն գօտիին և զարդերուն տեղը, ծանր շղթա-  
ներ կը կրէր վրան : Ս. Առաքեալը մօտեցաւ անօր, համբու-  
րեց շղթաները, « — Երանի՛ քեզի, բաւ, գուստը Երկնա-  
ւոր Թագաւորին : »

Սանդուխտ Կոյս խանարհելով համբուրեց Ս. Առաքեալին  
ոտքերը . ան կը տենչար անգամ մ'ալ լսելու անօր հոգեպա-  
րար քարոզը, սկսուելու, մինչեւ վերջը անձնուէր մնալու  
համար : Ս. Առաքեալը, հրահանգիչ խրատականով մը քո-  
ջութերեց զայն :

« — Զօրացի՛ր, ըստ, մղէ՛ հաւատքի առաքինի կոխւը .  
հաստատէ՛ սիրուդ Քրիստոսի սիրովը, և իրմէ օգնութիւն  
հայցէ : Ան պիտի հասնի ու զօրացնէ քեզ, և ամօթահա՛ր  
պիտի ընէ քաւ հալածիչներդ : Այլ ևս քաղցր չթուի՛ քեզի  
երբեք աշխարհի սէրը՝ որ վաղանցիկ է : Ամրացի՛ր Քրիստոսի  
հաւատքովը, յօյսովը և սիրովը . այնուհետեւ չարը չպիտի  
մօտենայ քեզի, և չպիտի կրնաց խախտել սրտէդ յաւիտենա-  
կան և անանց ուրախութեան յօյսը, զոր պիտի վայելես  
Յիսուս Քրիստոսի Աստուծոյ սիրելիներուն հետ, իր անունին  
նուիրուած կամաւոր նահատակութեանդ շնորհիւ : »

Ս. Թաղէ՛սս Քրիստոսի սիրովը սրտապնդեց նաև ամեն-  
քը, և հրամայեց լուսութեամբ աղօթել : Անոնց հետ և ինք  
բազկատարած կ'աղօթէր այսպէս :

« կը գոհանամ քեզմէ, Տէ՛ր իմ Յիսուս Քրիստոս, Միա-  
ծին Որդի Աստուծոյ, որ եկար փրկելու մարդկային աղգը:  
Նայէ՛ հիմայ քու երկնաւոր բնակարանէդ՝ քու աղախնոյդ  
Սանդուխտին վրայ, և օգնէ՛ իրեն և իր ընկերներուն՝ իրենց  
յառաջիկայ քննական հանդէսին միջնցին : Ծագէ՛ Աստուա-  
ծային լոյսդ անոնց վրայ, և ամօթահա՛ր ըրէ խաւարամու  
հակառակորդը : Ցցո՞ւր քու հրաշքդ իրենց ակար մարմին-  
ներուն վրայ, որովհետեւ քեզի նուիրուած են, ու թող յաղ-  
թական հանդիսանան իսպառ քու ահեղ անունովդ, որ կը

կոչուիս և ես իտկապէս Աստուածը աստուածներուն, և Տէրը տէրերուն։ Քեզ փա՛ռք մշտնջենական։»

Հաղիւ թէ Ս. Առաքեալը լրացուցած էր իր աղօթքը, յանկարծ ոստովիկ որոտումով մը բացուեցաւ բանտին ձեռզունը, և երկինքէն լոյս մը՝ աւելի պայծառ քան արեգակը, ճառագայթեց ներս։ Զայն մը կ'ընկերանար լոյսին, աւետիսի ձայն մը՝ ուղղուած նահուտակներուն։

«Յաջալերուեցէ՛ք, հաստա՛տ մնացէք, ես պիտի ընդունիմ զձեզ. և դու, Սանդուխտ, որ ինծի հետեւեցար և աշխարհի պատիւը անարգելով զիս Հայր կոչեցիր, իս գերազանց լոյսովս պիտի պայծառացնեմ դքեզ։»

Կոլանաւորներու զլթաները ինքնին քակուած էին, և անդամները առողջացած : Բոլորը միաբան կանգնած սկսան փառարանական աղօթքի .

«Տէ՛ր Յիսուս Քրիստոս, ո՞վ մեր Աստուածը, կը գոհանանք քեզմէ որ կենսատու այցելութիւնովդ զմեզ մոլորած ներս փնտուեցիր, և աղատեցիր կռապաշտութենէ : Դուն յաղթական հանդիսացուցիր զմեզ աներեւոյթ թշնամիին վրայ, և սքանչելի տնսիլքովդ միսիթարեցիր զմեզ : Արդ և մենք մեր անձերը քի՛զ միայն կ'ընծայինք. ընդունէ՛ զմեզ իբրև պատարագ անուշահոտ։»

Բանտապանները բացայայտ հրաշքի տեսիլքէն զարհուած, վազեցին դէպի բանտին դուռները, բաց գտան զանոնք, ու ներս նոյելով տեսան հոն Ս. Թաղէսս Առաքեալը որ բանտարկեալներուն հետ կ'աղօթէր : Սարսափով ներս մտան, ինկան անսր առջեւ .

«Մենք ևս, կ'ըսէին, կը հաւատանք քու քարոզած Աստծոյդ, ո՞վ Սուրբ, ընդունէ նաև զմեզ. և միացուր քու հաւատացեալներուդ։»

Անոնք գարձեալ պաղատագին կը փարէին սնոր ոտքերուն, և լալահառաչ,

«Թողութիւն տուր մեղի, կ'ըսէին, ո՞վ Սուրբ Աս-

տուծոյ. մենք ո՛չ թէ մեր կամքով, հապա անօրէն թագաւորէն վախնալով է որ ակամայ այս ծանր տանջանքներուն ենթարկեցինք Աստուծոյ ծառաները : Բայց երբ տեսանք բարձրեալ Աստծոյդ փառքը, որուն քարոզողն ես, հաստատապէս գիտցանք թէ նա՛ է երկնքի և երկրի Արարիչը, ու կը հաւատանք անոր բոլոր անօրինալիւններուն . կը խոստավանինք իր Աստուածութիւնը, և այսուհետեւ ո՛չ ոք կրնաց բաժնել զմեզ Անոր պաշտամունքէն, ո՛չ բանտ, և ո՛չ նեղութիւն : Օ՛ն ուրեմն, Առ'ւրբդ Աստուծոյ, միացուր նաև զմեզ Քրիստոփ գունդին մեր բոլոր պարագաներովը . մի՛ գուցէ քու Աստծոյդ փառքին սարսափէն շանթահար Կորութինք։»

Ս Առաքեալը հասկցաւ որ անոնք աստուածային կոչումին արժանացած էին, քաջալերեց զանոնք . «— Մի՛ վախնաք, եղբայրներ, ըստւ, մեր Տէրը մարդասէր և ողորմած է . նա ինչպէս ձեր, նոյնպէս և բոլոր մեղաւորներու դագեց կը սպառէ . նա սիրեց զձեզ, և իր սքանչելի լոյսը ծագեց ձեր սիրտերուն մէջ . արիացէ՛ք ուրեմն Քրիստոսի հաւատքովը, մոռցէ՛ք այլևս ձեր սնոտի և գիւայլին մոլորութիւնը, և աղօթեցէ՛ք։»

Իսկ ինքը կեր վերցնելով գլուխը, հառաչեց և աղօթեց այսպէս .

«Ո՛վ Հայր երկնաւոր, դուն պահպանէ նաև ասոնք որ քու Միածնիդ շնորհիւը ճանչցան զքեզ և քու սուրբ կոչումիդ արժանացան . մի՛ թողաւր որ աջ կամ ձախ խոտորին անոնք . բեւեռէ՛ անոնց սրտին մէջ քու ջերմեւանդ գութդ, և աղատագրէ՛ զանոնք քու սիրելի Որդւոյդ սիրոյն համար :»

Նոյն գիշերը բանտապանները ընտանեօք և ամբողջ պարզացիւ ընդամենը երեսուն երեք հոգի մկրտուեցան :

Իսկ ստանան որ ամեն բարի յաւաչզիմութեան մըշտնջենաւոր հակառակորդն է, այսպէսով կրած մեծ կորուսէն խոռովահար, ինչպէս կը նկարագրմն մեր սուրբ պատմա-

դիրները, այդ պահուն մարդկային երեւոյթով տեսնուեցաւ կանգնած բանտէն քիչ մը հեռուն, և բարձրածայն կ'աղաղակէր պահապաններուն.

«— Ի՞նչ կը պակսէր ձեզի՝ որ թողիք Արամազդը, Պոսիդոնը, և Առառածներու մայրը Անահիտը՝ բացերարը Հայոց Աշխարհին, ու մոլորելով հետեւեցաք հրեայի մը, որ ձեզի նոր բաներ սորվեցնելով խարեց ու կորուսի պատրաստեց : Օ՞ն ուրեմն, շուտով՝ դարձէք պաշտելու Անահիտը . ես առառածներէն ձեզի համար թողութիւն կը խնդրեմ : »

Ս. Թաղէոս ճանչցաւ խկոյն խորամանկ չար սատանան .

«— Կորսուէ՛, սաստեց անոր, չուառական չա՛ր բանսարկու :

«— Զայնէդ կը ճանչնամ զքեզ, պատասխանեց վախով սաստանան, բայց չե՛մ գիտեր թէ ուր եւ :

«— Զհամարձակիս այսուհետեւ տեսնելու Քրիստոսի ծառաները, ո՛վ աղտո՞ղի և անամօթ պիղծ ոգի . մինչեւ ե՞րբ չպիտի ամչնաս Աստուծմէ : Սարսափէ՛ Տէրոջը զօրութիւնովը ու կորսուէ, չարանախա՞նձ գաղան : »

Առաքեալին սաստէն դեւը սեւցաւ ածուխի պէս, և ենթարկուեցաւ յայտնապէս Հրեշտակներ ու հալածանքին : Նուրադարձները տեսնելով անոր կրած անողոքելի տուայտանքը, կ'ամրանախին Քրիստոսի հաւատքին մէջ : Իսկ ան՝ լաց ու կոծով՝ «Վա՛յ լնծի, կը հեծեծէր, յաղթուեցայ Խաչեալին, կորսուեցայ . բայց վրէժս պիտի լուծեմ : Սհա՛ կ'երթամ խոռոշիլու իշխաններուն սիրաը, և զրգուելու զանոնք, ինչ պէս նաև թագաւորը, որպէսզի զձեղ բոլորդ ալ սրէ անցընէ : »

«— Ե՛տ հալածուէ, չա՛ր սատանայ, սաստեց Ս. Առաքեալը, և սասանէ՛ Աստուծով : »

Զարը անհետացաւ խկոյն, և ինչպէս որ յայտնած էր, գնաց գրգռելու թագաւորին և իշխաններաւն բարկութիւնը հաւատացեալներուն դէմ :

Առաւօտուն թագաւորը խորհեցաւ թէ ի՞նչ պէտք էր ընել Սանդուխտին՝ իր աղջկանը : Հայրենի գութէն տարուած՝ չէր ուզէր սպաննել տալ զայն, մանաւանդ որ չափանց կը միրէր, և քանի կը յիշէր՝ կուլար սաստկապէս : Իր նախարարներէն մին բանտ խրկեց բերել տալու համար Սանդուխտը, և հրամայեց փնտուել ու ձերբակալել Ս. Թաղէոսը՝ իբր մոլորեցուցիչը իր աղջկան . չէր գիտէր թէ նա արդէն ինքնակամ գացած էր բանտ :

Իշխանը մեծ խուժանով բանտ հասաւ . զարմացաւ երբ անոր դուռները բաց գտաւ, և աւելի՛ եւս, երբ ներս նայելով՝ տեսաւ հոն մեծ բազմութիւն մը լոյսերու մէջ ողողուած, որու մէջ Ս. Առաքեալը կանգնած կը քարոզէր : Բուլորը սաղայէլին նման սարսափահար, զետին զլտորեցան, և աներեւոյթ տանջանքներու ենթարկուած կը թաւալէին : Ս. Թաղէոս խմանալով անոնց վիճակը՝ դուրս ելաւ բանտէն, ձեռքը դրաւ բոլորին վրայ, աղօթեց ու բժշկեց : Այն ատեն իշխանը որ արքունի մեծ հրամանատար էր և զլուխը աւագանիին, իրեն ընկերացող յիսուն անձերու հետ խկոյն հաւատացեալ եղաւ :

Սայդ պահուն կրկին երեւցաւ սատանան, և այս անգամ անդարմաննելի կորսուս մը ունեցողի պէս շուարած, բանտին դռան առջելը կծկաած ծունկերը կը ծեծէր, և հեկեկալով՝ «Իմ մեծագոյն զէնքս կորսնցուցիւ» կ'ըսէր : Բայց ան՝ երկնաւոր բացայացտ զօրութենէն ահարեկած՝ չէր կրնար ուեէ կերպով բանտէն ներս սպրդիլ : Բայց ուզեց ընել՝ ինչ որ կընար, որովհետեւ աներեւոյթ եղաւ կրկին վիրադառնալսւ համար պալատ, և շարժելու թագաւորին ահեղ զայրոյթը՝ բոլոր հաւատացեալներուն դէմ :

Ստուդիւ երբ թագաւորը լսեց իշխանին քրիստոնէանալը, սաստիկ սրտմտութիւնով տարուած, հրամայեց անմիջապէս սրէ անցնել Ս. Թաղէոսի առնասարակ բոլոր հետեւողները : Երկու հարիւր հոգի այր ու կին՝ նահատակուեցան այդ օրը, բայց ա՛յնքան հրաշալի հանդիսաւորութեամբ՝ որու յայտ-

նապէս իրենց ողջոյնի մասնակցութիւնը կը բերէին Հրեշտակաց դասերը՝ ահաւոր որոտութիւնը, ինչ որ բաւական կ'ըլլար սատակամահ ընելու շատերը անօրէն սպաննողներէն :

Դիշերը լոյս իջաւ Սուրբ Վկաներու մարմիներուն վրայ : Ս. Սամղուխտ՝ իր անձնուէր պաշտօնեաներէն մէկ քանին գաղտնաբար պալատ խրկելով բերել տուաւ ընտիր կտաւ, համբուրեց և խանդաղատանքով պատեց իր երանելի ընկերներու մարմիները, զգուշութեամբ ամփոփել տուաւ զանք, և վերադարձաւ բանտ :

Հո՛ն էր Ս. Առաքեալը լոյսերու մէջ պայծառացած, զբաղած աղօթելու : Սանդուխտ Կոյս ինկաւ լալագին, համբուրեց անոր ոտքերը, և հառաչելով, «—Տէ՛ր իմ, Հա՛յր իմ, բացագանչեց, դուն զիս մոլորութենէ աղատեցիր և իմ երկնաւոր Փրկիչս ինծի ճանչցուցիր . օրհնէ՛ զիս, և հայցէ՛ երկինքէն՝ որ և ես համնիմ շուտով՝ իմ նահատակ ընկերներուն քով, և քեղի հետ արժանի ըլլամ տեսնելու Քրիստոսը :»

Ս. Առաքեալը տեսնելով անոր լացը, և անձկագին նուիրումը առ Քրիստոս, «—Երանի՛ քեղի, ըստ, ո՞վ դուստր Երկնաւոր Թագաւորին, համբերէ, շատ շանցած և դուն պիտի տեսնես ընկերներուդ լոյսը : Եւ դուք՝ կ'ըսէր խօսքը միւս հաւատացեալներուն ուղղելով, հաստա՛տ կեցէք ձեր հաւատքին վրայ, դուք ևս պիտի արժանանաք լուսեղէն պսակին :»

Երբ վերջացուց իր խօսքերը՝ հաց բերին : Ս. Առաքեալը օրհնեց, և բաշխեց Ս. Սանդուխտին և ընկերներուն. Քիչ մալ ինք կերաւ, ապա գոհացան և խաչակնքելով քնացան : Բայց ինք Ս. Թագէսս արթուն էր ու կ'աղօթէր առանձին.

«—Տէ՛ր իմ, և Աստուած, ո՞վ Հայր՝ մեր Փրկիչն Յիսուսի Քրիստոսի, կ'աղերսէր, ո՞րչափ կրնամ գոհանալ քու ա՛յն առատ ողորմութեանդ համար՝ որով զիս անարժանս առաւ քելական կոչումի արժանացուցիր, մաքրեցիր զիս և Սուրբ Հոգիիդ տաճա՛ր ըրբիք : Դո՛ւն տուիր ինծի այս աշխարհ՝ վիճակ քարոզութեան Ս. Աւետարանիդ, և դո՛ւն կ'ընդունիս

քու սուրբ անունիդ հաւատացողները, և Աստուածային լուսովդ, հրեշտակերամ բանակներուդ կը միացնես զանոնք : Ընդունէ՛ նաև զմեզ իրեւ պատարագ անուշահոտ, և պահէ մանկատին և անմեղունակ Սանդուխտ Կոյսը, տալով անոր համբերութիւն քաջարի մարտիրոսութեան . և փոխան իր արքունի տան անցաւոր պսակին՝ չնորհէ՛ իրեն երկնաւոր լուսոյ անթառամ պսակը :»

Հազիւ լրացուցած էր ան իր աղօթքը, ահա վերստին երեւցաւ Փրկիչը, և ողջունելով Ս. Թագէսսը, «— Խաղաղութիւն ձեզ, իմ սիրելիներս » ըստ :

Ս. Առաքեալը տեսնելով Տէրը՝ ինկաւ երկրպագութիւն ըրաւ :

«— Լոեցի՛ աղօթքդ, ըստ Փրկիչը, պիտի կատարուի՛ խնդիրքդ . դուն պիտի մարտիրոսանաս Սանդուխտին և աշակերտներուդ հետ, և եռ պիտի լուսաւորեմ ձեր ուկորները, և պիտի կատարեմ խնդիրքները բոլոր ա՛յն ուխտաւորներուն՝ որոնք ջերմեռանգութեամբ պիտի տօնեն ձեր յիշտակը, և այս՝ մասնաւորապէս քու չնորհիդ համար :

«— Տէ՛ր իմ և Աստուած իմ, աղերսից Ս. Թագէսս, գիտեմ որ սիրեցիր զիս, և չթողուցիր զիս մինչեւ այսօր. բայց մի՛ թուղար նաև անոնք որ ինձմով հաւատքի եկան. պահպանէ՛ զանոնք իմ մահուընէս վերջը, և մի՛ անտես թողուր այս աշխարհ՝ որու քարոզութեան չնորհքը ինծի վիճակցուցիր : Քու տիրական հաւատք լուսովդ փարատէ՛ կուպաշտութեան խաւարը այս բարբարոս ազգին մէջէն : Մի՛ հաստցաներ անոնց իրենց անօրէնութեան համեմատ, այլ ամօթահար հալածէ՛ չար սատանան որ պատճառն է իրենց մուլորութեան : Եւ այս աշխարհի բնակչութիւնը մշտնջենապէս քեզի սեպհական ժողովուրդ ըրէ . անոնք արժանի՛ ըլլան հանդիսանալու առաքինի Երկնաքաղաքացիներ, փառաւորելու Ս. Աստուածութիւնդ :

«— Ընդունեցի՛ նաև այդ աղաչանքդ, պատասխանեց Տէրը .

քու քարոզութեանդ վիճակին հաւատացեալները չպիտի թուզում մինչև աշխարհի վերջը , ու չուտով պիտի կատարեմ քու փափաքդ , պիտի այցելեմ անոնց , և անոնցմէ պիտի ընտրեմ ինծի ժողովուրդ սեպհական՝ որ կարող ըլլայ հասկնալու իմ Աւետարանո . պիտի նայիմ անոնց , ու պիտի ողորմիմ : Եւ գուն մնացի՛ր ուրախութեամբ ::

Այսպէս խրախուսեց Փրկիչը , և օրհնելով վերացաւ :

Ս. Առաքեալը արթնցուց բոլոր հաւատացեալները , պատշմեց անոնց իր տեսիլը , ու Տէրոջը խոստումը . ուրախացուց զանոնք . ապա հրաւէր ըրաւ աղօթքի , և սաղմոսելով «—Պիտի օրհնեմ Տէրը , ըսաւ , ամեն ժամ :» Յոլորը չափազանց ուրախ կը ձայնակցէին իրեն , և արտասուազին սաղմոսերգելով կը փառաւորէին զԱստուած : «—Հաստա՞տ կեցէք , և համբերեցէք , կրկնեց Ս. Առաքեալը սրասապնդելով զանոնք , շուտավ պիտի ստանաք լուսեղէն պօսկը ձեր գըլուխներուն վրայ ::» Ան տեսնելով Սանդուխտ Կոյսը արտասուաթոր աչքերով , կարծեց թէ վախէն է որ կուլայ , և խրախուսելով «—Մի՛ վախնաք , աղջի՛կս , մի՛ տկարանար .» կ'ըսէր . մինչդեռ երանուհին Սանդուխտ , հոգիսվ արխացած «—Ես տկարացած չե՛մ . պատափանեց , ընդհակառակը չափազանց ուրախ եմ , ու կը ցանկամ ժամառաջ տեսնել իմ Քրիստոս . բ'ը արդեօք պիտի երթամ իրեն մօտ ահա կ'այցիմ կարօտովը իր երկնաւոր լոյսին :

«—Երանի՛ քեզի , ո՛վ իմ աղջնակս , ըսաւ Ս. Առաքեալը հրձուերով , չուտով պիտի հասնիս փափաքիդ , և լուսեղէն պսակով պանծալի ու պարզերես պիտի ներկայանաս Աստուծոյ երկնաւոր Թագաւորին առջե , և քու ջերմեսանդ սիրոյդ համայ հոն շատերէն գերագոյն պիտի ըլլաս »

Առաւոտուն թագաւորին պաշտօնատարները բանտ եկան , կապեցին Ս. Թագէսոր և բոլոր Քրիստոնեաները , ու տարին պալատ , միասին ունենալով նաև Սանդուխտ Կոյսը՝ առանց կապանքի : Երբ արքունի բակը հասան , Սանդուխտ Կոյս խօսքը իր ընկերներուն ուղղելով , «—Եղբա՛յրներ , ըսաւ բարձրածայն ,

հաստատամի՛տ եղէք , արիացէ՛ք , թագաւորին սպառնալիքը արժէք չունի . Երկնաւորին յանձնեցէ՛ք ձեր անձը , ձեր ողբաները , ան կը զօրացնէ ձեզ , և միայն ի՛նքն է որ կրնայ պահել գձեզ մոլորումէ ::»

Թագաւորը կանչել տուաւ Սանդուխտ Կոյսը իրեն մօտ :

«—Սա՞նդուխտ , աղջի՛կս , ըսաւ անոր յուզուած ձայնով , մօսեցի՛ր համբուրեմ քեզ ::»

Սանդուխտ Կոյս առանց աչքերը վեր առնելու կը մնար անչարժ , դատուելու պատրաստ հեղ գառնուկի մը նման :

«—Ուրացա՞ր զիս , աղջի՛կս , կրկնեց Սանատրուկ , այն մոլորեցնո՞ղը միրեցիր . բայց եթէ չդառնաս յամառ մտադրութենէդ՝ կ'երգնում աստուածներու անունով որ անոր հետ նաև քեզ սպաննել կուտամ :»

Սանդուխտ Կոյս չնորհալի հանդարտութեամբ՝ «—Այն անձը որ մոլորեցնող կը կոչես , պատասխանեց , իմ անմոլար առաջնորդս է դէպի ճշմարտութեան ճամբան . ա՛ն է որ խաւարէն դէպի լոյս դարձուց զիս , ճանչցուց ինծի երկնքի և երկրի միակ Սրարիչ երկնաւոր Հայր Աստուածը , իր Միածին Որդին , և իր չնորհաբաշխ Սուրբ Հոգին : Իմ Աստուածս՝ տէրերուն Տէրը , և թագաւորներուն Թագաւորը՝ Քրիստոս Աստուծոյ Որդին է , կեանքը և լոյսը բոլոր արարածներուն :

«—Ով է այն՝ որ գուն Աստուած և Հայր կը կոչես հարցուց թագաւորը մտատանջ :

«—Միա՛կ Աստուածն է այն՝ որ ոչնչէն ստեղծեց ամեն ինչ , և իր խօսքերովը արարածները իմաստանացուց : Բայց ձեր միաքը խաւարի մէջ մոլորած է , ու թողած Արարիչը՝ մեռելանման կուռքերը կը պաշտէք , որոնք ո՛չ կրնան տեսնել կամ լսել , և անզգայ բնակարաններ են ձեր միաքը կուրացնող ու ձեր հոգիները գժոխաք տանող սատանաներու : Դուք այդ կուռքերը պաշտելով՝ ձեզ գործակից գեերու հետ դժոխաքի խօսւարը պիտի ժառանգէք , ուր պիտի տանջաւիք անվերջանալիք հեծեծանքով ::»

Թագաւորը կատաղահար, հրամայեց իսկոյն խոշտանգել զայն. ան այլեւս մոռցած հայրենի գութը՝ «— Կապեցէ՛ք այդ աղջիկը, մռնչեց, երկաթով քերթեցէ՛ք ատոր մարմինը, կրակով այրեցէ՛ք վէրքերը :»


Դահճապետը կապեց Ս. Սանդուխտը, ու տանջանք գործիքները պատրաստուեցան : Նոյն միջոցին հաւատացեալներէն մին վազեց դէպի մօտակայ ձորակը ուր կապուած կը մնար Ս. Առաքեալը . և պատմեց անոր Կոյսին կրելիք չարչարանքը : Ս. Առաքեալը լսելով զայդ՝ «— Տէ՛ր իմ Յիսուս Քրիստոս, ձախեց, նայէ՛քու աղախնիդ վրայ. զօրացուր զայն, և ամօթահա՛ր ըրէ ձշմարտութեան չար թշնամին :»

Դահճապետը այնինչ պիտի գործակրէր տանջանքը, Ս. Սանդուխտ դէպի երկինք աղաղակ բարձրացնելով, «— Տէ՛ր իմ Յիսուս Քրիստոս, գոչեց, հասի՛ր և օգնէ՛ ինձ շուտով, և ձանցուր ամենուն թէ դուն ես ամենազօր Աստուածը, ով իմ Հայրս և Արարի՛չս, կհամնքս և ապաւէնս, մի՛ թողուր անօգնական քու փոքր հօտիդ տկար ոչխարք :»

Հազիւթէ լրած էր, ահա յանկարծ ահագին շարժումով երկնային լոյս մը ճառագայթեց անոր վրայ. «— Քաջալերուէ՛ աղջի՛կս, աղաղակեց ձայն մը լոյսին մէջէն, ես քեզի հետ եմ և պիտի փրկեմ գքեղ :» Միանդամայն իր կապանքները կ'ինային խորտակուած, ու շողացող լոյսէն շանթահար կ'ինային գահճապետը ու անհաւատաներէն շատեր, մինչ թագաւորը և ուրիշներ սարսափահար կը մնային անշարժ :

Սանդուխտ Կոյս ազատ և համարձակ հեռացաւ տանջանարանէն, գնաց Ս. Առաքեալին քով, և փարեցաւ անոր ոտքերուն :

«— Տէ՛ր իմ և Հայր իմ հողեւոր, աւետեց անոր, տե՛ս թէ ի՞նչպէս շուտով արձակեց զիս Քրիստոս իմ կապանքներէս, և ամօթահար ըրաւ սատանան և իր արբանեակները :» Եւ օրհնութեան աղօթքներ միասին բարձրացուցին առ Աստուած :



Ս. ՍԱՆԴՈՒԽՏ ԿՈՅՍԻ ԵԿԵՂԵՑԻ ՐՈՒՄԷԼԻ ՀԵՍԱԲԻ

Նոյն պահուն իշխան մը՝ Սամարուկի հրամանաւ եկաւ ինկաւ Ա. Առաքեալին առջև, ու պաղատագին՝ «— Թագաւորին կողմէ կուգամ, ըսաւ, մեղանցեցի՞նք քեզի և քու Աստծոյդ գէմ, ներէ՛ մեզի, և աղօթէ՛ որ դադրի իր ահաւոր բարկութիւնը, ապա թէ ոչ՝ կը կորսուինք: Մենք պատրաստ ենք կատարելու ի՞նչ որ գուն կը կամիս, և գուք ամենքդ այլեռ աղատ էք ձերբակալուելէ, թագաւորին հըրամանաւը:»

Ա. Թագէոս լալով աղօթքի կեցաւ. «— Ո՞վ Հայր՝ մեր Տէրոջը Յիսուսի Քրիստոսի, ըսաւ, ողորմէ՛ այս ժողովուրդին վրայ, և մի՛ պատժեր զայն իր մեղքին համար, ներէ՛ ատոնց, որովհետեւ ըրածնին չե՞ն գիտեր: » Աղօթքը վերջացուցած պահուն բոլոր հաւատացեալներու կապանքները ինկան ինքնին, և որոտումի ձայները որ շարունակ կը լսուէին՝ դադրեցան: Իշխանը այս հրաշքէն սարսափահար եղած էր: «Մի՛ վախնար, ըսաւ խրախուսելով զայն Ա. Առաքեալը, գնա, տեսածդ պատմէ՛ թագաւորին:»

Իշխանը գնաց թագաւորին մօտ. «— Տեսայ Առաքեալը, ըսաւ անոր, պարզ մօրու մը չէ՛ր այն, հապա լոյսերով համակուած գերագոյն էակ մը, որու աղօթքովը իսկոյն դադրեցաւ պատուհասը մեր վրայէն:» Բայց չարազրդիու թագաւորը որ իր անհաւատութեան մէջ խստացած կը մնար, «— Կը կարծես թէ ան դադրեցուց պատուհասը, պատասխանեց, եթէ ոչ Արամազդ և Անահիտ միծ Աստուածները որոնք մեր աշխարհին բարերարներն են, և մեր թագաւորներուն փառքը:»

Այս խօռքերուն վրայ իշխանը սրտմտած հետացաւ արաքունքէն, գնաց Ա. Թագէոսին քով, և իր բոլոր տունովը Քրիստոնեայ ըլլալով մկրտուեցաւ ու Սամուէլ կոչուեցաւ: Թագաւորը լսելով նաև այս իրսոտթիւնը, սաստիկ տըրտութեան մէջ ինկաւ. այսպէսով ան կը զրկուէր իր պետական մտրդերուն մէջ գրեթէ աննման այդ խորհրդականէն ևս, և

առ այս չկրնալով զոպել իր սաստիկ զայրոյթը, հրաման ըրաւ իսկոյն ձերբակալել զայն և տանջել՝ հրաշէկ երկաթւներու վրայ քալեցնելով: Երանելին Սամուէլ նոյն տաճանքով նահատակուեցաւ, ինչպէս նաև Ա. Առաքեալին եօթը Հայազգի ընափր աշակերտները՝ որոնց մին Իորայէլ կը կոչուէր: Ասոնցմէ ուժանց ծունկի ոսկորները ծակուեցան հրաշէկ երկաթով, և ոմանք սրով զարնուեցան. ութը նահատակուներուն վրայ երկնային լոյս իջաւ և վերստին սարսափի մատնեց անօրէնները:

«Գիշերը Ա. Առաքեալը Սանդուխտ Կոյսին և ուրիշ հաւատացեալներու հետ գալով պատեց նահատակներուն մարմինները ուխտաւոր կիներու և Սանդուխտ Կոյսին նամիշշաներուն բերած անոյշ իւղով և խունկերով, և զգուշութեամբ գաղտնաբար թաղեց զանոնք մերձակայ ձորակին մէջ: Սանդուխտ Կոյս ինդակից կ'ըլլար Քրիստոսի Առաքեալին. «Երանի՛ քեզի, Տէ՛ր իմ և Հայր, կ'ըսէր անոր, որ շատերը Քրիստոսի պատկին արժանացուցիր: — Երանի՛ նաեւ քեզի, կը պատասխանէր Ա. Առաքեալը, որ արժանացար անոնց յուղարկաւորը ըլլալու. ինդա՛ և ուրախացիր, դուն եւս շուտով պիտի արժանանաս Պատկողի տեսոյն:»

Սրբունի Սանդուխտ տակաւ կը բորբոքէր Քրիստոսի սիրովը, որով և կը համակէր բոլոր հաւատացեալները: Ան կը քաջալերէր ու կը միմիթարէր զանոնք, կը ինսամէր ու կը կերտակէր, մերկերուն զգեստ կուտար, կը հոգար անոնց պակասը, և Առաքեալին նման Աստուծոյ խօսքը քարոզելով կը հրաշագործէր Քրիստոսի անունովը, ու շատերը սուրբ հաւատքի կը դարձնէր:

Այդ միջոցին էր որ թագաւորին աղդականներէն մեծահարուստ Տիկին մը՝ Զարմանդուխտ անուն, իր ամբողջ գերգաստանով՝ երկու հարիւր անձ՝ Քրիստոնեայ ըլլալով եկաւ միացաւ Ս. Առաքեալին: Թագաւորը լսելով զայս՝ սրով սպաննել տուաւ Զարմանդուխտ միայն, որու մարմնոյն

Վրայ իսկոյն Աստուածային նշան յայտնուեցաւ, ինչ ո՛ր ականատեսներէն շատերուն հաւատքի գալուն պատճառ եղաւ:

Սանատրուկ այս ամեն իրողութիւններուն հանդէպ կը մնար շուարած. առիւծի պէս կը մննչէր ան՝ իր աղջիկը Սանդուխտը յիշելով : Առաւելապէս ա՞ն է, կը խորհէր. բոլորին մոլորելուն պատճառը, և այլեւս առանց ինայելու, հրաման կուտար յաջորդ օրն իսկ սրով սպաննելու իր աղջիկը :

Ս. Թաղէոս երբ լսեց անօրէն թագաւորին հրամանը, ամբողջ գիշերը աղօթելով անցուց Ս. Սանդուխտի համար: Առաւտուն Սանդուխտ Կոյս եկաւ Ս. Թաղէոսի քով, ինկաւ համբուրեց անոր ոտքերը . « Տէ՛ր իմ, ըստ, երէկ երեկոյ քնանալէ առաջ, կը մտածէի թէ ի՞նչ տեսակ այցելութիւն պիտի ընէր ինձի Քրիստոս՝ իմ լոյս, և հազիւ թէ մրափ առած էի, տեսայ որ սաստիկ լոյս մը կ'իջնէր իմ վրաս. նոյն լոյսին մէջէն լուսելէն զգեստներով մարդ մը՝ որու ճառագայթարձակ դէմքը չկրցայ նկատել համարձակ, « Սանդուխտ, ձախնեց ինձ, շուշ եկո՞ւր հագուէ՛ իմ լոյս: » Ես վախէս և հրձուանքս լոլով, « Տէ՛ր իմ. արժանի չե՛մ, » պատասխանեցի. բայց ան գրեթէ սաստելով՝ վերարկուի մը պէս լոյսը հագուեցուց վրաս, գլուխս լուսեղէն պսակ մը դրաւ, վրաս լուսափառ զարդերով զարդարեց, և մինչդեռ ես հիացած կը մնայի՝ « Ուրախացի՛ր, Սանդուխտ, ըստ, այլեւս չպիտի թողում զքեզ: » Ահաւոր որոտում մը, որ յանկարծ յաջորդեց իր խօսքերուն, ընդուատ արթնցուց զիս, և ես անդրադառնալով փառաւորեցի զԱստուած, որ այսպէս սքանչելի տեսիլքի մը արժանացուց զիս: »

Ս. Թաղէոս հասկցաւ որ նոյն օրը Սանդուխտ Կոյս պիտի վերջացնէր իր կեանքը նահատակութեան պսակով, և պիտի անցնէր լուսեղէն Հրեշտակներու դասը, փողկեցաւ ու լցաւ. « Երանի՛ քեզի, Սանդուխտ, ըստ: Այն որ տեսար տեսիլքիդ մէջ՝ նոյն ինքն Քրիստոս է, որ քու գորովատենջ

սիրոյդ փոխարէն երեւցաւ քեզի, այլեւս իր Աստուածային լոյսին մէջ հաստատելու համար: Իսկ այն լոյսը որ վերաբերուի պէս հագուեցուց քեզ, և այն լուսեղէն պսակը որ գլուխտ դրաւ, կը յատկանչեն թէ այսուհետեւ մսեղէն մարմինդ լքելով՝ պիտի հագուիս երկնաւոր լոյսը, շուտով արժանանալով մարտիրոսական յաղթական լուսապսակին: և այդպէս կերագոյն չնորհքով զարդարուած, մշտնջենաւոր ուրախութեամբ Աստուածային լոյսին մէջ պիտի բնակիս: Ուրախացի՛ր, այլեւս չպիտի թողում զքեզ, ըստ Ան, անոր համար որ Քրիստոս անբաժան է իր սիրելիներէն, և անոնց անստգիւտ ընկերն է: »

Իր սքանչելի տեսիլքին մեկնութիւնը լուելով Ս. Սանդուխտ հրձուանքէն արքչիու, առատ արցունք թափելով կ'իյնար վերաստին Ս. Առաքեեալին ոտքերուն « Երանի՛ քեզ Հա՛յր իմ, կ'ըսէր, որ զիս կրկին հոգեպէս ծնար. և Քրիստոսի կենդանի լոյսին ցոլացնողը եղար. դուն կեանքի ճամբան ինձի ցցուցիր, և անմահական դեղով բուժեցիր. հայցէ՛ ուրեմն Քրիստոսէ, որ շուտով ընդունի զիս իր մօտ: »

« Ահա շուտով պիտի հասնիս անձկալի փափաքիդ, ըստ Ս. Առաքեեալը: »

« Տէ՛ր իմ, աղերսեց Սանդուխտ Կոյս կ'աղաչեմ, մինչև մեռնիւ քովս մնացիր, չեմ կրնար տոկալ սիրոյդ կարօտին: »

Աղօթքի պահ էր. երկուքը միասին կանգնեցան: Ս. Թաղէոս բազկատարած. « Ո՞վ Տէ՛ր, կը հայցէր, յիշէ՛ քու աղախինդ, և համբերութեամբ պսակէ այսօր իր պատերազմը, ամօթահար ընելով իր թշնամին, որպէս զի ճանչնան ամեն հաւատացեալները թէ դուն ես միակ Աստուած՝ Տէ՛ր երկնքի և երկրի: » Եւ օրհնելով Ս. Սանդուխտը՝ ըստ. « Հաստա՛տ կեցիր, Քրիստոս պիտի արիացնէ զքեզ: »

Եւ ահա յանկարծ հասան բարբարոս իշխանները իրենց զօրքերով, ու բռնեցին երանելի Կոյսը՝ սպանման վայրը տանելու համար: Անոնց մէջ էր նաև Ս. Առաքեեալը, բայց Կոյր

անհաւատներուն անտես մնացած, մօտէն կ'ընկերանար Սահ-  
դուխտ Կոյսին՝ քաջալերելով զայն: Ճամբան դահճապետը և  
իր արբանեակները սպառնալիքներով կ'ուղէին ահարեկել Ա.  
Սանդուխտը: « — Աստուածները թողուցիր, անարդեցիր  
հայրդ՝ մեծ թագաւորը, տիկնութեանդ պատիւը ոտքի տակ  
առած՝ Քրիստոնեաներու Աստծոյն ծառայեցիր, և Հայոց Աշ-  
խարհին նախատինք եղար. արդ՝ հիմա մենք ալ դաժան մա-  
հով մը սպանենք քեզի որ հասկնաս: »

Ա. Սանդուխտ երկինք նայեցաւ, ու բարձր ձայնով՝  
« — Տէ՛ր Յիսուս Քրիստոս, գոչեց, օդնէ՛ ինձ վերահաս պա-  
տերազմիս մէջ, և զօրացուր որ հաստատամիտ համբերու-  
թիւնով մեռնիմ քու մեծ անունիդ համար: Բնդունէ՛ զիս.  
և միացո՛ւր զգեզ սիրող և փառաւոր մահով քեզի հաճոյ  
հանդիսացող Առլրերուդ գունդին: »

Երբ հասոն սպանման վայրը, Ա. Սանդուխտ հրամա-  
աբար, « Համբերեցէ՛ք քիչ մը, ըստ զինուորներուն,  
աղօթեմ իմ Տէր Աստծոյս: » Անոնք չկրցան չնամակերպիլ:  
Սանդուխտ Կոյս վեր առաւ աչքերը դէպի երկինք, և  
պաղատագին՝ « Ո՞վ Հայր երկնաւոր Միածին Որդւոյդ Յի-  
սուսի Քրիստոսի մեր Տէրոջը և Փրկչին, հայցեց, նայէ՛  
քու սրբավայրէ՛տ, և մարդասէր գութդ շնորհէ՛ իմ վրաս, և քու  
Միածնիդ սիրոյն համար՝ ընդունէ՛ զիս քու աղախինդ՝ իրը  
պատարագ անուշանոտ. արժանացո՛ւր զիս Աստուածութեանդ  
անանց լոյսին, և շնորհէ՛ ինձ այն յաւիտենական անսպառ  
բարիքները՝ որ խոստացար քու սիրելիներուդ: »

Ապա հրտժեշտ և օրհնութիւնը առնելով Ա. Առաքեա-  
լին, զուարթութեամբ փութաց սպանման տեղը. « Օ՛ս, ըստ  
դահճաներուն, կատարեցէ՛ք ձեր հօր՝ սատանային կամքը: »  
Ու միանգամայն Քրիստոսի անմեղ գառնուկը, երջանիկ Կոյսը  
յօժարակամ ներկայացուց իր պարանոցը սուրին բերանը:  
Դահիճը առանց այլեւայլի քաշեց սուրը, բայց, ո՞վ զար-  
մանք, փոխանակ սպաննելու Ա. Սանդուխտը, շփոթած

զարկաւ զլիսատեց իր դահճապետը: Բարբարոսները ի տես  
այս անակնկալին՝ ապշահար կատաղութեամբ մը մոլեգնած,  
բոլորը միասին մերկացուցին իրենց սուրերը, և առհասա-  
րակ խոյացան մանկասի Կոյսին վրայ, բայց գրեթէ խելա-  
գարուած իրար կստորեցին:

Խոկ Սանդուխտ Կոյս՝ Քրիստոսի աղախինը, նահատա-  
կութեան պակէն չզբկուելու տենջանքով՝ « Տէ՛ր Յիսուս  
Քրիստոս, կ'աղօթէր հեղաբար, ընդունէ՛ զիս յաւիտենական  
բնակարանիդ մէջ. նաեւ ես քու սուրը անունիդ սիրոյն  
մարտիրոսական մահուան կը ցանկամ: Դո՛ւն ես որ զիս զօ-  
րացուցիր, և յաղթական ըրիր հետո պատերազմողներուն  
դէմ: քո՛ւկդ է յաղթանակը, և քեզի՛ միայն կը վայլէ փառք  
մշնջենական. Ա.մէն: »

Նոյն պահուն պատանի զինուոր մը սուրով սրտէն  
զարկաւ երանելի Կոյսը, որմէ արիւնը հոսեցաւ առաս, և  
անուշահոտութիւն մը բուրեց ու ծաւալեցաւ ամեն կողմ: Շու-  
տառվ պանծալի Վկայուհին Սանդուխտ՝ Հայաստանի Առա-  
քելուհին և մատաղատի Կուսամայրը, առաջին Մարտիրո-  
սուհին համայն նահատակուած կոյսերու գասուն, բարի խս-  
տովանութիւնով աւանդեց իր հոգին առ անձկալին իւրթիստոս:

Մեր Ա. Սանդուխտը՝ Սրբուհի Թեկղիէն՝ Պօղոս Սուաք-  
եալի աշակերտ և Արեւմուտքի առաջին մարտիրոսուհի Կոյ-  
սէն իսկ առաջ պասկուած է մարտիրոսական պասկով, իր  
ծաղկատի մանկութեան մէջ:

Նահատակ Ա. Սանդուխտ Կոյսին վրայ երկնաւոր լու-  
սեղէն սիւն մը ճառագայթեց, երկիրը շարժեցաւ, և լու-  
սեցան երկնային Զինուորութեանց ահաւոր ձայները՝ որոնք  
յայտնապէտ կ'օրհնէին զԱստուած: Նոյն լուսեղէն սիւնը  
մնաց սուրբ մարմնոյն վրայ ամբողջ երեք օր և երեք գիշեր.  
և այդ միջոցին երկու հազար հոգի այր ու կին գարձի գա-  
լով մնացին մօտը Ա. Սանդուխտ Կոյսի մարմնոյն՝ որ կը  
մնար սպանման տեղին վրայ: Ա. Թաղէսոս Սուաքեալ գիշերանց  
զալով մլրտեց զանոնք, և վերցնելով Ա. Սանդուխտի մար-  
մինը՝ ամփոփեց նոյն տեղուոյն մէջ, առանց յայտնի ընելու  
գերեզմանին տեղը. զերծ պահելու համար զայն անօրէն-  
ներու անարդանքէն: Հոն մնացին անյայտ Ա. Սանդուխտի  
նշխարները, մինչեւ որ երկար ժամանակ յետոյ Տէրը յար-  
մար տեսաւ յայտնելու անոնց տեղը իր հաւատացեալներուն:



ԽՈՐԱՆ Ս. ԹԱԴԵՈՍ ԵՒ ԲԱՐԵՒՆԻՄԷԿՈՍ ԱՌԱՔԵԼՈՅ  
ԵԵՆԻ ԳԱԲՈՒԻ, ԻՐԵՆՑ ՄԱՍՈՒՆՔԻ ԽԱԶՈՎ

Յ.

## Վ. ԿԱՅԱԲԱՆՈՒԹԻՒՆ

Ս. ԹԱԴԵՈՍ ԱՌԱՔԵԼՈՅ



Ս. Անդուխտ Կոյսի նահատակութենէն որեք օր վերջ առաւօտուն երբ Ս. Թադէոս Առաքեալ աղօթքի կեցած էր, տեսաւ Փրկիչը որ ողջունելով զինքը՝ «Խաղաղութիւն քեզի, սիրելի՞ն, ըսաւ իրեն, օ՞ն, պատրաստ եղիր, և դուն այսօր պատերազմի պիտի մտնես, և շատ չարչարանքներու պիտի ենթարկուիս. բայց համբերութեամք տար, որովհետեւ ես զքեղ չպիտի թողած :» Եւ օրհնելով զինքը՝ աներեւոյթ եղաւ :

Ս. Թադէոս անհուն ուրախութեամբ լեցուած՝ «Կը գոհանամ քենէ, կրկնեց աղօթելով, ո՞վ Հայր, և Տէր մեր երկնաւոր Յիսուս Քրիստոս, որ զիս անօդնական չժողուցիր այս բարբարոսներու երկրին մէջ, և ամենէն աւելի գթացիր ինծի : Երդ՝ ընդունէ՝ և զիս իրը անուշանոտ պատարագ, և զօրացուր զիս վերահաս պատերազմիս մէջ : Յիշէ՛, Տէ՛ր, քու աղախինդ Սանդուխտ Վկայուհին, և միացուր՝ նաև զիս՝ քու անունիդ համար նուիրուող Առքբերու գունդին, և արժանացուր Աստուածային լոյսիդ : Պահէ՛ մանաւանդ քեզի սպաւինող հաւատացեալները, լոէ՛ անոնց աղաչանքն ու ինդիրքները, ո՞վ մարդասէր Տէր. և ամօթահար հալածէ՛ չար սատանան, որպէս զի այլես ան չհամարձակի մօտենալու քու հաւատացեալներուդ : Զօրացուր նաև զիս՝ քու ծառագ, համբերութեամք պահելու մինչեւ վերջը քու սուրբ պատուէրդ :»

Ապա օրհնեց հաւատացեալները : «Զաւակնե՛րս, ըսաւ անոնց, քանի որ ձեր անձը Աստուծոյ նուիրեցիք, և Քրիստոսի

գունդին մէջ մտաք, ամուր կեցէք ձեր հաւատքին վրայ. այս ատեն Քրիստոս պիտի զօրացնէ զձեղ: Ան ամօթահար պիտի ընէ չար սատանան որ պատճառն է հեթանոսներու մոլորութեան, և ձեր ոտքելուն տակ կոխել պիտի տայ զայն մշտնջենապէս: Ահա ես կ'երթամ իմ Տիրոջ Քրիստոսի մօտ, և պիտի աղաչեմ իրեն որ խրկէ ձեզի իր Պահապան Հրեշտակը՝ խորտակելու համար հեթանոսներու կուապաշտութեան չար լուծը, որմէ աղատագրեց զձեղ, և իր Աստուածային լոյսի բովէն անցնելով մաքուր և սեպհական ժողովուրդը ըրաւ: Նա՛ է ձեր Հայրը, ձեր Տէրը և Թագաւորը, որ պիտի պահպանէ զձեղ, և երբեք չպիտի թողու:

Հաւատացեալները երբ լսեցին թէ Ս. Առաքեալը չուտով պիտի կնքէր իր կեանքը և միանար Քրիստոսի, սկսան լալ. անոնք կ'իշնային կը համբուրէին Սուրբին ոտքերը. « Տէ՛ր, դո՛ւն փրկեցիր մեր հոգիները, կ'ըսէին. աղօթէ՛ մեզի համար, ու խնդրէ՛ Քրիստոսէ՝ որ զմեղ ձեռքէ չձգէ: »

Ս. Առաքեալը գթալով անոնց արցունքներուն, « Տէ՛ր Յիսուս Քրիստոս, կ'աղերսէր, մի՛ թողուր այս սակաւաթիւ ժողովուրդը որ բաժնուիլ չուզեր ինձմէ. պահպանէ՛ զայն ամուր ձեռքով: » Ապա օրհնելով հրաժեշտ առաւ և արձակեց հաւատացեալները իրենց տեղերը:

Հազիւ թէ անոնք բաժնուած էին, ահա՞ թագաւորին կողմէ երկու իշխաններ մեծ ամբոխի մը հետ եկան ձերբակալելու Ս. Առաքեալը, ու նախորդ օրուան պէս կարծելով թէ չպիտի կրնան դիւրաւ գտնել զայն, կը փնտուէին ամեն կողմ: Ս. Առաքեալը գնաց ինքնին ներկայացաւ անոնց. « Ե՛ս եմ ձեր փնտուածը, » ըստ Իսկոյն ձերբակալեցին և տարին թագաւորին առջև: Թագաւորը տեսնելով զայն՝

« — Դու ես Թագէսոսը, հարցուց:

« — Ե՛ս եմ. » պատասխանեց Ս. Առաքեալը:

Սանատրուկ տեսաւ զայն լուսափայլ և ահաւոր երեսով, վախցաւ, և չկրցաւ խոտութեամբ խօսիլ անոր հետ միայն

տրանջելով՝ «— Ինչո՞ւ որսացիր իմ անզուգական աղջնակիս միտքը, ըստ, և գրաւեցիր անոր սիրաը. հեռացուցիր զայն իր հայրենի աթոռէն իր ծիրանազգեստ ոսկեհուռ վառքէն. ատելի՛ դարձուցիր զայն մեր աստուածներուն, և աղքատի մը վիճակին հասցուցիր, մինչև որ զայրոյթէս, անողորմաբար սրով սպաննել տուի զայն:

« — Ճի՛շդ է ըստածդ, պատասխանեց Ս. Առաքեալը. իրաւոյնէ ես գողցայ և կորոկեցի զայն ձեր չտատծոյն Անահիտի սատանայական պաշտամունքներու սառ ցուրտէն և անոր գժոխահանձար չար գործերէն, ի՛ս տոգորեցի իր միտքը Քրիստոսի սիրովը, արժանացուցի՛ զայն Սուրբ Սւազանի հոգեւոր ծննդեան, և ընծայեցի Աստուծոյ. և իր հայրենի պիղծ պաշտամունքէն մերկացնելով զայն, պատճառ եղայ որ արժանանայ հագուելու Քրիստոսի երկնաւոր լուսեղէն փառքը: Ու մինչդեռ դուն կը կարծես որ սպաննեցիր զայն, նա հոգիով անմահացած, Հրեշտակի թեւերով սլացաւ Լուսաւորներու բանակին մէջ, ուր է հիմայ՝ գլուխը անթառամ պաակով զարդարաւած, սիրով Աստուծոյ սիրովը լեցուն, մասնակից Սերովբէներու դասուն, զբաղած ցնծութեամբ փառաւորելու Ս. Երրորդութիւնը, հո՞ն՝ ուր լոյսը անսպառ է, և կեանքը մշտնջենաւոր: Բայց դուք միտքով խաւարած, և կամքով մոլորած, թողա՛ծ էք երկնքի և երկրի Ստեղծողը, զայն որ ձեզ կեանք և չունչ է տուած, և մեռելուի կուռքերու պաշտօն կը մատուցանէք, զո՞ր եղած խարէութեան՝ ձեր հօրը սատանային՝ որ մահուան ծուլակի մէջ զձեղ կաշկանդած. իր ամսվերջանալի տանջանքներուն առարկան պիտի ընէ զձեղ գժոխսքի մէջ: »

Թագաւորը զայրացած՝ « Պէտք չէ՛ որ այլեւս այս մարդը ապրի, » գոչեց: Այս հրամանին վրայ Ս. Թագէսոս շղթայակապ տարուեցաւ պարիսպի բանաը, իր իսկ ներկայութեամբ գիշատիչ գաղաններու առջև ձգուելու համար: Քիչ

յետոյ թագաւորը կը հասնէր կրկէսի հրապարակը ուր տարուած էր Ս. Առաքեալը : Իսկոյն երկու առիւծներ վրան արձակուեցան : Գազանները մօտեցան, ընտաներար դիտեցին զայն, ինկան անոր ոտքերուն առջե, և սկսան մուծակները լզել և քծնիլ ոռնալով : Անոնց քով Սուրբը անայլայլ տղօթքի կեցաւ, մինչ իր շղթաները կը քակուէին ու կ'ինային, և իր նշանացի հրամանին վրայ՝ վայրագ առիւծները՝ հլու կենդանիներու նման կը դառնային դէպի իրենց եկած տեղը :

Տեսնելով այս հրաշալի անցքը, թագաւորը չարախանձ, և աւելի՛ ևս գրգռուած, հրամայեց անմիջապէս մեծաբորբոք կրակ պատրաստել հոն, որու մէջ նետել տուտ կալանաւոր Ս. Առաքեալը : Բայց ան հազիւ թէ՛ «Տէ՛ր Յիսուս Քրիստոս, աղերսեց, օգնէ՛ ինձ.» ահա՛ իսկոյն անձրեւախառն սաստիկ հով մը չնչեց ուժգին, ու սփոնց ամբողջ կրակը անօրէններուն վրայ, որոնցմէ շատեր խանձեցան, և ուրիշներ նոյն միջոցին լսուած որոտումի ձայներէն անշնչացան : Իսկ Սանատորուկ թագաւոր վախէն ծայրագոյն յուսահատութեան մատնուած, վախաւ գնաց պալատ, իր տարակուսանքին մէջ անճարակ մնացած :

Ս. Առաքեալը սակայն երկնքի ցօլով գովացած ու զուարթացած, լոյսի ճառագալթի մը նման պայծառ դուրս ելաւ հորցէն, մինչ ականատեսներ՝ թուով չորս հարիւր երեսուն կամ քառասուն երեք հոգի շերմ հաւատքով՝ «Մե՛ծ է Քրիստոնեաներու Սասուածը, կը գուային, և անպարտելի՛ է անոր ոյժը :» Ու բոլորը միասին նոյն ժամուն մկրտուեցան Ս. Թագէսէն :

Թագաւորը երբ լսեց զայս, աճապարանքով հրամայեց սուրով սպաննել վերջացնել անոր կեանքը : Բայց մինչև նոյն հրամանին գործադրութիւր Ս. Առաքեալը կը հաստատէր նորագարձները Սւետարանի քարոզութիւնով : «Տէ՛ր Յիսուս Քրիստոս Սասուած իմ, կ'աղօթէր, մի՛ թողուր քու նոր ժո-

զովուրդդ, զօրացո՛ւր զայն քու սիրովդ, և զիս ընդունէ՛ իբր պատարագ անուշահոտ :»

Ապա օրհնեց զանանք, Քրիստոսի խնամքին յանձնեց, և «Ելէ՛ք տեկի բարձրը, ըսաւ անոնց, դիտեցէ՛ք իմ նահատակութիւնս : Ձեզ Ս.ռաջնորդ կը թողում, յարեց, իմ լծակիցս Զաքարիան, Քրիստոսի սիրելի պաշտօնեան, ան ձեզ պիտի սովորեցնէ Սւետարանի խօսքերը, Սուրբ Հոգին չորհքովը . ան պիտի ամրացնէ զձեզ սուրբ հաւատքի մէջ, և նահատակուելով պիտի գայ միանայ ինձի :»

Նոյն պահուն շատ մը զինուորներ իրենց իշխաններով եկան բռնեցին ատրին Ս. Թագէսը ձորակէն քիչ մը աւելի բարձր՝ պապուաժուտ տեղ մը : Ս. Առաքեալը կ'աղօթէր շարունակ . «Ո՛վ Տէր Սասուած և Հայր՝ մեր Տէրոջը Յիսուսի Քրիստոսի, կ'ըսէր, ընդունէ՛ զիս, յայսնելով միանգամայն Սասուածային ահաւոր նշանդ, որպէս զի ճանչնան մարդիկ և հասկան թէ դուն ես բոլոր արարածներու Աստուածը : Կ'աղաջեմ, մի՛ թողուր այս վիճակը, և մի մեղապարտ նկատեր այս մարդկիկը, որ ըրածնին չեն գիտեր. վոխէ՛ իրենց ըարբարոս միտքը, և ձանցուր անոնց քու Սասուածութիւնդ, ով մարդամէր և քաղցր Սասուած :» Յիտոյ խաչակնքեց երեսը, և գահիճներուն գառնալով՝ «Ըրէ՛ք ինչ որ պիտի ընէք,» ըսաւ անոնց : Դահիճը վերցուց սուրբ Սուրբին վրայ, բայց վիխանակ անոր վրայ իջեցնելու՝ զարկաւ մեռցուց իր եղբայրը Զեմեննոսը՝ որ բարի և հաւատարիմ մարդ մ'էր, ճամբաններու հսկող արքունի պաշտօնատար : Ս. Առաքեալը տեսնելով մեռնիլը այդ մարդուն որ հաւատացեալները ինաւող և հիւրասէր անձ մ'էր, տրտմեցաւ, մօտեցաւ մեռեալին, գէպի ի երկինք վերցուց աչքերը, «Ո՛վ Հայր մեր և Տէր Յիսուս Քրիստոս, աղօթեց, նայէ՛ քու Սուրբ աթոռէդ այս մեռեալին վրայ և ողջացուր զայն . թող գիտնան թէ դուն ես միայն ձմարիտ Աստուած :» Ու մեռեալին ձեռքէն բրոնելով՝ «Քեզի՛ կ'ըսեմ, ըսաւ, ելի՛ր, կանգնէ՛ յանուն Յիսուսի Քրիստոսի Որդւոյն Աստուածոյ :» Իսկոյն Զեմեննոսու կեն-


դանացած ոտքի ելաւ, և Սուրբին ոտքերուն իյնալով՝ «Կը հաւատամ քու Աստծոյդ, ըսաւ, ի՞նքն է միակ ճշմարիտ Աստուած, և իրմէ ուրիշ չկայ Աստուած»:

Զեմենտոսի վրայ վէրքի նշաններ մնացած էին. Ս. Առաքեալը ձեռքը վրան դնելով բժշկեց նաև զանոնք: Նոյն հետայն եօթը հարիւր քսան հոգի հաւատքի եկան. Զեմենտոս անոնց առաջնորդը եղաւ: Ս. թագէս խօսքը անոր ուղղելով՝ «Ահա՝ ողջացուց քեզ Քրիստոս Որդին Աստուծոյ, ըսաւ և փրկելով հայրենի մոլորութենէդ՝ Երկնաւոր լոյսին արժանացուց. արդ, զօրացի՛ր և հաստա՛տ կեցիր Քրիստոսի սուրբ հաւատքովը. այն ատեն նա պիտի պահպանէ զքեզ, ինչպէս իր բոլոր հաւատացեալները:» Ապա մկրտեց զանոնք, ողջագուրեց բոլորը հոգեւոր սիրով, օրհնեց, և Սուրբ Հոգիին յանձնելով՝ «Գացէ՛ք խաղաղութեամբ, ըսաւ, Տէրը ձեզի հետ ըլլայ:» Իսկ ինք շարունակ աղօթելով՝ «Տէ՛ր իմ Յիսուս, կը կրկներ, պահպանէ՝ այս ժողովուրդը, ամօթահա՛ր ըրէ չարը, և ընդունէ՝ զիս:»

Երբ թագաւորը իմացաւ բոլոր այս եղելութիւնները, ստիպողաբար խիստ հրաման տուաւ դահճճներուն՝ անմիջապէս սպաննելու Ս. Առաքեալը: Ու միեւնոյն ժամուն Ս. թագէս նահատակուեցաւ սուրով: Հրաշալի եղաւ իր նահատակութեան պարագան. իր թափած արիւնէն անուշահոտութիւն մը բուրեց և ծաւալեցաւ, ահաւոր որոտումներով մեծ լոյս մը ծագեցաւ, ահագին երկրաշարժ մը եղաւ, և ապասոաժը՝ որու վրայ տեղի ունեցած էր Ս. Առաքեալին նահատակութիւնը, գերբնական զօրութեամբ ճնդքուելով, իր մէջ ամփոփեց Սուրբ մարտինը, և վերստին ծածկաւեցաւ. Իսկ այս ամենուն ականատես եղող անօրէնները սարսափահար հալածեցան:

Բոլոր այդ օրերուն դարձի եկող հաւատացեալներու ընդհանուր թիւը երեքէն չորս հազար կը հաշուրուի: Պատմագիրներ 3433 անձ կը ծցեն, իսկ յայսմաւորքներ՝ 3440, պիտի թէ կին: Ս. թագէս Առաքեալ, ըստ հին վկայարանուայր թէ կին:

թեան, նահատակուած է Քրիստոսի 48 կամ 50 թուականին, Քաղոց ամսոյ 13ի ժամը 9ին, ինչ որ կը զուգադիպէք Հռովմայեցւոց Մարտ ամսուն. բայց յայսմաւուրքներու համաձայն՝ կը յիշատակուի Դեկտեմբերին: Իրմէ վեց օր առաջ նահատակուած է Ս. Սանդուխտ Կոյս: (\*)




(\*) Հայ եկեղեցին վայելչապէս կը տօնէ Ս. թագէս Առաքեալի և Ս. Սանդուխտ Կոյսի յիշատակը՝ Վարդավառի տօնին յաշորդ շաբաթ օրը, կամ Ցունվար ամսոյ վերջը, ինչպէս նաեւ մեր Առաջին Լուսաւորիչ Ս. թագէս և Բարթուղիմէս Առաքեալներու տօնը՝ Նոյեմբեր ամսոյ վերջը, և կամ Դեկտեմբեր ամսոյ սկիզբին զուգագիպող շաբաթ օրը:

Զ.

## ԳԻՒՏ ՆՇԽԱՐԱՑ

Ս. ԹԱԴԵԼՈՍ ԱՌԱՔԵԱԼԻՆ ԵՒ Ս. ՍԱՆԴՈՒԽԾ ԿՈՅՄԻՆ



ԽՈՐԱՆ ԱԿԵՏՄԱՆ Ս. ԱՌԱՔԵԼՈՅ ԵԿԵՂԵՑԻՆ  
ԵԵՆԻ ԳԱԲՈՒԻ, ՏԱՍՆԵՐԿՈՒ ՄԱՍՈՒՆՔԻ ԽԱՁՈՎ

Ս. Թադէսս Առաքեալին և Ս. Սանդուխտ Կոյմին մարմինները իրենց նահատակութենէն վերջ շատ տարիներ մնացին անյայտ, նման Քրիստոնէական հաւատքին՝ որ նախ ծածուկ մնացած, երթալով նուազեցաւ Արշակունեաց կոտապաշտ թագաւորներու երեսէն, մինչև Տրդատայ հօրը՝ Խոսրովու օրը, որ ատեն անհամեմատ սաստկացաւ հալածանքը Քրիստոնէից դէմ: Եւ սակայն Տրդատայ օրով Հայաստան վերստին լուսաւորուած Ս. Գրիգոր Լուսաւորչի չնորհիւ, շատ չանցած արքանացաւ ստանալու վերոյիշեալ նուիրական նշխարները՝ չորրորդ կամ հինգերորդ դարուն, Ս. Լուսաւորչի Որդւոց և Թոռանց, և կամ Ս. Թարգմանչաց օրով:

Այս գիւտի պարագան յիշատակագրած է մեր Ս. Մովսէս Քերթողահայրը իր պատմութեան մէջ. բայց ժամանակակից վարդապետ մը աւելի՛ ճոխ նկարագրած ըլլալով, քաղուածարար կը ներկայացնենք ինչ որ իրմէ օրինակած են մեր յայսմաւուրքները այս մասին:

Սրբակեաց ճգնաւոր մը Կիրակոս ամսուն, աշոկերոը Դաւթի սրբակրօն կրօնաւորին, կանուխէն հեռացած աշխարհէ, կը բնակէր Արտազ գաւառի Շաւարշանայ մօտ Սանտարուկ կոչուած լերմն վրայ, Ս. Թադէսսի և Ս. Սանդուխտ Կոյսի վկայութեան տեղերէն ո՛չ շատ հեռուն: Օր մը սրբակրօն Կիրակոս նիրհած միջոցին կը տեսնէր հրաշալի տեսիլ մը, զոր արթննալով կը պատմէր իսկոյն ուրիշ կրօնաւորներու:

« կը տեսնէի, կ'ըսէր, Սաննատրուկի դաշտին մէկ փոքր

բլուրին վրայ՝ ծագած լոյս մը սքանչելի, որու մէջ ոսկի աթոռի վրայ բազմած էր աննման գեղեցիկ լուսաւոր մարդ մը, շուրջը տնենալով ուրիշ հինգ մարդիկ: Յանկարծ տեսայ նաև հրաշագեղ տեսքով լուսապայծառ մանկատի աղջիկ մը՝ գլուխը պսակով, կանգնած աթոռին առջև, որ ողջունուեցաւ աթոռին վրայ բազմող մարդէն: Ես մինչ հիացած կը մնայի, ուրիշ փառաւոր մարդ մը, նաման իմ վարդապետիս Դաւթին, «Մի՛ վախնար, ըստ ինձի, որովհետեւ մեծ շընորհի արժանացար. դիտցի՛ր տեսիլքիդ իմաստը: Լոյսը որ կը տեսնես՝ Սուրբ Հոգիին չնորհքն է՝ որ կը ծագի արդարներուն վրայ, ու կը լուսաւորէ զանոնք որ արժանի են, ինչպէս դուն: Արդ, ա՛յն որ նստած է ոսկի աթոռին վրայ՝ Մ. Թաղէոս Առաքեալն է. շուրջինները իր հինգ նահատակ աշակերտներն են, և պայծառափայլ աղջիկը՝ Մ. Սանդուխտ Կոյսն է:» Ես ահաբեկած արթնցայ, և աղօթելով փառք կուտայի Աստուծոյ՝ այս հրաշալի տեսիլքին համար:

Երեք օր վերջ կրկին կը տեսնէի Մ. Առաքեալը միեւնոյն փառքով, և գետին կը գլորէի. նա կանգնեցուց զիս. «Մի՛ վախնար, ըստ, կիրակոս, մտադի՛ր եղիր, հո՛ս ամփոփուած են մեր նշխարները:» Եւ կը ցուցնէր ինձ ապառաժ արձան մը՝ արեւմտեան կողմը: Արթնցայ վախէս, երեսուն օր պահք պահեցի, պատարագեցի, հաղորդուեցայ, և ապա նշանակուած տեղը երթալով գտայ արձանը, փորեցի, բայց չկրնալով բան մը գտնել, տրտում և վաստակարեկ ինկայ ու քնացայ:

Եւ ահա զարձեալ կը տեսնէի Մ. Առաքեալը իր ընկերներուն հետ, առաւել հրաշալի եւեւոյթով: «Մի՛ վհատիր, կիրակո՛ս, ըստ ինձ, աջ կողմը փորէ, պիտի գտնես:» Արթնցայ և փորեցի, և իրապէս գտայ ուրբ վկաներէն միոյն նշխարները՝ որմէ անոյշ հոտ բուրեց: Եւ կարծելով թէ Մ. Աստքեալն է, գոհութիւն տուի Աստուծոյ: Բայց գիշերը տեսայ պատանի մը բարձրահասակ և գեղափայլ դէմքով որ՝ «Կիրակոս, ըստ, գտածդ իսրայէլի նշխարն է. անոր վրայի

կողմը պիտի գտնես զիս՝ որ Զաքարիան եմ, և արձանին դէմ պիտի գտնես Ս. Առաքեալը:»

Յաջորդ գիշերը տեսայ Ս. Սանդուխտ Կոյսը, առաջուրնէ աւելի՛ լուսափայլ, և զարհուրած՝ վար ինկայ. նա կանգնեցուց զիս, և հրամայեց ձորձ մը տարածել հոն, և վրան հաւաքել նշխարները. Երբ կատարեցի ըսածը, կը տեսնէի նըշխարները բոցավառ ջաներու նման, և հիացած, «Չորձը կ'այրի,» կը բացագանչէի: Նա՝ «Ո՛չ, կը պատասխանէր, չա՛յրիր, բայց կը մաքրէ ու կը լուսաւորէ Հայոց Աշխարհը՝ այս նշխարներու չնորհիւ:» Միանգամայն կը տեսնէի Սուրբ նըշխարներու անձերը՝ մարդկային լուսավառ երեսյթով, որոնց մէջ էր Ս. Սանդուխտ Կոյս: Անոնցմէ մին խօսքը անոր ուղղելով, «Ուրախացցի՛ր, ըստ, ով Հարս մաքուր՝ երկնաւոր Փեսային, քեզմո՛վ՝ է որ մեր ոսկորները նուիրուեցան ի միխթարութիւն Հայոց Աշխարհին. արդ, ա՛ռ զանոնք, և բաշնե՛լ տուր ի բժշկութիւն հիւանդաց, թող յայտնուի՝ մեր նահատակութիւնը ամենուն, և մեր սէրը առ Աստուած:» Սուրբ Սանդուխտ Կոյս կը պատառերէր ինձ ի միտ առնուլ ինչ որ տեսայ և լսեցի, ու կ'ըսէր. «Ես կը գտնուիմ ա՛յն բլուրին վրայ, ուր նախապէս տեսար զիս տեսիլքիդ մէջ,» ցցնելով միանգամայն տեղը, ուր այս անգամ կը տեսնէի նաև փոքր եկեղեցի մը լոյսերով ողողուած: «Բայց, կը յարէր Ս. Սանդուխտ, անպատմելի՝ է այն վերին Լոյսը՝ ուր կը բնակին բողոքու Սուրբերը մշանջենաւոր ուրախութեամբ: Օ՛ն ուրեմն, կատարէ՛ ինչ որ հրամայեցի քիզ:»

Երբ արթնցայ՝ փառք տուի Քրիստոսի, և պահեցի երկուամիս, նաւասարդէն մինչև Սահմի: Նաև Շահէն եպիսկոպոսը շատ ուրախանալով, եկուծ էր գտնելու Սուրբ նշխարները, բայց չէր կրցած: Եւ ահա դարձեալ կը տեսնէի Մ. Թաղէոսը՝ միենոյն լուսափառ կերպարանքով, որ՝ «Այսօր կը գտնէք ձեր փափաքելին,» ըստ ինձ, և առաջնորդեց զիս զգութեամբ, ցոյց տալու համար նշխարներու տեղերը: Արթնաւով ինձ հետ առի Տ. Սամուէլ քահանան, և հասնելով որոշ-

ուած սրբատեղին , սկսանք աղօթել յաջողութեան արժանաշնալու համար :

Եւ ահա՝ յանկարծ ահաւոր թնդիւն մը լսուեցաւ , ապառաժը ձեղքուեցաւ , և անուշանոտութիւն մը լեցուց երկերը , չն տեսնուեցան անջատ դիրքերով , երեք Սուրբերու նըշխարիները ահաւոր և սքանչելի երեւոյթով . առաջինը՝ Ս. Առաքեալինը , բացուած ապառաժի արեւելեան կողմը , հո՞նուր ցոյց տուած էր Ս. Առաքեալը . անոր մօտ գտանք միւս երկուքը , որոնց միոյն ոտքին մէջ երկաթի բեւեռ մը գեռ գամուած կը մնար , և միւսոյն ոտքին սկզբները ծակուած էին : Մենք մեծ երկիւով հաւաքեցինք գանոնք , և փառք տուինք Աստուծոյ :

Յաջորդ օրը գացինք Ս. Անդուխա կոյսի վկայութեան բլուրը , և աղօթեցինք : Յանկարծ թանձր մասախուղ մը սկսաւ իջնել բլուրին վրայ , և տեւեց մինչեւ օրուան ժամը երեքը , այնպէս որ բան մը չկրցանք տեսնել : Արտասուազին աղօթքներէ և պաղատանքներէ վերջ կրցանք տեսնել լոյս մը բլուրին վրայ . և ահա՝ լուսոյն մէջ տեսնուեցաւ բազմութիւն մը լուսաւոր և ահեղակերպ մարդիկներու : Սյն ատեն ինքնին բացուեցաւ Սրբուհին տապանը , անոյշ հոսա բուրեց , մառախուղը փարատեցաւ լոյսը պարզուեցաւ , և տեսնք Ս. Անդուխսի նշխարները , զոր առնելով բերինք գրինք Ս. Առաքեալինն նշխարներուն մօտ : Գիշերը յորդառատ լոյս կ'իջնէր անոնց վրայ , և կը լսուէին օրհնութեան ձայները Սուրբերուն՝ որոնք հրաշալուր եղանակով զԱստուած կ'օրհնէին , կ'ողջագուրուէին , և իրենց նշխարները իրարու կը գիրկընդիւանուէին : Մենք կը զարուուրէինք առնելով Ս. Անդուխսի նշխարները խառնուած Ս. Առաքեալի նշխարներուն , և մեծ վախով մօտենալով կը զանազանէինք ու կը զատէինք իրարմէ : Ապա լրացուցինք բոլոր Սուրբերու նշխարաց ամփոփումը վայելչադիր հանգտարարանի մէջ , չնորհիւ Ա.ծոյ :

Այս սուրբ նշխարներու գիւտի համբաւը շուտով տարածուեցաւ Հայոց մէջ . ամեն ոք ուրախութեամբ կը փու-


թային ուխտի , և ախտաժէտներ կը բժշկուէին : Անոնցմէ շատերէն իբր մին , կը յիշուի բժշկութեան պարագան ի ծնէ կոյր ուխտաւոր կնոջ մը , որ եկած էր Ծշտունեաց գաւառէն . նա կը պատմէր տեսած ըլլալ գիշերանց երազով գեղատեսիլ աղջիկ մը՝ որ յայտնած էր իրեն թէ ինք Սանդուխտ կոյմն է , և հրաւերած էր զայն Արտազ ուխտի գալու՝ իր և Ս. Առաքեալին ու անոր աշակերտներու վկայարանը , խոստանալով հոն բանալ անոր աչքերը , ինչպէս որ կատարած էր սքանչելապէս :

Նոյն Սուրբ Նշխարները մասնաւոր խորանի մէջ ամփոփուած կը մնան ցարդ վերոյիշեալ վկայարաններու մէջ , յանուն Ս. Թաղէոս Առաքեալին հիմնուած հրաշակերտ վանքին մէջ , որ կը գտնուի ներկայիս՝ Ատրպատականի Մակու գաւառին մէջ , Աւարայրի պատմական դաշտի հիւսիս արեւմտեան կողմը (Տես Յիշատակարան) : Հոն է նաև Ս. Առաքեալին աջը արծաթապատ , ուրոյն եկեղեցւոյ մէջ : Իսկ Ս. Առաքեալին գլուխը փոխադրուած է կջմիածին , ուր կը մնայ արծաթապատ պահարանով : Նոյն Սուրբ Նշխարներէն որոշ մասունքներ չնորհուած են նաև շատ եկեղեցիներու և վանքերու , որոնց մէջ մասնաւոր պահարանաւոր խաչերու մէջ դրուած կը պահպանուին անոնք մեծարանքով , իբր նուիրական աւանդ և անկողոպտելի յիշատակ Հայոց Ս. Եկեղեցւոյ Առաջին Լուսաւորիչ անզուգական Ս. Թաղէոսի , և անոր նահատակակից Սանուհոյն՝ չնաշխարհիկ Ս. Ամսդուխտ կոյսին :



Ե.

## Ս. ՅՈՒԴԱ. ԹԱԴԵՈՍ ԱՌԱՔԵԱԼ



Ս. ԱԱՆԴՐԻԱՆ ԿՈՅՍԻ ԵԿԵՂԵՑԻ  
ՐՈՒՄԷԼԻ ՀԻՍԱՐԻ

Ս. Յուդա Թադէոս Առաքեալը՝ Աստուածահայր անուանեալ Յովսէփից եղմօրը՝ կղէովպասի որդին է։ Ունեցած է երեք եղբայրներ, որոնց առաջինը՝ Յակոբոս Արդար՝ կոչուած Տեառնեղբայր, առաջին Պատրիարքն է Երուսաղէմի։ Երկրորդը՝ Յովսէս, կոչուած նաև Բարսաբայ կամ Յուստոս, և երրորդը՝ Սիմոն Կանանացին, որ և Շմաւոն Նախանձայոց։ Յակոբոս Տեառնեղբայրը և Յովսէս՝ Քրիստոսի եօթանասուն երկու Աշակերտաց թիւն են, իսկ Սիմոն Կանանացին և Յուդա Թադէոսը՝ տասներկու Առաքեալներէն։ Մատթէոս և Մարկոս Աւետարանիչները՝ կոչած են զայն նաև Ղերէոս կամ Թադէոս, որիտ և հոգի իմաստով, իսկ Ղուկաս և Յովհաննէս Աւետարանիչները՝ զայն որոշելու համար Յուդա Խոկարիովտացիէն, կը կոչէն Յուդա Յակոբեան, իր մեծ եղմօր անունով, ինչպէս և ինքն իսկ իր կաթուղիկէ Թուղթին մէջ իր պարծանք յիշելով նոյն անունը, կը գրէ «Յուդա» Յիսուսի Քրիստոսի ծառայ, և եղբայր Յակոբայ։ Եւ այս վերջինին հետ՝ թէ՛ ինք և թէ՛ իր միւս երկու եղբայրները Տեառնեղբայր, կամ Աստուածեղբայր անուամբ մեծարուած են։

Ս. Յուդա Թադէոս մեր և օտար պատմիչներու ոմանց համաձայն, քարոզութեան սկսած է՝ բժշկելով Արդար թագաւորը Եղեսիոյ մէջ, և անցած է Հայաստան։ ուրիշներ այս անցքերը կը վերագրեն Ս. Թուղմաս Առաքեալի երկուորեակ եղմօրը՝ Ս. Թադէոս Դիդիմոսին։ (\*)

(\*) Տե՛ս Նախածանօթութիւն. ինչպէս նաև Արդար թագաւորի բժշկութեան պարագան։


Ս. Յուղա Թադէսո Աւետարանի քարոզութիւնը կատարած է ընդարձակ տարածութեան մը մէջ . ան շրջած է Արարիա Ասորւոց , Միջագեաք , Հայաստան , Քրդաստան Մարտոց , և Պարսից : Բժշկած է հիւանդներ , շատեր հաւատքի բերած , և շինած է եկեղեցիներ , որոնց պաշտօնեաներ կարգելով ծաւալած է Թիստոնէութիւնը : Ս. Յուղա Թադէսո՝ իր Աւետարանական քարոզի տշակերտողները ճշմարիտ հաւատքի մէջ հաստատելու համար գրած է նաեւ անոնց իր անունով վերոյիշեալ Կաթողիկէ Թուղթը՝ համառօտ և խորիմաստ , որով կզբաշացնէ զանոնք անհաւատ հերձուածողներէն , որոնց վիճակը կը նմանցնէ չար հրեշտակներու ապրատամբութեան , և Սոդոս Գոմորի պիղծ բնակիչներու վիճակին : Նոյն Թուղթին մէջ իրը նշանաւոր յայտնութիւն , ան կը խօսի Միքայէլ Հրեշտակապետին վրայ , որ , կ'ըսէ , սատանային հետ վիճեցաւ առանց յանդուքն վերաբերում ունենալու : Բայց , կը հետեւցնէ , հերձուածողները չարախօսութիւն կ'ընեն նայնիսկ իրենց չգիտցած բաներուն վրայ . Կայէնի ճամբուն կը հետեւին անոնք , դուրսէն սուրբ եւ օրինապահ կ'երեւան , մինչ ներսէն ամեն պիղծ բաներով լեցուն են : Հողմահալած ամպերու , կամ որդնահար անպտուղ ծառերու պէս են անոնք , ու կը նմանին ծովուն մոլեգին ալիքներուն , կամ խաւարին մէջ թաւալող մոլորակներուն : Եւ հաստատելու համար , ի վկայութիւն մէջ կը բերէ ենովք նահապետի անդիր յայտնութիւնը , ուր , կ'ըսէ , նա այս տեսակներուն համար մարդարէցաւ թէ Սոսուծոյ և իր Սոուրբերուն կողմէ պիտի դատապարտուէին : Ան կը կրկնէ Առաքեալներու խօսքերը , որոնք այդ տեսակ միայն շնչաւոր և ո՛չ հոգեւոր մարդիկներէ կը զգուշացնեն զմեղ , ու կը յորդորէ ամրանալ հաւատով , և սիրել զԱստուած , որ միայն կարող է պահել զմեղ մաքուր և անմոլար :

Վերին Հայքի մէջ քարոզութեամբ շրջած ատեն Աղքա-կայ սահմաններուն մէջ Ս. Թադէսո Առաքեալ պատահեցաւ Ս. Բարթուղիմէսո Առաքեալները չնորհքն ունէին անով օձելով բժշկելու շատ հիւանդներ:


Մեծ եղաւ իրենց հոգեւոր ուրախութիւնը : Երկու Արքազան Առաքեալները իրենց այս հանդիպումին յիշատակը նույիրագործելու համար՝ նոյն տեղւոյն վրայ կանգնեցին խաչ մը՝ զոր Օթեաց Խաչ կոչեցին , և օծեցին զայն Սուրբ իւղով զոր աւանդաբար ստացած էին Քրիստոսէ , հիւանդները բժշկելու համար : Ապա բաժնուեցան իրարմէ : (\*)

Բարթուղիմէսո Առաքեալ շորունակեց իր քարոզութիւնը մինչև Հեր և Զարեւանդ , այժմու Պարսկական Խոյ և Տիլիման քաղաքները , և նահատակուեցաւ Սանապուկի կողմանէ Ուրբանոս կոչուած քաղաքին մէջ , Փոքր Աղքակ , Սալմաստ և Ուրմիա քաղաքներուն մօտ , Բարմ կոչուած Տեղը :

Իսկ Յուղա Թադէսո Առաքեալը անցնելով Պարսկահայոց մէջ , բազմազան աշխատութեամբ և մեծ նեղութիւններ կրելով , շարունակեց իր Առաքելական գործը , և նահատակուեցաւ Սանապուկի կողմանէ՝ Կախուած վիճակի մէջ նետահար ըլլալով , Սրաազ գաւառին մէջ : Այսպէս կը պատմագրէ յայսմաւուրբը , մինչ ուրիշներ իր նահատակութեան տեղը կը նշանակին Ուրմիա քաղաքն Հայոց , ուր իր անունով շինուած է եկեղեցի , և որ աղբիւր հանդիսացած է . կ'ըսեն , շատ բժշկութեանց :



(\*) Հայաստանի երկու Ս. Առաքելոց այս հանդիպումը պատկերացնող նկարներ ունինք մեր եկեղեցիներու մէջ , Ս. Թադէսո Առաքեալը ներկայացուած Քրիստոսի Դաստառակով , և Ս. Բարթուղիմէսու՝ Տիրամօր պատկերով : Խաչ Սուրբ իւղի մասին , ըստ Աւետարանի (Մարկոս 2. 13) Առաքեալները չնորհքն ունէին անով օձելով բժշկելու շատ հիւանդներ:



Ա. ԹԱԴԵՍԻ ՎԱՐԴԵԼՈՅ



## Բ. ՄԱՍ

ՅԻՒԱՏԱԿԱՐԱՆ

Ա.

## Ա. ԹԱԴԵՍԻ ԱՌԱՔԵԼՈՅ

Կ.Ա.Մ

## Ա. ԹԱԴԵՍԻ ՎԱՆՔ



**Փառաւոր վանք մէկ այս՝ հիմնուած վասպուրականի Արտազ գտառի, այժմեան Ատրպատականի նահանգի Մակու գաւառի մէջ, Աւարայրի դաշտին Հիւսիս Արեւմտեան Կողմը, Մակուի բերդէն եօթը ժամ հեռու, Ա. Առաքեալի նահատակութեան տեղույն վրայ: Վանքը տարիներու, ընթացքին մէջ թէև կրած է մեծ աւելումներ, կը մնայ սակայն կանգուն իրը կենդանի վկայարան պատմական քաղցր անցեւալի, կերտուած ձորին մէջ, երեք կողմէ չրջապատուած ապառաժու լեռներով: Իր պարիսպի մօտէն կը հոսի Մակուի գետի մէկ վտակը: Առաջակողմը կը տարածուի ընդարձակ դաշտ և արօտավայր:**

Վանքի հիմնարկութեան թէև անյայտ բայց ունի տաօնրվեց դարերու պատկառելի հնութիւն: Նա պատմական հոչակ և յիշատակութիւն ոկտած է ստունալ ԺՓ. բդ դարէն սկսեալ: Զեւով և շինուածքով կը նմանի էջմիածնայ Տաճարին, զարդարուած գոտիաձև ժակարէնանման քանդակներով: Բայտ արձանագրութեանց վանքը նորոգուած է երկու անգամ: Նախ՝ աւելի քան 600 տարի առաջ, ԶՀ

թուականին, ըստ արձանագրութեանց, Տ. Զաքարիա Եպիսկոպոսի ձեռամբ, որ նորոգ զարդարել տուաւ վանքի արեւելեան մասին մէջ Ա. Թագէոս Առաքեալի Գերեզմանը, կազմեց սեղանը և խորանները: Ահա ի՞նչ որ արձանագրուած է իր մասին:

«Այս Տաճար լուսակիր և երկնանման, առկարացեալ հաստատագոյն հիմամբք ի վերայ Աստուածաբնակ շրիմին Ա. Առաքելոյս Թագէոսի. որ ըստ բազմատեսակ յանցանաց մեր զկորձանումն էառ ի շարժէ. իսկ ես նուաստ սպասաւոր մին, Զաքարիայ եպ. որդի Պարոն Մանուէլայ, կարողութեամբ Աստուծոյ սկիզբն արարի կրկին նորոգութեան առաւելքան զառաջինն, ի ժամանակին սաստիկ նեղութեան և հալածանաց Քրիստոնէից, որ և բազում եկեղեցիք քակարին . . .»

Ուսկից կը յայտնուի թէ նախակերտը՝ որ երկրաշարժով աւերուած էր, լաւագոյն կերպով կը նորոգուի իր միջոցաւ:

Ապա էջմիածնի բարեցիշատուկ Տ. Սիմէոն Արքեպիսկոպոսը ԺԹ դարու սկիզբը՝ ՌՄԿ թուականին, նորոգած է վանքի միւս մասը, արեւմտեան կողմը, ինչ որ կը կազմէ վանքի տաճարին մեծագոյն բաժինը, սպիտուկ յղկուած քարերով, սիւներով, քանդակներով և արձանագրութիւններով: Հօտ նոյն արձանագրութեանց, Սիմէոն Արքազանը նոյն ատենի Առաջնորդը եղած կը թուի Արտազ գաւառին: Նա շինել տուած է նաև վանքի բակի մէջ առաջնորդարան, հովուելու համար Արտազը և ամբողջ Ատրպատականի նահանգը, որ հայաշատ էր, և վանքին շատ հասութարեր: Նա ծաղկեցուցած է վանքի միաբանութիւնը. իրեն պէս, ժամանակ մը այս տեղ նստած են Ատրպատականի Առաջնորդները. ասոնք կը վարէին ժողովրդի հոգեւոր, միանգամայն քաղաքական գործերը: Վանքը եղած է մին այն չորս Աթոռներէն՝ որոնց համաձայնութիւնը պէտք էր կաթողիկոսի ընտրութեան համար:

Վերահաս Ռուս-Պարսկական պատերազմը 1828 թուականին, աղէտալի եղաւ վանքին համար. Պարսկահայերու գաղթելովը ամրող Արտազ գաւառը որ կը ներկայացնէ այժմ Մակուի Խանութիւնը, և որ գրեթէ միայն Հայերով ընակուած էր, կը դատարկանայ տակաւ: Այսուհետեւ կը խախտի Առաջնորդարան-վանքի դիրքը, Հայերու պակսելովը կափի քրթերու և թուրքերու կողոպուտի և աւարառութեան թուականը. ասոնք կը յարձակին մնացորդ Հայ գիւղերու, ինչպէս և վանքին վրայ, պարբերաբար, տեւականորէն, ժամանակի ընթացքով կը տիրեն երբեմնի Հայարձնակ գիւղերուն, վանքի կալուածներուն, և վանքը կը մնայ վերջապէս ամայի, մանաւանդ երբ Ատրպատականի Առաջնորդութիւնը 1840ին կը փոխադրուի այն տեղէն Թաւրիզ, Տ. Սահակ Եպ. Սաթունեանի օրով:

Այս վանքը ինչպէս միշտ, նոյնպէս և իր ամայացումին մէջ, ժողովուրդի երկիւղած վերաբերումին պատճառ հանդիսացած է: Մեծ եղած է բոլորի հաւատքը անոր զօրութեանը նկատմամբ: Նոյն հաւատքը կը նկատուի նաև թուրքերու և քուրդերու մէջ, և անոնցմէ շատեր մեծ եռանդով շատ անգամ վանք կուգան ուխտի: Ասոնք չեն կրնար մոռնալ շատ դէպիքը, որոնց մէջ վանքի և իր ժողովուրդին դէմ յանցաւորներ պատժուած են, և կամ այս ու այն տեսակ վնասներու ենթարկուած: Զարմանք չէ թէ շատ անգամ թուրքերը նախատած են հայերը ըսելով. «Դուք ունիք շատ զօրաւոր վանք, շատ կարող Սուրբ, բայց չէ՞ք կրցած պատուել զայն արժանի կերպով»: Այս հաւատքը ունեցած են նաև իրենց մեծերը, որոնցմէ մին, Մակուի Սարուարը, քսան տարի առաջ, փափաք յայտնած էր իր ծախքով բան մը շինել տալ վանքին մէջ, իրը նշան երախտագիտութեան:

Ներկայիս վանքը ամայի է իսկապէս(\*): Վանքը հիմայ ունի


(\*) Երբեմնի փառապանծ այս Ուխտատեղիներկայ թափուր և մուցուած վիճակը շատ սրտայ, ոյզ գրիչով ողբերգած է հոգելոյս Տ. Մկրտիչ Ա. Խրիմեան կաթողիկոսը իր՝ «Իմ Ուխտ Թագէի Վանուց» քերթուածով, 1901-ի Հայ Եկեղեցի Ամսաթերթի մէջ, զոր պարտք կզգանք ներկայացնել այս հատորի վերջը:

Վանահայր, և մի քանի վարելահող։ Մերձակայ լեռներու վրայ կան փոքրիկ եկեղեցիներ, մատուռներ, թերեւս շինուած Ա. Թաղէոս Առաքեալի չարչարանաց տեղերուն վրայ։ Վանքէն քանի մը մէթը հեռուն. դէպի արեւմուտք, պարսպաձև ժայռերու կցուած մլուրի մը վրայ շինուած է փոքր մատուռ մը, ուրտեղ, ըստ աւանդութեան, նահատակուած է Ա. Առաքեալը. այնքան հին շէնք մ'ալ չէ այս, թէև ներկայիս վնասուած և դատարկ։


Իսկ վանքին արեւելեան կողմը, մէկ մղոնէ նուազ հեռուն բարձրացող բլրակի մը վրայ ուր տեղի ունեցած է Ա. Սանդուխտ Կոյսի նահատակութիւնը, շինուած է փոքր մատուռ մը, այժմ անպաճոյն, որու առջեւը կը տարածուի Շաւարշանի դաշտը՝ լայն և ընդարձակ։

Աւելի հեռուն, ամբողջ Մակուի Խանութեան մէջ կը տեսնուին եկեղեցիներու, չինքերու բեկորներ, ու բուրու կը միան իբր կենդանի վկաներ Հայ ժողովուրդի անցեալ փառքին, և ջերմուանդ հաւատքին. որու չնորհի. մեծարուած է Ա. Թաղէոս Առաքեալի և Ա. Սանդուխտ Կոյսի յիշատակը իրենց նահատակից հաւատացեաներու հետ. վերոյիշեալ որբակերտ Վկայարաններով։

Ա. Թաղէոս Առաքեալի Վանք, կամ Առագ Վանք անունով ունինք նաև ուրիշ շատ հին վանք մը՝ Բարձր Հայքի այժմեան կամախ գաւառին մէջ. նոյնը կը կոչուի նաև Լուսաւորչի Անապատ, և կը համարուի հիմնուած թլլալ 35 թուականին, Ա. Թաղէոս Առաքեալի ձեռամբ, ու նորոգուած աւելի վերջը՝ Ա. Լուսաւորչի կողմէ։



Ա. ԳԵՂԱՐԴԱՅ ՎԱՆՔ—ԳԵՂԱՐԴԱՅՈՒԹ



Բ.

## Ս. ԳԵՂԱՐԴԱՅ ՎԱՆԻ

ԿԱՄ

## ԱՅՐԻ ՎԱՆԻ



Հայ Եկեղեցւոյ նուիրական և անփոխարինելի աւանդներէն մին, Ս. Գեղարդը, որով Փրկիչը խոցուեցաւ Խաչին վրայ, իր ժառանգութիւնը եղած է շնորհիւ Ս. Թաղէոս Առաքեալին, զոր, համաձայն վկայութեան մեր պատմագիրներու, բերած էր նա իր հետ, և անով գործած մեծ հրաշքներ և բժշկութիւններ։ Իր գերհնական ոյժը ծածկուած չի մնաց, և ատեն մը վերջ մեծարանքով դրուեցաւ իր յատուկ անունով ծանօթ Գեղարդայ Վանքի գլխաւոր խորանին մէջ, մասնաւոր արծաթէ պահարանով, որը՝ ըստ արծանագրութեան, նուիրուած է 1286 թուականին, Պուշ Խշխանի կողմէ։ Յայտնի չէ՛ թէ որոշապէս ո՛ր թուականին Ս. Գեղարդը բերուեցաւ նոյն վանքը։ Ըստ Վարդան Աշխարհազրին ԺԴ դարուն պէտք է ըլլայ. նոյն տշխարհագիրը կը գրէ թէ Հայոց Քրիստոնէութիւնը ընդունելու առաջին դարերը այդ տեղը կը կոչուէր Այրեաց կամ Այրի վանք, ըլլալով հրաշալի կերպով կոփուած և կերտուած քարլայրներու մէջ, Այրարատի Մաղաղ գաւառի (Գեղամաշէն) Գառնի կամ Գեղարդանորի մէջ, որ կը պատկանի Այժմու երեւանի Նահանգին։

Վանքը շրջապատուած է բրգաձեւ պարիսպներով, և իր հիւսիսային ու արեւմտեան կողմերը կը հանգչին բարձրաբերձ ապաւամեներու վրայ ։ Ամբողջ մենաստանը կը բովանդակէ ժամատուն մը, տաճար մը, և հինգ վիմափոր մա-

տուռներ, որոնց բոլորը կը կազմեն եօթը Եկեղեցիներ, քառասուն խորաններով ու սեղաններով։ Գլխաւորը, որու ձեւը Տիւպուա հնագէտը կը նկատէ Մաւրիանական, ժամատուննէ, շինուած 1214 թուականին՝ Զաքարիա և Խւանէ Հայ իշխաններու և անոնց որդւոց՝ Շահնշահի և Աւագի ձեռքով։ Բուն Եկեղեցին կամ Տաճարը երկար է և քառակուսի, որու կեղրոնին վրայ կը բարձրանայ անսիւն Կաթողիկէն, որմէ միայն կը թափանցէ լոյսը Տաճարին մէջ։ Հոս է որ պահուած էր Ս. Գեղարդը։

Յովհաննէս Պատմաբան Կաթողիկոսը կը վկայէ թէ ատեն մը հոս բնակած է Տ. Սահակ Հայրապետը։ Կը հետեւի թէ. իր բուն հիմնադրութեան թուականը թէև ճշգապէս ո՛չ յայտնի, այս վանքը եղած է Հայոց հնագոյն վանքերէն մին, ուր բնակած են միաբաններ և ճգնաւորներ։ Ս. Սահակէն սկսեալ մինչեւ իններորդ դարը և աւելի, չկայ ու է արձանադրութիւն վանքին մէջ։ բայց ԺԲ. ՊԴ դարէն ասդին նա արդէն յայտնի է իբր պայծառ և շէն վանք։ ԺԲ. ՊԴ դարուն վերջը Լէնկթիմուր աւերեց և կողոպաեց այս վանքը, իսկ Ժէ դարուն, 1605 թուականին նշաւակ եղաւ ան Շահարաս Պարսիկի արշաւանքին։ Երեւանի մեծ երկրաշարժին, 1684 թաւականին վանքը քանդուած էր, բայց քանի մը դար վերջը վերանորոգուեցաւ։ Ֆրանսացի ուղեւոր Թավէրնիէ 1655ին, ապա Ճէմիլլի Խտալացին 1694ին, Մօրիկ Անդիլացին 1813ին, Քըր Փօրթիր և Մօնթիթը Անգլիացի Զօրավարը 1819ին, և վերջապէս Տիւպուա Զուլցէրիացին 1834 ինայցելած են վանք, նկարագրած, գծագրած են յատակաձեւը և քանդակներու պատկերները։

Այս վանքը ունեցած է նշանաւոր Միաբանութիւն, և բաւական մեծ թուով վիճակներ և գիւղեր, որոնց մասին գրած է Սիմէռն Կաթողիկոսը իր Զամբռ անուն գրքին մէջ։ Այժմ վանքը անշուք է և անխնամ։ Իսկ Ս. Գեղարդը վիխաղրուած է ու կը պահուէ Էջմիածնայ մէջ։



## Ս. ԹԱԴԵՈՍ ԵՒ ԲԱՐԹՈՒՂԻՄԵՈՍ ԱՌԱՔԵԼՈՑ ԵԿԵՂԵՑԻ

ԵԿՆԻ ԳԱԲՈՒԻ




**Պօլսոյ և արտարձաններու քառասունէ աւելի Եկեղեցիներէն մին, Եէնի Գաբուի մէջ, նուիրուած է մեր Ս. Թագէոս և Բարթողիմէոս Առաքեալներու, և միւսը, Բումէլի Հիսարի մէջ, Ս. Սանդուխտ Կոյսի անունին:**

Եէնի Գաբուի Դուրսը հիմնուած է Ս. Առաքելոց Եկեղեցին, փայտակերտ, միջակ մեծութեամբ, 1846 թուականին, Ապրիլ ամսոյ 6ին. հիմնարկէքը ըրած է Տ. Մատթէոս Պատրիարք: Այս թաղը այն ատեն ունէր իր գուռները որոնք կը փակուէին ամեն գիշեր, և այս պատճառաւ տեղւոյն հայաշատ բնակչութիւնը անակնկալ պահու մէջ իր հոգեւոր պէտքիրէն զրկուած կը մնար, չկրնալով հաղորդակցիլ Մայր Եկեղեցւոյ հետ: Այս եղաւ գլխաւոր պատճառը վերոցիշեալ Եկեղեցւոյ շինութեան, որ աւարտեցւու նոյն տարին Յունիսի 9ին և օծուեցաւ 18ին, նոյն ~Տ. Մատթէոս Պատրիարքի ձեռամբ:

Այս կը հաստատէ Եկեղեցւոյ ճակատին վրայի վիմափոր արձանագրութիւնը.

«Ողբամութեամբն Աստուցոյ կառուցաւ Տաճարս այս Սուրբ, յանուն Արքազան Առաքելոցն Թագէոսի և Բարթողիմէոսի, ի Պատրիարքութեան Տ. Տ. Մատթէոսի Սրբազան Արքեպիսկոպոսի և ազգասէր Պատրիարքի Կ. Պօլսոյ արգեամբք Աստուածասէր Ժողովրդեան, յամի Փրկչին մերոյ Յիսուսի Քրիստոսի 1846 Յունիսի 9:»

Նախկին շինուածքը նորոգութիւն մը կրեց քսան տարի վերջը, 1886 թուականին: Կը յիշուի թէ նախապէս արգելք



Երեսն նախա Ս. Թադէոս Եւ Բարթողիմէոս Առաքեալներու Եկեղեցւոյ Գաբուի մէջ գտնուած է առաջնական մասը:



ԱԽԱԳ ԽՈՐԱՆ Ս. ԱՌԱՔԵԼՈՅ ԵԿԵՂԵՑԻՈՅ ԵԷՆԻ ԳԱԲՈՒԻ

ԱԽԱԳԵՐԵՑ

Տ. ԱՐԻՍՏԱԿԵՄ ԲԱՀԱՆԱՅ  
ՎԱՐԺԱՊԵՏԵԱՆ

ՈՒՐԱՐԱԿԻՐ ԴՊԻՐ

Վ. Մ. ԽԱԶԻԿԵԱՆ  
Վ.ԵՄ-Խ.Ա.Զ

Դրուած էր հոն կատարելու ամենօրեայ պաշտամունք. արտօնութիւն կար միայն կատարելու մկրտութիւն, պսակ, յուղարկաւորութեան պաշտօն. բայց ապա տակաւ, անշուշտ իր բարեպաշտօն Աւագերէցին՝ Տ. Խաչատուրի, և բարեպաշտ թաղեցիներու ջանքերովը արգելքը վերցաւ, և սկսաւ պաշտամունք կատարուիլ անխափան:

Եկեղեցւոյ չէնքը ճակատէն դիմելով բաւական զարդարուն է, բայց քովմտի կողմերէն՝ անհամագիր. աշ կողմի պահարանը քանի մը անդամ աւելի մեծ է ձախ կողմինէն, և մինչդեռ իր երեք կողմերը պարսպապտա պարտէզի մը մէջ առնուած են, իր հարաւակողմը, պահարանին մասը, առանց պատի կ'եղերէ արտաքին փողոցը, դիմացը ունենալով փայտաշէն տուները:

Եէնի Գարու իր ամբողջովին փայտաշէն տուներովը Պոլոյ մէջ միակ թաղն է որ մեծ հրդեհներու թատերավայր եղած է: Աննշան չէր այդ հրդեհներու վերջինը՝ որ 1916 ի Դեկտեմբեր 30 ի Ուրբաթ օրը ծագեցաւ և մոխիր դարձուց թաղին մնացած տուներուն կարեւոր մէկ մասն եւս: Հրդեհը որ աղեղի մը ձեւով ծաւալած էր ամբողջ Եկեղեցին շուրջը, ոչնչացուց բոլոր չէնքերը, բայց Եկեղեցին այդ բոցերուն մէջ, հրաշալի կերպով մնաց անվտանգ:

Եկեղեցւոյ ներքնակողմը սիրուն է, բայց շատ լուսաւորուած ըլլալով մեծ պատուհաններով, չի՛ տպաւորեր այն խորհրդաւոր ազգեցութիւնը զոր կրնանք ունենալ նուազլուսաւոր եկեղեցիներու մէջ, ուր խորանը աւելի՛ կը լուսափայի մոմերու լոյսով: Իր ներքին լայն ճակատին վրայ կը տեսնուի Աւագ Խորանը շատ լայն, և քովմտի երկու խորանները՝ բազդատարար շատ փոքր միջոցներու վրայ անջատուած: Աւագ Խորանը այդ ընդարձակ ճակատին կեդրոնը, կ'ընծայէ ճաշակաւոր երեւայթ մը: Պատկերով մը կը ներկայացնենք նոյն Աւագ Խորանը. հոն աշ կողմը կանգնած կը տեսնուի Աւագերէց Տ. Արիստակէս Քահաննայ Վարժապետեանը, և ձախ կողմը՝ ներկայս Երկասիրողը՝ Ուրարակիր:

Ճակատի ճախակողմեան փոքր խորանը նուիրուած է

Ս. Թագէոս և Բարթուղիմէոս Առաքեալներուն . հոն դրուած է անոնց պատկերը . որ կը յիշեցնէ անոնց Օթեաց Խաչի հանդիպումը և տեսակցութիւնը , Ս. Թագէոս նստած Դաստառակի պատկերին մօտը , իսկ Ս. Բարթուղիմէոսը ոտքի վրայ . Տիրամօր հարազատ պատկերը բոնած :

Աջ կողմի խորանը Ս. Կոյսի Աւետմանն է , համադիր միւսին , ուր կ'երեւի նոյն Խորհուրդը ներկայացնող պատկերը : Ս. Առաքելոց , ինչպէս նաեւ Աւետման այս պատկերները ճաշակաւոր են և գեղարուեստական , թէեւ չեն նշանաւոր Նկարիներու գործեր :

Դասին աջ կողմը կայ շատ փոքր պահարան մը որ խորան չունի . իսկ ձախ կողմը՝ բաւական մեծ պահարան մը , որու Աւագ Խորանը նուիրուած է Ս. Վարդանանց Զօրավարաց յիշատակին , և կը կրէ անոնց վերջին օրհնութիւնը ներկայացնող պատկեր մը՝ անարուեստ : Այս պահարանին մէջ , Մկրտութեան Աւազանին քով կը տեմնուի քանդակաւոր փայտէ շրջանակի մը մէջ՝ Խնդրակատար Ս. Աստուածածնայ պատկերը՝ նիրհող Մանուկ Յիսուսը գրկին , ներկայացնուած ա'յնչափ բնական և սքանչելի , որ դիտողին սրտին կը խօսի ու կ'ազդէ : Այս մէկ անստոգիւտ գործն է Ումէտիկի , այդ ճարտար և չնորհալի Հայ նկարչին , որու կարեւոր աշխատութիւնները հիացում կ'ազդեն Սկիւտարի Ս. Խաչի , Ս. Կարապետի , Բերայի Ս. Երրորդութեան , և գեռ ուրիշ եկեղեցիներու մէջ :

Խնդրակատարի պատկերը նկարուած 1853ին , ընտիր հնութիւն մը թէեւ , բայց պատտառը ճաթրուած ու մաշած ըլլալուն այլեւս չպիտի կրնայ տոկալ երկար ատեն : Այս պատկերը իր շրջանակովը լուսանկարուած է և արտատըռուած գրքիս սկիզբը :

Բայց ի՞նչ որ կը նուիրազարդէ այս եկեղեցին , և արժանի կը դարձնէ զայն ուխտավայրի , մեր երկու Սրբազն Առաքեալներու , ինչպէս նաև կենաց Փայտի և ուրիշ ինը Սուրբերու նուիրական մասունքներն են , որոնք խնամքով

ամփոփուած են երկու արծաթեայ նրբակերտ Խաչանօմներու մէջ :

Նոյն Խաչանօմներէն մին , մեծը , իր կեղբոնի վարդապակ արծաթ շրջանակաւոր ապակիին տակ , որու շուրջը արծաթէ ճաճանչներ կը ճիւղաւորին խաչանման ճառագայթումով , կը պարունակէ Ս. Թագէոս և Բարթուղիմէոս Առաքելոց մասունքները , հետեւեալ արձանագրութիւնով . քելոց

« Զհրաշագործ Սուրբ Մասունս ետ յիշատակ նորապսակ Ս. Եկեղեցւոյս եէնի Գարուի՝ Սրբազն Տէր Մատթէոս Ազգասէր Պատրիարք Կոստանդնուպօլսի , 1846: »

Փոքր են այս մասունքները . Ս. Թագէոսինը աւելի՛ փոքր , ամրացած արծաթէ երկու փոսիկներու մէջ : Այս սրբանօթը նուիրուած է 1846 Յուլիս 21ին , « Ի յիշատակ Ալանամանի Յակոբի Որդի հանդուցեալ Զարիքի , և արեւշատութեան Սուլլիսամին : » Ս. Առաքելոց խորանի պատկերին մէջ , նոյն խորանին վրայ լրուած կը տեմնուի այս սրբանօթը :

Միւսն է արծաթեայ նրբակերտ , քառաթեւ ճաճանչաւոր Խաչ մը , որուն վրայ ագուցուած տասներկու պտուակաւոր խոչորացյցերու տակ , մասնաւոր պահարաններու մէջ ամփոփուած կը տեմնուին տասներկու Սրբազն Մասունքը ներիրենց անսուններով : Մին շատ փոքր մաս մ'է կինաց Փայտէն , միւս երկուքը՝ գարձեալ Ս. Թագէոս և Բարթուղիմէոս Առաքելոց մասունքները , աւելի՛ մեծ . ապա ութը մասունքները՝ Ս. Գրիգոր Լուսաւորիչ , Ս. Կարապետ . Ս. Յակոբ Մծնայ , Ս. Մարկոս Աւետարանիչ , Ս. Կոեմայ Հայրապետ , Ս. Գեւորգ Զօրավար , Ս. Մարտուգէ ծզնաւոր , և Ս. Ղունկիանոս Հարիւրապետ վերտառութիւններով , բոլորը անջատ իրաբմէ , և հատ մը ևս , Խաչի գագաթինը , որու արձանագրութիւնը անընթեռնելի կը մնայ ջրօրհնէքի խոնաւութեան հետեւանքով : Պատկերին մէջ Աւետարան Խորանին վրայ դրուած կը տեմնուի Զարագալական մէջ Աւետաման Խորանին վրայ դրուած կը տեմնուի Զպուխճեան Ռսկերիչ Քերովըէի կողմէ :

Ծատ վայելչադիր յարմարութեամբ խաչագարգուած այս սուիրական մասունքները իրապէս չնորհն ունին հոգեպարար

ազգեցութիւն գործելու՝ բոլոր հաւատացեալներուն վրայ, երբ անոնք սիրեն ճանչնալ Սուրբելու կեանքը, կրած զոհողու-  
թիւնները, նուիրումը, և փափաքին մօտենալ նոյն մասունք-  
ներուն՝ մեծարելու համար անոնց յիշատակը։ Անոնք, ան-  
շուշտ կը վարձատրուին փոխադարձաբար, իրենց հաւատքի  
շափով։

Ասոնք են այս Եկեղեցւոյ նուիրական յիշատակելի  
աւանդները (\*): Եկեղեցին ունինակ բաւականաչափ զգեստ-  
ներ, անօթ և գոյք, նախապէս արդիւնաւորուած հանդուց-  
եալ բարեյիշատակ Տ. Խաչատուր Հօր Հնորհիւ, որու կեն-  
սագրութիւնը կուտանք յաջորդ գլխոյն մէջ, և աւելի  
վերջը պատշաճօրէն բարեղարդուած Եկեղեցասիրաց Միու-  
թեան կողմէ, որ կազմուեցաւ հոն ութը տարի առաջ,  
աշակցութեամբ ծերունազարդ Քարոզիչ Տ. Եղիշէ Ծ. Վ.  
Գալֆայեանի. և մշտաջան նուիրումով մը նորոգեց Եկեղեց-  
ւոյ ներքին ճակատը, օժտեց Եկեղեցին նոր պատկերներով,  
ջահերով, կանթեղներով, գորգերով, ծածկոցներով, շապիկ-  
ներով, նոր գոյքերով, և շինել տուտաւ գաւիթի երկու պատ-  
կերներուն համար զոյգ մը գողարիկ խորաններ։ Անմոռա-  
նալի կը մնայ նոյն Միութեան Ատենապետ Պ. Միհրան  
Մուրատեանի յիշատակը այս բարեղարդութեան գործին մէջ։  
Նա մասնագիտաբար ասեղնագործել տուտաւ Դպրաց նոր շա-  
պիկները, և աշխատեցաւ օժտելու նակ կէտիկ Փաշայի Ա.

(\*) Եկեղեցւոյ պատկերներուն մէջ կ'արժէ յիշատակել հե-  
տեւալները.


Տիրամայրը Մանկիկով (Միւռիլո), մեծապիր, Խ. Յ. Մուրատեան  
4882.


Տիրուհին, Գոքրադիր, նուիրուած նկարիչ Գր. Կ. Գըլըճեան,  
1913.

Նոջումն Քրիստոսի, Գոքրադիր, նուիրուած նկարիչ Ո. Զաքար-  
եանէ, 1894.

Դաւիթի երկու պատկերները՝ Ամենափրկիչը (1914), և Տիրամայրը  
Մանկիկով (Սասօֆէռբաթօ), 1913, նկարուած վաղամեռիկ նկարիչ  
Ուուբէն Սերուբեանի կողմէ։

Յովհաննէս Աւետարանիչ Եկեղեցին ծանր շապիկներով, որոնց  
իւրաքանչիւրը իր վրայ կը կրէ Առաքեալի մը պատկերը  
ասեղնանկար։ Աւա՛ղ որ այս բարի երիտասարդը՝ որ այսպէս  
նուիրուած էր Եկեղեցւոյ ծառայութեան, ուրիշ շատերու  
հետ, վերահաս աղէտալի պատերազմին սկիզբը՝ 1916ին,  
ինկաւ տեղական զինուորագրութեան ճիրաններուն մէջ,  
և անմիջապէս իրը աւելի տարագրուեցաւ Սնատոլուի  
ներսերը, Նիյտէ, բար կոտրելու և ձամբաները շինելու հա-  
մար. և այդ չարաշար աշխատութեան տակ ընկճուած, հի-  
ւանդացաւ շուտով, և մահացաւ այդպէս պանդուխտ և  
բազմակարօտ, իր սիրելիներէն շատ հեռուն։ Էլլալով իր  
մտերիմ բարեկամը պարտք կըզգամ՝ յիշատակելու իր  
անունը ներկայ գործին մէջ, իր մին՝ մեր Ս. Առաքելոց  
Եկեղեցւոյ բարեղարդութեանը համար բոլորանուէր սիրով  
աշխատողներէն։





## ԲԱՐԻ ՄՇԱԿ ՄԸ

Տ. ԽԱՉԱՏՈՒՐ Ա. ՔԱՀԱՆՅԱՅԻ Տ. ԳՈՐԾՎԵԼԵԱՆ

1859-1899



**Մեր Ս. Առաքելոց Եկեղեցւոյ շնչի մասին այստիգ մը խօսելէ վերջ յարմար կը նկատենք յիշատակել հոս կեանքք անոր հոգեւոր պատկառելի մէկ պաշտօնեային, որ երկար ատեն սատարած է անոր շինութեան և պայծառութեան, և անոր գովելի մէկ զարդը հանդիսացած։ Տ. Խաչատուր Աւագ Քահանայ Տ. Գործրիէլեանն էր այն՝ որ պաշտօնավարեց հնա ձիշդ քառասուն տարի, հանդիսանալով իր ժամանակակից քահանաներու ամենէն բարին, առաքինին, և բարեգործը, ինչպէս կը վկայեն շատերու հետ, նաև իր մահուան առթիւ իր վրայ գրող թերթերը, որոնցմէ լրացուցինք ներկայ կենսագրականը։ (Բիթլանդիոն 20-21 Յունվար 1899, և Արեւելք, նոյն թուակիր։)**

Նա եղաւ Առառնելոյ Տաճարին մէջ՝ ինչ որ է պարկեշտ և առաքինի կինը իր ընտանիքին մէջ։ Որդին էր՝ Մայր Եկեղեցւոյ Լուսաբարապետ Տ. Գործրիէլ Քահանայի, նախնական ուսումը առած Եէնի-Գաբրուի վարժարանին մէջ, որուն ի վերջոյ կառավարիչը եղած էր։ Ապա, երեսուն և հինգ տարեկանին, 1851ին, թաղին Ս. Առաքելոց Եկեղեցւոյն մէջ քահանայ ձեռնադրուեցաւ վեց ընկերներով, ձեռամբ Աղրիանուպօլսեցի Տ. Սարգիս Արքեպիսկոպոսի, որ աւելի վերջը Պատրիարք եղաւ։ \*

Տ. Խոչատուր Քահանան իր այս առապարէղին մէջ ծառաշեց մեծ նուիրումով։ Մեծ ուսում չունէր ան, բայց իր կոչումին գիտակցութիւնով և հոգեւոր արթնամոռութեամբը առաջ անցաւ անոնցմէ իսկ՝ որոնք համրաւ շահած էին իբր գիտուն կամ բանասէր. և գերազանցեց զանոնք՝ ըլլալով բարեսէր, և քարոզիչ եղաւ արդիւնարար գործերով։ Նա գրասէր էր միանդամայն, և լաւ քարոզող։

Բնութեամբ հեզ, հին բարի Քրիստոնէի հիանալի տիպար մ'էր. մեզմ շարունակ իր խօսքերուն և խորհուրդներուն մէջ, իր խաղաղաւէր ոգիովը միշտ հաշտարար դեր ունէր հոն՝ ուր հարկ կզգար միջամտել։ Ոգելից ըմպելի չէր գործածեր, որով և զերծ կը մնար անոր անպատճենութիւններէն, և այսպէս իր հանդարտ խառնուածքովը կրցաւ շատ առաքինութիւններ փայլեցնել իր վրայ։ Նախ եղաւ անշահասէր. եթէ քիչ մը շահը վնատէր՝ դիւրաւ պիտի կրնար ինչքի ու դիրքի տէր ըլլալ, օգտագործելով իր բարի համբաւը, ինչպէս կ'ընէին իրեն ժամանակակից ուրիշներ։ Բայց ան հեռու էր նիւթը պաշտելէ, ու նոյն իսկ չէր զգածուած երբ մէկ երկու անգամ իր ունեցած քիչ մը բանն ալ գողցնել տուած էր։

Նշանաբանն էր միայն բարիք գործել, և այս՝ բացարձակապէս ծածուկ, կարծես վախնալով որ մի՛ գուցէ աշխարհի վրայ գովեստով հատուցում առնելով այլեւս յուսալիք բան մը չունենայ Յաւիտենականութեան մէջ։

Իր առաքինութիւնը վերացական չեղաւ, հապա գրական։ Քրիստոնէութեան կենդանի գործին էր՝ որ ըմբռնած էր առօրեայ կեանքի մէջ կիրարկել Քրիստոսի պատուական վարդապետութիւնը՝ «Սիրեցէ՛ք Զմէմիանա», » առանց երբէք մեկուսանալու ամուլ միադիքականութեան մէջ։ Ան կը բարեգործէր որոշ նուիրումով, անկեղծ սիրով համակուած դէպ իր ժողովուրդը, դէպ իր ժողովուրդի աղքատ դասակարգը, զոր բարելաւելու համար ջանք չէր ինսայէր, որով և արժանացած էր նոյն ժողովուրդի խոր սիրոյն, և եղած ժողովըր-

դական։ Եթէ մօտենար հարուստներուն՝ զորոնք չէ՛ր տտեր, օգնութիւն խնդրելու համար էր ա՛յն աղքատներուն համար՝ որոնց խնամքն ստանձնած էր. առաջիններէն առածովը վերջինները կը հոգար ու կը դարմանէր, առանց բան մը վերապահնելու իրեն։ Մանաւանդ տօնական օրերուն՝ Ծնունդին, Զատկին, ան կ'այցելէր աղքատներուն տնօրհնէքի, միշտ պահած ունենալով իր երկար վերարկուին առա անոնց համար լեցուն տոպրակ մը, որու պարունակութիւնը աւելի՛ տպաւորէ կ'ըլլար օրուան տօնի մասին քան այն նշխարները՝ որ կը նուիրուէին այսպիսի առիթներու մէջ։ Անգամ մը Զատկի առաջին օրը պատահեցաւ աղքատ ննջեցեալ մը. Տ. Խաչատուր իսկոյն յետաձգած իր տնօրհնէքները, փութաց գայելչապէս կատարելու կարգը, և հետիւնտն գնաց մինչեւ Պալրդի՛՝ ամփոթելու համար ննջեցեալը իր գերեզմանին մէջ։

Տ. Խաչատուր առիթ չէր փախցնէր բարիք գործելու. լրիկ մնջիկ կ'այցելէր հիւանդաներու, կարօտեալներու, արկածեալներու, պաշտպան կը գտնէր աղքատ ուսունողներու և որբերու. ուր որ տառապեալ մը կար՝ նա պիտի գտնէր զայն պիտի օգնէր անոր, և եթէ չկրնար՝ գոնէ պիտի մը խիթարէր, և իր բոլոր ըրածները մարդ չպիտի իմանար։

Իր սիրած գործերէն մէկն էր նպաստի հանգանակութիւնը Ազգ. Հիւանդանոցի համար։ Նա ուխտած էր շրջիւ անձամբ այս բանին համար ամեն տարի, և ի քաջալերութիւն նուիրատուներու, նա փոլթ ունէր հրատարակել տալու անոնց անունները։ Իր անունը արձանագրուած է Ազգ. Հիւանդանոցի բարերարներու ցանկին մէջ։ Նոյն հաստատութեան անունով Եէնի Գարուի մէջ եւս չինել տուած է փորիկ ապաստանարան մը, ուր մինչեւ այսօր ձրիաբար կը բընկին տնանկ աղքատներ։

Իսկ թէ ո՞ր աստիճան գիտակից էր իր հոգեւոր պարտականութեանը՝ կ'արժէ յիշատակել։ Քառասուն տարի ամբողջ ան պաշտօնավարած էր իր Եկեղեցւոյն մէջ խղճի մը տօք, իրը փործաւու Խոստովանահայր իրատելով իր հօտը։ Առանց մոլեւանդ մը ըլլալու՝ երբէ՛ք չթերացաւ ան իր պատօնին մէջը, միալով պինդ պահանող Եկեղեցւոյ կարգ ու կանոնին։ Իր կարեւոր յորդորներէն մին էր՝ շուտով մկրտել տալ նորածին երախաները, առանց այս կամ այն նկատումով Ա. Օծումէ զուրկ պահելու։

Հաւատարիմ էր իր պաշտումունքի ժամերուն. նա այդ ժամերը վերապահած էր բացարձակապէս Աստուծոյ պաշտամունքին, և աշխարհիկ ո՛չ մէկ բան չէր կրծատել կամ խափանել այդ պահերը: Կը յիշուի թէ իր տանը այրելուն յաջորդ առաւօսն իսկ ան՝ առանց դոյջն վարանումի գայած էր Եկեղեցի՝ ժամերգութիւնը ընելու: Եւ այսչափ օրինապահ քահանայ մը որ ամենալայն չափով նուիրուած էր իր Ո.զգին և Եկեղեցւոյն պէտքերուն, զարմանալի է թէ կրցած էր նաև պէտք եղածին պէս ինամել իր բազմանդամ ընտանիքը՝ տասը անձէ բաղկացած:

Իր մահուրնէն տարի մը առաջ առողջութիւնը խանգարուեցաւ. իր առաքինի բնութեանը ներհակ ըլլալով պատահած երկու դէպքերու հետեւանքով: Ասոնց մին եղու գայթակղալի ծեծկուուք մը որ տեղի ունեցած էր Հոգեգալստեան տօնի օրերուն այնտեղ, քահանայի մը՝ և լուսարարին հետ, և որու միջամտած էր: Իսկ միւսը՝ աւելի վերջը երեկոյ մը Եկեղեցւոյ մէջ հոգեւոր պաշտամունք կատարուած չըլլալն էր, երբ ինքը շատ հարկեցուցիչ պատճառով մը թաղէն բացակայ մնացած էր բացառաբար:

Այս երկրորդ դէպքէն ան զգածուած էր վերջին աստիճան, որովհետեւ շլուած անպատճութիւն մ'էր այդ իրեն համար. առաջին անգամ պատահած իր քառասնամեայ պաշտօնավարութեան շրջանին մէջ:

Այս խաղաղատէր և պարտաճանաչ քահանան, որ երկար ատեն գարդը գարձաւ իր Ս. Եկեղեցւոյն, արժանացած էր հոգեւոր մեծարանքի: Ստացած էր լանջախաչ էջմիածնայ և Աղթամարայ Հայրապետներէն, և արտօնուած կրելու ծաղկեայ փիլոն:

Իր վերջի օրերը ենթակայ եղաւ ջղային դրութեան խաթարումի, և ապա ջրգողութեան: Եւ գարձեալ իր այս տառապալի վիճակին մէջ, անիկո՞ անշուշտ անդրադառնալով իր պարտաճանաչ անցեալին, կը «իրէր անսրտունց՝ օգնութիւն հայցել իր Աստուծմէն՝ մրմնջելով» «Յիշեա՛, Տէ՛ր, և ողոր-

մեա՛: » Մինչեւ որ լսելի եղաւ իր ձայնը, և շատ չանցած աւանդեց իր մաքուր հոգին առ անձկալին իւր Քրիստոս:


Տ. Խաչատուր Հայրը վախճանեցաւ 75 տարեկան: Յուղարկաւորութիւնը կատարուեցաւ Եշ. 21 Յունվար 1899ին, իր Եկեղեցւոյն մէջ, մեծ հանդէսով, որու Ներկայ էր ժողովուրդի ահագին բազմութիւն մը՝ որ անոր մահուան գոյցէն ցնցուած, փութացած էր կատարելու իր յարգանքի վերջին պարտքը, ողողելով ամբողջ Եէնի Գարուն, և հետեւելով թաղման թափօրին՝ մինչև Գերեզման: Մեծ էր նաև թիւր այս պաշտօնին մասնակցող Եկեղեցականներուն, որոնց մէջ էր բարձրաստիճան դասը ամբողջութեամբ: Պամբանախօսը՝ Տ. Մաղաքիա Պատրիարք գրուատելով հանգուցեալին կեանքը, մաղթեց որ՝ «Տայ Աստուած նաև մեզ նոյն յատկութիւնները, որպէսզի նմանինք այս բարի Քահանային: »

Մարմինը ամփոփուեցաւ Պալըքլը Աղգ. Գերեզմանատան մէջ:

Աւելի վերջը, իր մահուան քառուոնքին առթիւ Տ. Գէորգ Եպիսկ. Երէցեանը՝ նոյն բարի Քահանայի հոգեհանգտեան համար քառասունքի Պատարագ մատուցանելալ Աղգ. Հիւանդանոցի մատրան մէջ, արդեամբ կը նմանցէր զայն նախնի երանելի Սուրբերուն, նիրկայացնելով անոր տիպար կեանքը, հաւատաքը, և սրտի զգացումները:

Եւ մենք արձանագրելով Ա. Թաղէսոս և Բարթուղիմէսոս Ս.աքելոց Եկեղեցւոյ այս բարեպաշտօն և տիպար Քահանային կեանքը, կը հայցենք իր օրհնութիւնը, կրկնելով մեր կարգին Ա. Գրոց խօսքը՝


ՑԻՇԱՑԱԿՆ ԱՐԴԱՐՈՅ ՕՐՀՆՈՒԹԵԱՄԲ ԵՂԻՑԻ



Յ.

## Ս. ՍԱՆԴՈՒԽԻՏ ԿՈՅՄԻ ԵԿԵՂԵՑԻ

ԲՈՒՄԵԼԻ ՀԻՍՍՐԻ



Անդրաման կոյմի Եկեղեցու Պատմութեան համար Ա. Ասմինիս կողին էլեկտրոնային համարը

Պօլսոյ բարձրահայեաց և վայելչագիր եկեղեցիներու մէջ իր որոշ տեղը ունի նաև ա'յն որ նուիրուած է Ս. Սանդուխի Կոյսի անունին, հիմնուած Վասիլի Եւրոպական եղերքը, Բումելի Հիսորի սեպ կողին վրայ: Փոքր է այս եկեղեցին, քարաշէն, պարզ ճարտարապետութեամբ կերտուած՝ փոքր պարտէզի մը վրայ, որու գիրքը կ'իշխէ գըրեթէ ամբողջ նեղուցի սքանչելի տեսարանին: Զունի ու է արձանագրութիւն: հիմնուած ըլլալով անցեալ դարուն վերջերը յանուն Սրբուհի Սանդուխի, 1856ին նորոգ կառուցուած է Տ. Յակոբոս Պատրիարքի օրով, համաձայն Ճանիկ Ամիրայի կտակին, և ձեռամբ Մուպահեածեան Յակոբ Աղայի, և օծուած նոյն տարին Յուլիսի 29ին: Եկեղեցիի շինութեան մասնակցած է ժողովուրդը. Հայ կիներ աշխատած են փախաղերելու Հայոց Գերեզմանատան քարերը՝ որոնց մով կառուցուած է շէնքը: Միջակ բարձրութեամբ, պարզ, կոկիկ և համագիր է իր գիրքը, և համելի է իր տեսքը գուրսէն թէ ներսէն: Ներքին ճակատին վրայ, մարտարէ սեղանին կեղբոնը կը բարձրանայ մինակ Աւագ Խորանը, չունենալով աջ ու ձախ կողմերը փոքր խորաններ: Այդ խորաններուն տեղը ձգուած է սակայն փոքր միջոց մը, որոնց մէ աջ կողմինին վրայ յարմարցուած է չարժական խորանը Ս. Սանդուխի Կոյսին, որու վրայ գրուած է իր իւղանկար պատկերը. գեղանի և չափահաս Կոյս մ'կ հոն ներկայացուածը, մարտիրոսական պսակով զարդարուած: Նուրբ և խնամուած այս նկարը, հակառակ իր եօթանատուն տարուան

հնութեան, մնացած է դեռ գրեթէ անաղարտ: Ուխտաւոր-ները զարդարած են անոր զգեստները ոսկի կամ արծաթ խաչերով, սիրտերով և ձեռքերով:

Փոքր և սիրուն են Եկեղեցւոյ երկու պահարանները, ինչպէս նաև գաւիթը՝ որու մուտքի վանդակապատ դրան վրայ կը տեսնուի նաւալարաց Պաշտպան Ս. Նիկոլայոս Սքանչելագործի մեծադիր պատկերը, բազմած իր Հայրապետական Աթոռին վրայ: Գաւիթին մուտքի ձախ կրողը դրուած է Տիրամօր պատկերը, և աջ կողմը՝ Ս. Թադէոս Առաքեալինը՝ Քրիստոսի Դաստառակով:

Որչափ որ տեղեկացանք, այս Եկեղեցին ներկայիս չունի յիշատակելի նույիրական աւանդ, բայց լաւ պահուած է գիւղին ո՛չ բազմամարդ բնակչութեան կողմէ, որ կը հասա նի ընդամենը 80 տունի: Այս Եկեղեցւոյ մէջ ամենէն հաճելին է ա՛յն օրինակելի մաքրութիւնը՝ որ այս ոքանշելի սրբա-վայրին փայլը կ'աւելցնէ, և այս՝ չնորհիւ արդիւնաւոր կու-սարար Պ. Միքայէլ Սիմոնեանին, որ քսան տարիէ ի վեր այս տեսակ մաքրութեան մէջ պահած է իր Եկեղեցին: Փո-շին գոյութիւն չունի՛ հնն, չկայ աշտանակ մը որ չի շողզո-ղայ, կամ ձորձ մը որ մաքրափայլ չըլլայ: Պարտք մնն է յիշատակել իր անունը՝ այս Եկեղեցիին բարեզարդութեան վրայ խօսուած ատեն, և կ'արժէ մաղթել որ նոյն ողիով հերշնչուին նաև մեր բոլոր Եկեղեցիներու պաշտօնեաները, իթէ կը փափաքին աստուածահածոյ պաշտամունքի ծառա-յութեան մէջ թերացած չըլլալ:

Նիւթական շէնքի մասին այօչափ մը խօսելէ վերջ կ'արժէ որ անդրագառնանք քիչ մ'ալ ա՛յն հոգեւոր ոյժին, այն բարի՛ ազդեցութեան վրայ, զոր կրնայ ստանալ հաւա-տացեալ ուխտաւորը այցելելով այս Եկեղեցին: «Ճունք Քը-րիստոսանուերք միջնորդ են յաղթութեանց,» ըսած է Եկե-ղեցւոյ Հայր մը: Սանդուխտ կոյս, երանելի Մարտիրոսուհին, արթուն կը հսկէ այդ Ս. Տունին մէջ, ու կը ձախնակցի ա-մեն անսնց որ կ'աղօթեն ա՛յն Փրկչին՝ որու սիրոյն նույիրեց

ան՝ անօրինակ եռանդով՝ իր թագն ու մատաղ կեսնքը: Ինձ այնպէս կը թուի թէ անիկա նոյնիսկ Պահապան Հրեշտակի մը նման կ'օգնէ ամեն անսնց՝ որոնք կը յիշեն իր անունը: Զեմ սիրալիր երբ ըսեմ թէ այս բանը պատահեցաւ ինձ, երբ դեռ բնաւ այցելած իսկ չէի իր գողարիկ Եկեղեցին:—

Վերահաս պատերազմի սկիզբը, 1917ի գարնան, ուրիշ ներու հետ նաև ես զինուորական ծառայութեան տակ առ-նուած, մարզանք կը կատարէի Բումէլի Հիսարի բարձունք-ներուն վրայ, արշալոյսէն մինչեւ երեկոյ, այդ բարձրերու սառեցնող քամիին տակ: Կիրակի առտու մը մինչեւնոյն պայ-մաններուն տակ կանխած էինք ընելու չարչարանքի այդ մարզանքը, երբ լսեցի վասփորի համբիպակաց Եկեղեցէն Եկեղե-ցիներու զանգակի գողանջը: Յուզուած էի: առաջին գողա-րին իսկ համարձակ նետուեցայ Զայդուշին առջև, արտօնու-թիւն ուղեցի շուտով իջնելու գիւղ, տեսնելու համար տուն մը՝ ուր պիտի փոխադրուէինք Պօլիսէն, բնակելու համար: Պատրուակ մ'էր այս, ո՛չ յերիւրաւածոյ՝ բայց այլաբանական, որ ճշմարիտ թու ելով այդ խստաբարոյ մարդուն, արտօն-ուեցայ շուտով իջնել վար բարավոյով, և վերադառնալ մինչեւ ցորեկ: Իրականը այն էր որ կը ցանկայի տեսնել Սանդուխտ կոյսի Տունը, որ գիտէի թէ Բումէլի Հիսար կը գտնուէր, Պատարագ լսել և ապաւինիլ այնուհետեւ անոր պաշտպանութեանը: Կարճ չէր ճամբան, բայց ես շատ ուրախ, կը սուրայի բարձունքն ի վար, մինչեւ որ հասայ Եկեղեցի, ուր պարզ զինուորի մը վայրի տարագով, մնացի մինչեւ Ժամերգութեան աւարտիլը, «ր ատեն բաժնուեցայ, առաջին առթիւ վերստին այցելելու ուխտով: Սանդուխտ կոյս լսած էր: շատեր այդ մարզանքներէ վերջ սելզ եղան, իսկ ես գեռ ատոնք չաւարտած, իբր երաժշտագէտ զինուոր՝ յանկարծ կը վերագարձուէի Պօլիս, կատարելու համար բազմապար հան-գիստ ծառայութիւն մը: Երկրորդ անգամ երբ այցելեցի այս Եկեղեցին, արդէն իսկ ազատած էի, և մարդավայել կերպարան քով, Ս. Սանդուխտ կոյսի Տօնախմբութեան մեծահանդէս

Պատարագին երգակցելու չնորհին եւս արժանացած : Այդ օրն էր որ այցելելով նաև վարժարանը , աւելի՛ ուրախութիւն զգացի տեսնելով հոն մանկութեանս օրերու բարեկամ , և արժանաւոր մանկավարժուհի Տիկին Փերրոնէ իշխաշեանը . Կէտիկ Բաշայի Վարժարանէն կը ճանչնայի զայն , երբ դեռ տղայ էի , ապա Եէնի Գարու պաշտօն ստացած էր՝ երբ դեռ այդ թաղը չէն էր և բազմամարդ . և հիմայ նուփրուած էր Ռումէլի Հիսարի նորաբողոջ սերունդի գառափարութեանը : Յարատե՛ւ աշխատաւոր մը մէկ խօսքով , որ արժանի է ամեն յարգանքի , առաւելապէս իր գաստիարակած սոնիկներու կողմէ , որոնց թիւը աննշան չի կրնար ըլլալ :

Երրորդ այցելութիւնն Ռումէլի Հիսար այլեւս տարբեր կերպով , և բարգաւած նպատակի մը համար էր . և այս անգամ ինձ կ'ընկերանար իր լուսանկարի գործիքներովը՝ Եէնի Գարուէն իմ անձնուէր բարեկամս՝ Պ. Գրիգոր Սահակեանը , լուսանկարելու համար նաև այս Եկեղեցւոյ ներքին և արտաքին տեսքը , որոնցմով զարդարուած է ներկայ աշխատութիւնը :


Հայերը այս գիւղին մէջ Եկեղեցիին շինուելէն առաջ ունէին արդէն Գերեզմանատուն մը : Այս Գերեզմանատան մասին Տիկին Փերրոնէն պատմեց ինձ հետեւեալ գեղեցիկ աւանդութիւնը :

Գիւղին համանուն բերդերու շինութեան ատեն , երբ Ֆաթի Սուլթան Մէհմէտ բերդի գրան առջև կեցած մօտէն կը հսկէր աշխատութեանց , կը տեսնէ Հայ բեռնակիր մը , որ կորովի եռանդով՝ հինգ հոգիի վերցնել չկրցած ահագին մէկ քարը կոնակը առած՝ բերդ կը բերէր : Խաթիհ Սուլթանը զարմացած , կ'ուզէ գնահատել յանդուգն բեռնակին քաջութիւնը , և իսկոյն , «Խնդրէ՛ ինձմէ , կ'ըսէ անոր , ի՞նչ որ կ'ուզես :» Գործաւորը չի պատասխաներ , բայց Երեկոյին իր ընկերներուն կը պատմէ եղելութիւնը : «Գերեզմանատան տեղ մը ուզէ ,» խորհուրդ կուտան անոնք անոր : Հետեւեալ օրը բեռնակիրը կը ներկայանայ թագաւորին . «Տէ՛ր Արքայ ,

կ'ըսէ , ինծի պառկելիք տեղ մը տուր :» Սուլթանը կը հասկընայ անոր միտքը . «Շալկէ՛ այդ քարը . կ'ըսէ անոր , ո՛րչափ տեղ որ պատցնես՝ այնչափէ քեզի :» Հուժկու Հայը կը կատարէ հրամանը իր ամբողջ կորովի թափովը , ու կը շահի շուրջ տասը արտավար հոր : Սուլթանը այն ատեն իր ափի նշանը դրումելով կուտայ անոր իր հրովարտակը : Դեռ հոն կը մնայ , կ'ըսեն , մինչեւ այսօր այդ նշանաւոր քարը : Հոն կը շինուի նաեւ փոքր Մատուռ մը խրձիթի նման :

Այդ հրավարտակը ատեն մը վերջ Եկեղիշերի Աղասիի մը քով աւանդ կը գրուի դրամի փոխարէն . դրամը կը վճարուի , բայց հրովարտակը չի վերադարձուիր . «Հայ մը արժանի չէ՛ որ ասիկա իր ձեռքը ունենայ .» կ'առարկէ Եկեղիշերին . ու կ'իւրացնէ : Վերջապէս այդ հրովարտակի հետքը կը յաջողի գանել վեց տարի առաջ տեղւոյն թաղ . Խորհրդոյքարեջան անգամ Պ. Սարգիս Կարապետեանը : Թուրք մը տիրացած է եղեր անոր , որմէ ետ առնելու համար հետապնդում և զոհողութիւն ընկել պէտք կ'ըլլայ , բան մը որ վտանգաւոր կը գառնայ Հայերու համար տագնապալի այդ լրջանին : Այժմ այդ մարդը մեռած է եղեր , և հրավարտակը դարձեալ մնացած անյայտ :





ԽՐԻՄԵԱՆ ՀԱՅՐԻԿ



## ՈՂԲԵՐԳ

Տ. ՄԿՐՏԻՉ Ա. ԽՐԻՄԵԱՆ ՀԱՅՐԱՊԵՏԻ



### ԻՄ ՈՒԽՏ ԹԱԴՔԻ ՎԱՆՈՒՅՑ

«Հայրառութիւն այգւոյն հրեղէն պարիսպ  
եւ բարձր աշանակ, ոսկեղէն բաժակ  
եւ ժիր մատուռակ, Հայաստանեաց Հայր  
հոգեւոր Բարբուդիմեռ եւ Թաղէռս, բա-  
րեխոս լեռով առ Տէր վասն անձանց  
մերց:»

*Շարական*

Ուսայր ինձ քեւ, քեւ արծըւոյ,

Որ բուշի եւ երայի

Ես ի յլրազ եւ Շաւարչան,

Ուրբ թադէի վանի հասնէի,

Ուր վեհապան տաճարին միջ՝

Հանգչին ոսկերի Ուրբ թադէի,

Եւ մօս վանուց մի ասպարէզ,

Կայ մի մատուռ փոփրիկ անշուր:

Անդ կայ տապան հանգստաւուն՝

Ուրբ նահասակ կուսին Սանդուխ:

Ես ուխտ ունիմ, ուխտ ի վաղուց.

Ո՞հ, յկարեմ կատաւել ուխտ,

Եւ ծերացել եմ, ծերացել,

Վասպուրական արծուին երթեմն՝

Այլ եւս թեւարափ և եղել:

Ես կաշկանդուել եմ, կաշկանդուել,

Առանց կապի եւ շղրայի,

Հոգածութիւն հոգիս պատել:

Որ խաչակիր ուխտադիր է՝  
Միք կարե՞ ևս կաշկանդիլ.  
Թէ կաշկանդի մարմին տկար,  
Հոգին եւ միտքն բռչին սպաս:

Պլոյի՛ր, հոգի՛ իմ սիրավառ,  
Արացի՛ր, իջի՛ր թադէի զանի,  
Մտի՛ր ի մուր անդոյս տաճար,  
Վատէ՛ ոն մուր, որ դուն տիսնաս:  
Ո՞ւր է Տապան մեր թադէին,  
Հայոց նախկին Լուսաւորչին:  
Չոփի՛ր ի ծունկ, եւ աղօրէ,  
Թափի՛ արցունի վեր տապանին,  
Դու բարեխօս բռնի թադէն:  
Վասն Հայոց մեր աշխարհին,  
Եւ չարչարուած ժողովուրդին.  
Համբուրելով այն սուրբ շիրին,  
Ա՞ն ոն փափաթղ անձկալից:

Սուրբ Տապանէն ձայն մի եղաւ,  
Զայն բռղով էր իրաւացի,  
Եւ արտառուց դառն զանգաս:  
Թադէն խօսեց գերեզմանէն,  
Հարցուց ինձ բան, թէ «Ի՞վ ես դու.»  
Ասի՛ «Հայոց Հայրիկն եմ ես,  
Եւ անարժան Կարուղիկոս  
Համայն ազգին մեր Արամեան,  
Սուրբ Արոնիդ Արոնակալ:»

Ասաց թադէն թէ՝ «Առափիալ  
Աջուրիս վերէն Արոն ունի.»  
Ունին արոն միայն յերկինս,  
Զոր խոսացեր է մէ զ Գրկիւ.  
Ո՞վ է հնարեր այդ օսար բան,  
Մի՞րէ այսպէս ուսոյց Քրիստու,  
Արոն դնել Մայրաբաղավ,  
Անշարժ նասիլ զեր Արոնին,

Ե՞ զահերուն յափ բարձրանալ,  
Մեր եւս ձգտիլ այնէափ յառաջ,  
Մինչեւ ի Սիս եւ յլողամար,  
Տիրապետն այլոց վիճակ,  
Խնչպէս գրէ առ երիցունս:  
Երեցագոյն Պետրոս եղբայր,  
Մեր հոգեւոր յոննարի պաշօն,  
Ընդարձակել զեր պետութիւն:

«Բ Քրիստոսն յառի՞ն պատուք  
Աշխարհավար յինել հօսին,  
Այլ սոսկ միայն Աւետարան՝  
Է մեր քարոզ եւ մեր պաշօն,  
Եւ Քրիստոս Եկեղեցոյն՝  
Պարզ հոգեւոր Տեսկութիւն,  
Լինել հովի քաջ եւ արուն,  
Հսկել հօսին հաւատացիալ:»

«Եւ ի՞նչ է այն Արոն, Արոն,  
Եւ Մայր Արոն,  
Վեհափառ եւ Վեհարան՝,  
Էշմիածի՞ն, Էշմիածի՞ն,  
Լուսաւորի՛ւ, Լուսաւորի՛ւ,  
Իսկ թադէին համար ո՞չ ինչ,  
Ուսի՞ էր լոյս Լուսաւորին:  
Լոյս ծագեցաւ յերուսաղէմ,  
Ես լոյս առի Լոյս Յիսուսնէ,  
Եւ լոյս տուի Լուսաւորին,  
Մինչ նա անդոյս դեռ մանուկ էր.  
Լոյս ընդունեց ի Կեսարիայ,  
Եւ կրթեցաւ սուրբ հաւատով,  
Ուր Առափիալ էի արդէն:  
Քարոզելով Աւետարան՝  
Ես լոյս տուի Հեթանուին:  
Թէ թադէնս եւ թէ Գրիգոր,  
Խոննարի ծառայք եմք Յիսուսին.  
Զի ասաց նա թէ առանց ին՝  
Զկարէֆ առնել դուի եւ ոչինչ.

Ես չեմ ժիշտր թէ Գրիգորիս  
Մեծավասակ եղեւ յան զիս,  
Չեր Հայրենիք լուսաւորեց:

«Պուրք Սադիմայ Միօն լուսին  
Եղայ եկայ ես ձեր երկիր,  
Խաչի հարօն ես հետս առի,  
Բարրուդիմեն եր իմ ընկեր.  
Զոյց ամողներս ջծուելով  
Մենի հերկեցինիք Հայոց երկիր,  
Բարողեցինիք Աւետարան,  
Եւ ցանեցինիք սերմն բանին,  
Փոխան ջրոց դրախտին գետոց՝  
Ոռոգեցինիք մեր արիւնով:

«Պատուած հանեց Գրիգոր մշակ,  
Որ անեցոյց իմ ցանած սերմ.  
Բա՛ւ թէ նախանձ ունի Թադէն.  
Բայց դու ընկէ՞ր, ո՞վ ազգ Հայոց  
Զիս մոռացե՞ն ես, մոռացե՞ն.  
Էջմիածին շեն ու պայծառ,  
Թադէի վանի՞ աւե՛ր դարձել.  
Ո՛չ շինարար, ո՞չ վանահայր,  
Ո՛չ ժամ ասող, ո՞չ պատարագ,  
Ո՛չ միաբան սօնակատար,  
Ո՛չ ուխտաւոր զան ցերմեռանդ:

«Եջմիածին ջահեր վառին,  
Իսկ իմ սահար մրագ չունին.  
Գերեզմանիս կանքեղ շիշած,  
Չկայ լուսար որ վառէ զայն:  
Լո՞յս տոշի ֆեզ, ո՞վ ազգ Հայոց,  
Դու իմ սահար խաւա՞ր բողուս.  
Տաճարն իմ չէ՛, Ասուծոյն է,  
Զոր կանգնել են նախնի սուրբ Հարժ:  
Ասուծոյ տուն մնացել անտէր,  
Եւ աղաւնիք բոյն են դրել.

Երե մայ այսպէս անշկն,  
Ո՛հ յիշատակ իմ կորհիք,  
Եւ Հայք մոռանան ըզ Թադէն:

«Քրիստ, ո՞վ դու Հայոց Հայրեկ,  
Տա՛ր իմ բողով Հայոց ազգին,  
Պատմէ՛ ինց որ աչխով տեսար,  
Իմ Թադէի վանուց վիճակ:  
Ես խոռվեալ եմ, խոռվեալ,  
Մի՛ վրդովիր իմ գերեզման:

Վրդովիցաւ եւ իմ հոգիս  
Եւ դառնապէս բացի ուժգին.  
Եւ փարեցայ սուրբ Տապանին,  
Համբուրեցի, համբուրեցի.  
Եղայ սիուր ի տաճարէն:

Պողի ապա Թադէի վանի,  
Գնացի մայ փոքրիկ մատու.  
Սուրբ նահատակ Կուսին Սանդուխս,  
Որ ի միջի վկայուիեաց  
Նա առաջին Ասուծու վկայի է՝  
Զոր Սանատորի ամբարիչը հայր  
Ծղրայակապ մասնեց ի բան:

Ասին թէ մի պատեհ ժամու  
Դնացի Թադէն սանիկին այց,  
Համբուրելով համբուրել է  
Կուսին շղրայն սուրբ շրբունով,  
Խրախոյն սրւեր Սանդուխս Կուսին  
Ալեքսէր և հարսնանիքան օր՝

«Ես հարսնաւէր իմ վեսային.  
Քո վիսայն և Յիսուս Փրկիչ,  
Առագաստն և լուսոյ երկինք:

«Զօրացի՛ր դու զերմ հաւատով,  
Թող նո մարմին շորայն պեղկ,  
Հոգի ազա վերաբեւէ,  
Երբայ խառնի լոյս երամին:»

Սանդուխս սանիկ ուրախացաւ,  
Հոգին հրձուեց ու զօրացաւ,  
Թէ մօս եր իւր հաւանութեան օր,  
Խաւար բանեկն եղել ի լոյս,  
Երկնից խորան և հաւաներուն,  
Որ խուցեալն եր հաւատով,  
Եւ հաւանածուն եր մադես:

Սանդրանիկ կոյսն մարտիրոս  
Դլուխն ծածկեց կարմիր քողով,  
Որ ՚սի լիներ խաչելոյն հաւան.  
Խայի արիւն եր զարդարան,  
Բոնրազեղ եր հանդերձան:

Այլ երբ մտաւ երկնոց դարպաս  
Քողն ի զյսեն առին հրեշտակ.  
Կուսին երես փայլեց պայծառ,  
Ինչպէս հովտին Շաւարշանայ՝  
Ծաղկեալ շուշան սպիտակախայլ:  
Որ քազուիին եր տան Հայոց,  
Սանդուխս եղեւ երկից դժխոյ:

Թաղէն զշրայն զայն համբուրեց,  
Ես ինձ մնաց կուսին տապան.  
Ես գրեցի այն սուրբ շիրին,  
Համբուրեցի լի անձկանօֆ.  
Ասի նաեւ ուխս իմ լցաւ,  
Ոիրս ու հոգիս բող մնայ աս.  
Ուխսեմ չմոռնալ մինչեւ ի մահ  
Սուրբ մադեկն Սանդուխս կուսին.  
Ցաւ երժական այս յիշատակ:



Ս. ՄԻՔԱՅԵԼ ՃՐԵՇՏԱԿԱՊԵՏ

Անթաղ իւթան Զօրուն Հնօթ Խըսթէլի

ԵՒ

ԱՆՊԱՐԵԼԻ ՍՊԱՍԱԿՈՐ ՆՈՐՈՅ Ս. ԵԿԵՂԵԿԻՆՑ

տոնեայ է՝ կը պարտի ճանչնալ այս նշանաբանը, և տալ աշխարհիկ միջոցներով՝ կայսեր իրաւունքը՝ կայսեր, և Եկեղեցիկ միջոցաւ՝ Աստուծոյ իրաւունքը՝ Աստուծոյ:

Եկեղեցին շատ բանալու փորձութիւն քանի տարիներ առաջ ունեցանք և թերեւս անցուցինք. բայց այս անգամ ահա՛ բոլորովին գոցելու փորձութեան մէջ ինկած կը մնանք: Զափիտ ուզէի քննել թէ այս տեսակ տնօրինութիւն մը ինչո՞ւ իբր պարզ գործ՝ առանց վարանումի հարկադրուեցաւ Եկեղեցին. կատարուած իրողութիւն մ'է այդ: Բայց պարտք կզգամ փաստելու թէ հոգեւոր տեսակէտով ազգաշէն արարք մը չէ այդ, և կ'արժէ որ չուտով վերջ գտնէ:

Եւ արդ, մեր ներկայի ստուգիւ տագնապալի վիճակին մէջ ի՞նչ ընել պէտք էր սգակցելու կամ օգնելու համար Աղդին, առանց դպչելու Եկեղեցւոյ դռներուն, որոնք՝ սկսեալ Սանատուկի հալածանքներէն, և Վարդանանց մեծապատերազմէն, մինչև այսօր շատ և շատ տագնապներու մէջ բաց մընացած, արիացուցած և խիզախած էին Աղդը, ու պահպանած զայն իր բարբարոս դրացիներէն:

«Ճունք Քրիստոսանուէրք միջնորդ են յաղթութեանց (Ս. Ֆր. Քսաւ. Ս. 2), Եկեղեցիները և Մատուռները յաղթանակի միջոցներ են. անոնք մեր բոլոր մոլութիւններէն կրնան ազատել զմեզ և դարձնել զէպի յաղթանակի պատերազմը»:

Բայց, տարօրինա՛կ բան, տեսէք թէ ի՞նչ տեղի կ'ունենայ երբ հակառակը կ'ընդունինք: Տեսէ՛ք թէ ի՞նչպէս կը սգակցինք՝ երբ պաշտօնապէս կը հարկադրուի Եկեղեցւոյ փակումը, և մամուլը կը ջատագովէ զայդ: Ամեն արգելք կը դադրի օր ըստ օրէ բազմապատկուող զուարձութեանց գէմ, թատրոն, նուազահանդէս, պարահանդէս, թէյասիղան, համերդ իրար կը յաջորդեն, կը խաչածեւեն, կը գերազանցեն յարաձուն նորութիւններով, և հաճոյամու կը դարձնեն, կը կորպեն սգահար(?) ժողովսւրդը, ուժացնելով զայն իր պարտքերէն, նոյն իսկ Տէրունական օրերու և ժամերու մէջ: Եկեղ

## ԵԿԵՂԵՑԻՒՆ ԶԱՅՆԸ

ՓՈԽԱՆ ՎԵՐՋԱԲԱՆԻ (\*)



Եկեղեցին Աղդին տունը չէ. Աստուծոյ Տունն է, միանգամ ընդ միշտ նուիրուած Աստուծոյ՝ Որու կը պատկանի: Դեսպանատունն է այն՝ Երկնքի ցանկալի Թագաւորութեան, և յայսնի Սրբատեղի, որու դռները՝ փակուած ծաղկաւէտ պարտէզի նման (Երդ Երգոց), երբէք չե՞ն կրնար բացուիլ աշխարհիկ գործերու և հաւաքոյթներու համար, կամ փակուիլ ու է նկատուամով՝ որ հետեւանք է տագնապի կամ քաղաքանութեան: Առաջին պարագային՝ Հիմնադիրը Թրիստոս կը զայրանայ ու կը գործէ խարազանով՝ «Ճունք իմ Տուն Աղդից կոչեսցի»: և Երկրորդին՝ իր Նախահայրը՝ Դաւիթ խոռվահար, իր բարձրացնէ իր հեծեծանքը՝ «Ժամ է պաշտել զէք, խափանեցին զօրէնս քո»:»

Ուրեմն Եկեղեցին Աստուծոյ Տունն է: Աղդ մը որ Քրիս-

[\*] Ներկայ տարւոյ Զատկի առաւտուուն կիլիկիոյ շրջանին մէջ պատահած նոր աղետալի կատորածներու առթիւ իբր արտայայտութիւն սուցի և բողոքի՝ մեր Եկեղեցիները փակուեցան և մնացին այնպէս, մինչեւ Հոգեգալստեան Տօնի օրը: Այդ միջոցին սակայն, մեր համայնքը հարկադրուած չըլլալով պահելու այդ սուցը, կ'ապրէր իր սովորական կեանքովը, ետ չմնալով ամեն հաճոյքներէ, մինչդեռ Հայ Հոգվմէական և Բողոքական համայնքներ չէին խափանած իրենց հոգեւոր պաշտամունքը: Մենք փորձութիւն և զըրկանք նկատեցինք այդ պահը ի վսաս Հայ Եկեղեցւոյ, և այդ պահը կարճեցնելու փափաքով ձանեցինք ներկայ կոչը, ժամանակի 27 Ապրիլի 3811-րդ թուոյն մէջ, զոր կ'արտատպինք փոքր յապաւումներով, իբր մշտապէս ոգեշահ տեսակէտ՝ յօդուտ Եկեղեցւոյ

Ղեցին փակ է այլեւս, Ե՞ն, ի՞նչ փոլթ, Կիրակի առտուընէ  
ան թող կանխէ իր զուարձութիւններուն : Ի՞նչ ալ հեղասահ,  
սրնթաց հեշտութիւն է, երբ այսպէս կը սուրայ նաւակը  
հոսանքն ի վար...:

Բայց վերադա՞րձը...: Զէ՛, ան կարծուածին չափ ալ  
դիւրին չպիտի ըլլայ: Նաւապե' աը գիտէ թէ ո'րչափ արիւն  
քրաինք պիտի թուփէ այդ բանին համար: Թերեւս անիկու  
աւելի՛ գիւրաւ յաջողի քան ա'յն բարի հոլիւը՝ որ պիտի  
ճնի այս ընթացքով ուժացոծ և ցրուած հօար իր փարախը  
դարձնելու համար: Շատեր գուցէ ծաղրեն այս խօսքերը,  
բայց պիտի կրնա՞ն ժխտել թէ գայլերը շատցած են մեր  
շուրջը, և նոյնիսկ ոչխարի մորթերով:

Ես չեմ անտեսեր մեր մէջ շատերու ջանքերը՝ Ազգը  
կանգնեցնելու գործին մէջ. բայց որպէսզի ապահովապէս  
յաջողին՝ կրնամ ընել անսնց իմ պարզ թելադրութիւնս: Մեր  
դարաւոր գոյութեան պայքարին մէջ շատեր բարեպաշտու-  
թեամբ արիացած, կրցան պաշտպանել Ազգը: Աբրահամ  
կրետացի Կաթուղիկոսը, պարզ բարեպաշտ անհատմը, կրցաւ  
Պարսից նատր Շահի վայրագ արշաւանքին գէմ պաշտպա-  
նել ամրող Արեւելեան Հայաստանի Հայութիւնը: Այսպէս  
նաև մինք շատ բանի կարող կրնանք ըլլալ՝ եթէ ամեն բանէ  
առաջ՝ ըլլանք հաւատքի դինուորներ, կուսակիցներ, «Եթէ  
Աստուած ի մեր կոյս է՛ ո'վ իցէ մեղ հակառակ:»

Թող բարձրացնէ՛ ուրեմն Ազգը Խաչի նշանը՝ Հայ Եռագոյ-  
նին վրայ, ինչպէս Յոյները: Թող գրոշմէ այդ նշանին վրայ  
մեռնողին սէրը և անձնութիւննը իր սրաին մէջ, և այ-  
նուհետեւ տեսի՛ր թէ պէտք պիտի ունինա՞յ ան սգալու,  
կամ փակելու իր եկեղեցիները:

Բայց ես՝ անսնցմէ որ կ'աբհամարեն Եկեղեցւոյ Զայնը,  
կը դարձնեմ խօսքս, և կ'ուղղեմ անսնց որ շատ տառապե-  
ցան՝ և կը սիրեն զես ապրիլ հաւատքով: Յսր Երանելիին  
վիճակակից այդ հաւատացեալներուն կ'ուղղեմ ինչ որ Յորին

ըսաւ իր երեք բարեկամներէն մէկը, երբ եկած էր այցե-  
լելու անոր՝ իր անօրինակ տառապանքին մէջ.—

«Բայց դու կանխեա՛ առ Տէր Ամենակալ աղօթիւք. եթէ  
սուրբ և Ճմբարիս իցես՝ աղօթից քոց լուիցէ՝ դարձուսցէ քեզ  
զյարին արդարութեան, և լինիցին առաջինք քո սակաւք,  
և վերջինք քո անբաւք: Յովբ. Ը. 5—6»

Դարձի՛ր ուրեմն, ո'վ Յորայ բաղգակից տարարադդ  
Ազգս, դարձի՛ր ու բա՛ց քու Սրբատեղիներդ: Մի՛ շուայտիր,  
մի՛ զուարձանար, որովհետեւ այսպէս կ'ըսէ քու Տէրէ՝

ԴԱՐՁԱՐՈՒԻՔ ԱՌ ԻՍ, ԵՒ ԵՍ ԴԱՐՁԱՅՅ ԱՌ ԶԵԶ



ՎԵՐՋ



18

78

89

100

## Յ Ա Ն Կ

---

կջ  
7

### Ա. ՄԱՍ. — ԱԽԱՆԴԱԿԱՆ ՊԱՏՄԱԳՐՈՒԹԻՒՆ

|    |   |    |
|----|---|----|
| Ա. | Քրիստոնի Դաստառակը՝ նուիլուած Հայոց<br>Արքար Թագաւորին . . . . .    | 11 |
| Բ. | Արքար Առաջին Քրիստոնեայ Թագաւոր և<br>Աղդէ Հայրապետ . . . . .        | 15 |
| Գ. | Հնթացք քարոզութեան Ա. Թաղէոս<br>Առաքեալին . . . . .                 | 23 |
| Դ. | Ա. Սանդուխտ Կոյս . . . . .  | 27 |
| Ե. | Վայարանութիւն Ա. Թաղէոս Առաքեալին . .                               | 47 |
| Զ. | Գիւտ նշարաց Ա. Թաղէոս Առաք-<br>եալին և Ա. Սանդուխտ Կոյսին . . . . . | 55 |
| Է. | Սուղա Թաղէոս Առաքեալ . . . . .                                      | 61 |

### Բ. ՄԱՍ. — ՅԻՇԱՏԱԿԱՐԱՆ

|   |   |    |
|---|---|----|
| Ա.  | Ա. Թաղէոս Առաքելոյ կամ Ա. Թաղէի<br>Վանք . . . . .                               | 65 |
| Բ.  | Գեղարդայ Վանք կամ Այրի Վանք . . . . .   | 70 |
| Գ.  | Ա. Թաղէոս և Բարթուղիմէոս Առաքելոց<br>Եկեղեցի Ենիփ Գաբուի . . . . .              | 73 |
| Դ.  | Բարի Մշակ մը, — Տ. Խաչատուր Ա. Քահա-<br>նայ Տ. Գաբրիէլեան (1859—1899) . . . . . | 81 |
| Ե.  | Ա. Սանդուխտ Կոյսի Եկեղեցի Ռումէլի<br>Հիսարի . . . . .                           | 87 |
| Ողբերգ Տ. Մկրտիչ Ա. Խրիմեան Հայրապետի . . . . . | 93  |    |
| Եկեղեցիին Զայնը (Փոխան Վերջարանի). . . . .      | 100   |    |

ԵՐԿՐՈՒԴ ՀԱՏՈՐՈՎ,

ՄԵՐ ԱՌԱՋԻՆ ԼՈՒՍԱԽՈՐԴՉՆԵՐԸ

**Բ.**

**Ա. ԲԱՐԹՈՂԻՄԵՂՍ ԱՌԱՔԵԱԼ**

ԻՐ ԿԵԱՆՔԸ, ԳՈՐԾԸ, ՅԻՇԱՑԱԿԸ, ԵՒ ԱՐԺԱՆԻՔԸ  
ՄԵՆԱՐՈՒԱԾ ՀԱՅ ԵՒ ԱՐԵՒՄՏԵԱՆ  
ԵԿԵՂԵՑԻՆԵՐՈՒ ԿՈՂՄԵ

ՀԱՏԻՐ ՊԱՏԿԵՐՆԵՐՈՎ.



ԱԹԵ, ՏԵՐ, ԸՆՁՈՒԵ

**ԳԻՒ 75 ԴՐՃ.**





